



~~Magister~~  
~~polon VIII~~

"muc"

Henry  
de la Cosa

ora

Manuel Medina

W. <sup>1</sup> pieza D

Leyendo

*Sign. Top.*

*Est.*

*Tab.*

*Núm.*

*Chile*

SELECTÆ  
É VETERI TESTAMENTO  
HISTORIÆ  
AD USUM EORUM  
QUI LATINÆ LINGUÆ

RUDIMENTIS IMBUUNTUR.

ACCREDIT SYNOPSIS VITÆ  
Jesu-Christi, B. M. V. & Sanctorum  
Apostolorum.



MATRITI: MDCCXCIII.

EX TYPOGRAPHIA BENEDICTI CANO.  
SUPERIORUM PERMISSU.



# ADVERTENCIA

## Á ESTA EDICION.

**T**La buena acogida que justamente ha merecido en España esta pequeña Coleccion de Historias Selectas sacadas del Antiguo Testamento , y la que le acompania de las Selectas de Autores Profanos , ha movido al Editor á presentarlas nuevamente al público , despues de las dos impresiones que en poco tiempo se han hecho en la Ciudad de Valencia. Se ha procurado mejorar ésta en lo posible , teniendo la ventaja de llevar traducidos del Frances al Castellano los Prólogos de una y otra Coleccion , que son ciertamente muy dignos de leerse , para conocer á fondo el mérito de unas Obras , que acaso serán las mas preciosas , útiles y agradables que se han compuesto para instruir á la juventud en la Latinidad , en las reglas de las buenas costumbres , y aun en los principios de nuestra santa Religion , aunque éste no sea su principal objeto.

El *Synopsis ó Compendio Vitæ Jesu-Christi*, &c. que va añadido, no es del Autor de esta Obra. Se añadió en las Ediciones de Valencia: y no pareciendo de inferior mérito, se ha incluido tambien en esta primera Edición de Madrid, para que la juventud tenga en este libro no solo lo mas selecto del Antiguo Testamento, sino tambien las Historias mas importantes del Nuevo.

## PRÓLOGO DEL AUTOR.

**T**oda mayor parte de los Maestros que enseñan la Lengua Latina en público ó en particular se quejan con razon de que no tenemos ningun Autor antiguo profano demasiado fácil ni oportuno para ponerle en las manos de los nifios que estudian los principios de esta lengua , y á los que se intenta acostumbrar desde luego á traducir el Latin. Por lo qual recurren algunos á la Sagrada Escritura , donde además de la utilidad de las materias hallan un estílo claro , sencillo y poco figurado. Pero además de que los nifios no pueden servirse cómodamente de un volumen tan grueso como el de la Biblia , los Libros Santos , así Históricos como Morales , contienen no pocas dificultades que son superiores á sus fuerzas , y muchas construcciones irregulares y palabras desconocidas á los buenos Autores , ó usados por ellos en otro sentido.

El Autor de una obra sólida que se publicó poco tiempo hace sobre el modo de enseñar y estudiar las Bellas Letras (1) , conoció muy bien estos inconvenientes , y observó que se podrian evitar , ya reuniendo en un corto volumen las Historias de la Sagrada Escritura, acomodándolas á la capacidad de los nifios y demás personas que solo saben los elementos de

(1) Mr. Rollin.

la Lengua Latina , ó ya poniendo en un estílo claro y simple algunos rasgos de Historias útiles y agradables , tomados de los antiguos Autores Griegos y Latinos. Este plan pareció á muchos que podria ser de grande utilidad ; y para comenzar á practicarle en quanto sea posible , se ha trabajado esta primera colección que ahora damos al Público.

No se intenta hacer un compendio seguido de todo el Antiguo Testamento , sino solo extractar algunos pasages históricos que tampoco se copian íntegros , pues se ha cercenado lo que parecía demasiado prolixo , ó menos interesante ó obscuro. No obstante , se conservan quasi enteras las Historias de Joseph y de Tobias , porque comunmente agradan mucho á los niños , y pueden serles muy útiles. Por las mismas razones , ó por evitar la demasiada alteracion que hubiera sido preciso hacer , se han escogido algunas Historias con preferencia á otras que acaso podrán parecer mas importantes.

Muchas veces se dexan las expresiones del texto para substituir otras mas fáciles , ó mas conformes á las reglas de la Gramática , ó al uso de los antiguos Autores. De suerte que no habrá motivo de temer que la lectura de estos extractos dexe en la memoria de los niños muchas palabras ni frases que puedan perjudicarles para la pureza del Latin en la composicion de sus temas , pues solo se ha conservado un corto número que van señaladas con letra bastardilla en las narraciones , y con letras romanas en

los discursos la primera vez que se usan , para que puedan distinguirlas y observarlas , tales son las palabras *sanctificare* , *benedici* , *humiliare* , *resurrectio* , *peccator* , &c.

Por lo demas conviene advertir que hay ciertas palabras que sin dificultad deben hoy usarse en Latin quando se tratan materias de religion , aunque no se encuentren en los antiguos Autores profanos , ó las den un sentido diverso , pues San Agustin ha decidido muy juiciosamente que las tales palabras se habian hecho latinas desde que los Latinos se habian hecho christianos , teniendo la Religion no menos derecho para inventar voces , que el que tienen las Artes quando se perfeccionan , y necesitan de explicar nuevos objetos.

Se ha seguido casi siempre la vulgata , y solo dexa de seguirse en algunos casos en que el texto Hebreo parece presentar un sentido mas claro.

Como hay motivo de esperar que los muchachos ú otras personas á quienes se haga traducir la primera parte de esta Coleccion , adquieran en breve alguna facilidad para traducir , se ha hecho la segunda parte mas dificil , mudando el orden natural de las palabras , variando mas las expresiones , haciendo las frases mas largas , y usando un estilo mas elevado . Por lo qual se ha llevado mas adelante la libertad de añadir al texto , ó de omitir lo que se ha juzgado conveniente , con especialidad en los extractos de las Historias de David y Ezequias .

por cuya razon se han colocado despues de la  
de los Machabeos.

No obstante se han dexado en esta segunda  
parte algunos pasages en toda su sencillez , pa-  
ra no poner en todas partes el mismo grado de  
dificultad , y no aterrarr á los principiantes ; y  
por otra parte se ha creido que el tocar á es-  
tos pasages seria desfigurarlos , ademas de que  
se busca que la Sagrada Escritura se reconozca  
en esta pequenia obra. El estilo á la verdad será  
por esto ménos uniforme ; pero este es un leve  
inconveniente que no hay obligacion de evitarlo.

Si la execucion no corresponde al designio  
que se propone el Autor , pide á Dios que ins-  
pire á los de mayor capacidad el deseo de que  
trabajen para perfeccionarle.

# INDEX

Selectarum è Veteri Testamento  
Historiarum.

## PARS PRIMA.

<b>C</b> reatur mundus , Homo & Mulier for-	
mantur.	Pag. 1
<b>P</b> rimorum Parentum peccatum & pœna.	2
<b>C</b> ainus occidit fratrem Abelem.	4
<b>M</b> alitia hominum , Diluvium , Fædus Dei cum	
Noaco.	5
<b>T</b> urris Babel.	7
<b>A</b> brahamus vocante Deo venit in terram Chanaam.	8
<b>L</b> othus discedit ab Abrabamo.	9
<b>N</b> ova promissio de multiplicando semine Abra-	
hami.	Ibid.
<b>A</b> ngeli hospitio excepti ab Abrabamo & Lothro.	10
<b>A</b> brahamus filium Isaacum immolare parat.	11
<b>E</b> liezer Rebeccam uxorem adducit ad Isaacum.	12
<b>P</b> rofugum Jacobum consolatur Deus.	15
<b>J</b> acobus benigne excipitur à Labano avunculo.	16
<b>J</b> osephus patri charus & fratribus invisus.	17
<b>J</b> osephus venditus à fratribus.	18
<b>J</b> osephus heros Putiphari carus.	19
<b>J</b> osephus in carcerem conjicitur.	20
<b>S</b> omnia duorum vincitorum interpretatur Jose-	
phorus.	21
<b>G</b> eminum Pharaonis somnium Josephus ex-	
plicat.	22
<b>S</b> eptem anni ubertatis , totidemque inopiae.	25

<i>Fratres Iosephi traditi in custodiam.</i>	Ibid.
<i>Revertuntur ad Patrem, Simeone relicto in vinculis.</i>	26
<i>Redeunt in Agyptum filii Jacobi cum Benjamo.</i>	28
<i>Iosephus reversos fratres cum Benjamo excipit convivio.</i>	29
<i>Scyphus in sacco Benjamini deprebenditur.</i>	31
<i>Judas offert se in servitutem pro Benjamo.</i>	32
<i>Iosephus se fratribus agnoscendum praebet.</i>	33
<i>Jubet Pbarao adduci Jacobum in Agyptum cum universa domo.</i>	34
<i>Patri Agyptum ingredienti occurrit Iosephus.</i>	35
<i>Terra Gessen conceditur habitanda Jacobo &amp; filiis.</i>	36
<i>Jacobus postulat ut sepeliatur in sepulcro patrum.</i>	37
<i>Minorem filiorum Iosephi majori praponit moriens Jacobus.</i>	38
<i>Sepelitur Jacobus in terra Chanaam.</i>	39
<i>Fratres consolatur Iosephus, &amp; moritur.</i>	Ibid.
<i>Opprimuntur Israelitae ab Aegyptiis. Nascitur Moyses.</i>	40
<i>Agni Paschalis immolandi ritus.</i>	42
<i>Egressus Israelitarum ex Agypto.</i>	44
<i>Columna ignis &amp; nubis dux iuineris Israeli.</i>	45
<i>Aegyptii Israelitas per medium mare persecuti fluctibus obruuntur.</i>	Ibid.
<i>Lex data in monte Sina.</i>	47
<i>Transitus Jordanis arca praeeunte.</i>	52
<i>Muri Jerichuntis corrunt.</i>	54
<i>Levita benigne exceptus a socero, &amp; a sene quodam Ephratæo.</i>	55
<i>Gedeonem adversus Madianitas mittit Deus.</i>	57
<i>Duplici velleris miraculo confirmatur Gedeon.</i>	59

<i>Probantur ad aquas qui ad bellum essent progressuri.</i>	Ibid.
<i>Tubis, lagenis &amp; lampadibus debellantur Marianitæ.</i>	60
<i>Samuel nascitur, &amp; Deo offertur.</i>	61
<i>Samueli aperit Deus quæ mala impendeant Heli propter filios.</i>	63
<i>Mors Heli &amp; filiorum.</i>	65
<i>Tobiæ in Deum pietas, conjugium, filius.</i>	66
<i>Tobiæ benignitas in captivitatis suæ socios.</i>	Ibid.
<i>Tobias mortuos cum vitæ periculo sepelit.</i>	67
<i>Tobiæ cæcitas &amp; patientia.</i>	68
<i>Tobias mortem optat, &amp; peccatorum veniam postulat à Deo.</i>	69
<i>Tobiæ monita ad filium.</i>	70
<i>Tobiæ filio comitem se præbet Angelus.</i>	71
<i>Flecentem Tobiæ matrem consolatur conjux.</i>	72
<i>Tobias liberatus à pisce venit ad Raguelum.</i>	73
<i>Tobiæ Sara uxor datur.</i>	74
<i>Tobiæ &amp; Saræ preces ad Deum.</i>	75
<i>De incolumitate novorum conjugum gratias agit Deo Raguel.</i>	76
<i>Gabelus ab Angelo adducitur ad nuptias.</i>	77
<i>Tobias pater &amp; Anna dolent de longa filii absentia.</i>	78
<i>Raguel generum &amp; filiam tandem dimittit.</i>	Ibid.
<i>Reversus domum Tobias, patri visum restituit.</i>	79
<i>Angelus oratus ut mercedem accipiat, aperiit quis sit.</i>	80
<i>Cælum repetit Angelus Raphael.</i>	81
<i>Tobias pater Deo gratias agit, &amp; futura prædicit.</i>	82
<i>Mors utriusque Tobiæ.</i>	Ibid.

P A R S   S E C U N D A.

<i>O</i> iae summi Pontificis pietas, & Simonis perfidia.	Pag. 34
<i>Heliodorus ad diripiendos templi thesauros mitit.</i>	85
<i>Luctus urbis viso auditoque Heliodoro.</i>	Ibid.
<i>Heliodorus flagellis cæditur.</i>	86
<i>Orante Deum Onia sanatur Heliodorus.</i>	87
<i>Exercituum in aere congressus conspiciuntur.</i>	88
<i>Antiochi Epiphanis crudelitas atque impietas.</i>	Ibid.
<i>Antiochi Epiphanis Praefecti Judæos omnibus malis vexant.</i>	89
<i>Egregia Eleazari senis mors.</i>	91
<i>Septem fratribus &amp; matris eorum cruciatus.</i>	92
<i>Mathathiae &amp; filiorum ejus pietas ac fortitudo.</i>	96
<i>Mors Mathathiae.</i>	98
<i>Judæ Machabæi laus.</i>	99
<i>Apollonium &amp; Seronem vincit Judas armis &amp; fiducia in Deum.</i>	100
<i>Antiochus Judæam gentem delere statuit.</i>	101
<i>Deo in auxilium vocato vincuntur à Juda Nicænus &amp; Gorgias.</i>	102
<i>Victi quoque à Juda Thymotheus, Bacchides, Lysius.</i>	104
<i>Lustratur templum, &amp; muris cingitur mons Sion.</i>	106
<i>Judam pugnantem missi è cælo equites tuentur.</i>	107
<i>Antiochus à Deo percussus moritur.</i>	108
<i>Lysia iterum victo pax componitur.</i>	111
<i>Hostibus iterum oësis, urbes expugnat Judas.</i>	112
<i>Pro mortuorum peccatis sacrificium offertur.</i>	113
<i>In Antiachi Eupatoris &amp; Lysia castra noctu-</i>	

<i>irrumpit Judas.</i>	114
<i>Iterum victus Eupator cum suis elephantis.</i>	115
<i>Eleazar elephantis occisi pondere opprimitur.</i>	116
<i>Demetrius Alcimum ad summum Sacerdotium promovere frustra tentat.</i>	Ibid.
<i>Impius Nicanor templo minatur, &amp; Dei potentiam contemnit.</i>	117
<i>Judas suos roborat fiducia in Deum, narrato somnio de Onia &amp; Jeremia.</i>	119
<i>Victus &amp; occisus Nicanor impietatis pœnas dat.</i>	120
<i>Judas fortissime dimicans occiditur ac lugetur.</i>	122
<i>Goliathus Philistæus provocat Israelitas ad singularē certamen.</i>	123
<i>David pugnam adversus Goliathum depositit.</i>	124
<i>Rege permittente se ad pugnam accingit David.</i>	125
<i>Goliathus à David victus &amp; obtruncatus.</i>	126
<i>Davidis laudibus offensus Saul de ejus pernicie cogitat.</i>	127
<i>David à Saulis lancea declinat, &amp; ducentos Philistinos occidit.</i>	128
<i>David mille viris Tribunus præficitur.</i>	129
<i>Saulem Davidi placare tentat Jonathas.</i>	130
<i>David à Michole uxore servatus fugit, Jonatha frustra patrem deprecante pro eo.</i>	131
<i>Davidem persequitur Saul.</i>	132
<i>David in spelunca Engaddi latitans oram cblamidis Saulis abscondit.</i>	Ibid.
<i>David Sauli dormienti scyphum &amp; bastam auffert.</i>	134
<i>Davidem apta oratione placat Abigail.</i>	136
<i>Saulis Regis desperatio &amp; mors.</i>	140
<i>Luctus Davidis de morte Saulis.</i>	142
<i>David adulterio cum Bethsabee adjungit cædem Uriæ mariti ejus.</i>	143

<i>Mittitur à Deo Nathan ad Davidem.</i>	144
<i>Parabola de ovi cula pauperi erepta.</i>	Ibid.
<i>Objurgationes &amp; minæ Prophetæ Nathanis, &amp; Davidis pœnitentia.</i>	146
<i>Absalon adversus Davidem patrem conjurat.</i>	147
<i>David egreditur cum suis ex urbe.</i>	148
<i>Semei maledicta patienter fert David.</i>	Ibid.
<i>Absalon parentis uxoribus illudit.</i>	150
<i>Domini nutu consilium Achitophelis dissipatum.</i>	Ibid.
<i>Absalon prælio victus transfoditur.</i>	151
<i>David Absalonem filium luget.</i>	152
<i>David Semei veniam precanti ignoscit.</i>	153
<i>Omnem populum Israeliticum recenseri jubet David.</i>	154
<i>Septuaginta hominum millia pestis absumit.</i>	155
<i>Ezechias à rerum sacrarum cura regnandi exordium ducit.</i>	157
<i>Celebrandi Paschatis consuetudo renovatur.</i>	158
<i>Deorum simulacra &amp; serpens æneus confringuntur.</i>	159
<i>Sacrificiis &amp; sacrorum ministris providet Ezechias , vincitque Philistæos.</i>	160
<i>Sennacheribus multas Judæ urbes capit.</i>	161
<i>Ezechias populum hortatur ad spem reponendam in Domino.</i>	162
<i>Ezechias à morte imminentे liberatus.</i>	163
<i>Ezechias thesauros suos Babylonii ostentat.</i>	164
<i>Ezechiam adversus Rapsacis impia ac superba dicta consolatur Isaias.</i>	165
<i>Ezechiae divinum auxilium iterum pollicetur Isaias.</i>	167
<i>Ob advoca ta externa auxilia sibi plaudunt Principes Judæ.</i>	168
<i>Victis Aethiopæ &amp; Ægypti exercitibus accedit ad urbem Hierosolymam Sennacheribus.</i>	169

<i>Deletus exercitus Sennacheribi, ipse à filiis deinde occisus.</i>	171
<i>Ezechiæ pietas &amp; mors.</i>	172

## SYNOPSIS VITÆ

### DOMINI NOSTRI JESU CHRISTI, BEATÆ Mariæ Virginis, ac SS. Apostolorum.

<i>De Christi Genealogia, Nativitate, &amp; Bap- tismo.</i>	173
<i>De Miraculis Christi, ac de ejus Prædica- tione.</i>	174
<i>De triumphali Christi ingressu in urbem Hie- rosolymam.</i>	175
<i>De Paschate à Christo celebrato, &amp; Eucha- ristia ab ipso instituta.</i>	177
<i>De Passione Christi.</i>	Ibid.
<i>De Morte Christi.</i>	180
<i>De Christi sepultura.</i>	181
<i>De Christi Resurrectione, &amp; Ascensu ejus in Cælum.</i>	Ibid.

### DE BEATA MARIA VIRGINE.

<i>De genere &amp; Parentibus Beatæ Mariæ Vir- ginis.</i>	183
<i>De Mariæ Virginis Præsentatione in Templo, ejusque Desponsatione cum S. Josepb.</i>	Ibid.
<i>De Annuntiatione, &amp; Visitatione B. Mariæ Virginis.</i>	185
<i>De Partu &amp; Purificatione B. Mariæ Vir- ginis.</i>	186
<i>De Maria Virgine à Purificatione usque ad mortem.</i>	Ibid.
<i>De Morte &amp; Assumptione B. Mariæ Vir- ginis.</i>	187

<i>De Apostolis.</i>	188
<i>De S. Petro Apostolorum Principe.</i>	189
<i>De S. Paulo.</i>	192
<i>De S. Andrea.</i>	195
<i>De S. Jacobo Majori.</i>	196
<i>De S. Joanne Apostolo &amp; Evangelista.</i>	197
<i>De S. Philippo.</i>	198
<i>De S. Bartholomæo.</i>	199
<i>De S. Thoma.</i>	Ibid.
<i>De S. Matthæo Apostolo &amp; Evangelista.</i>	200
<i>De S. Jacobo Minore.</i>	201
<i>De S. Thaddæo, seu Juda.</i>	202
<i>De S. Simone Cananæo.</i>	203
<i>De Juda Iscariothe.</i>	Ibid.
<i>De S. Matthia.</i>	205
<i>De S. Barnaba.</i>	206

SELECTÆ  
E VETERI TESTAMENTO  
HISTORIE  
AD USUM EORUM  
QUI LATINÆ LINGUÆ  
RUDIMENTIS IMBUUNTUR.

---

PARS PRIMA.

*Creatur mundus, Homo & Mulier formantur.*

**D**eus omnipotens creavit sex diebus cœlum & terram, & omnia quæ in eis sunt. Cessavit ab opere & requievit die septimo, benedixitque ei, & *sanc-tificavit* illum.

Formavit autem Dominus Deus hominem ex lîmo terræ, dedit illi animam viventem, & ad imaginem & similitudinem suam fecit eum, vocavitque illum Adamum.

Dixit deinde Dominus Deus: *Non est bonum esse hominem solum: faciamus ei adjutorium simile sibi.* Immisit ergo soporem in Adamum; cumque obdormisset, tulit unam è costis ejus, ex qua formavit mulierem, adduxitque eam ad Adamum, qui illâ

visâ, dixit: *Ecce nunc os ex ossibus meis est, & caro è carne mea. Quamobrem relinquet homo patrem suum, & matrem, & adhærebit uxori suæ, & erunt duo in carne unâ.*

Itaque Dominus Deus, masculo & foeminâ formatis, benedixit illis, dicens: *crescite, & multiplicamini, & replete terram, & subjicite eam: dominamini piscibus maris, & volatilibus cœli, & universis bestiis quæ moventur super terram. Omnes herbæ & arbores producentes fructum, & habentes in semetipsis sementem secundum speciem suam, erunt in escam vobis, & cunctis animantibus terræ, omnique volucri cœli.*

### *Primorum Parentum peccatum & pœna.*

Posuit Dominus Deus hominem in horto amœnissimo, qui Paradisus terrestris vocari solet, ut coleret illum, & custodiret. Erant ibi omnes arbores pulchræ oculis, & gustui suaves, & in medio earum arbor scientiæ boni & mali. Dixitque Deus hominî: *ex omnium Paradisi arborum fructibus comedere, præter quam ex fructu arboris scientiæ boni & mali, nam statim atque comederis ex eo, morieris.*

Sed Serpens, qui erat callidior cunctis animantibus quæ fecerat Dominus Deus, dixit mulieri: *Cur præce it vobis Deus, ne comederitis ex omni arbore paradisi? cui respondit mulier: fructu arborum quæ sunt in paradyso vescimur; Deus autem vetuit ne fructum comederemus illius arboris quæ est in medio paradyso, & ne tangeremus, ne forte moriamur. Ne quaquam, inquit Serpens, moriemini: scit verò Deus, statim atque comederitis ex fructu illius arboris, fore ut aperiantur oculi vestri, & fore ut sitis sicut Dii, scientes bonum & malum.*

Videns igitur mulier fructum illius arboris bonum esse ad vescendum , aspectuque delectabilem, decerpserit & comedit : obtulit etiam viro suo , qui pariter comedit. Et statim aperti sunt oculi ambo-rum. Fuerat adhuc uterque nudus , & non erubescabant. Cum vero cognovissent se esse nudos , con-suerunt folia sicūs , quibus quædam veluti cingula sibi fecerunt. Absconditque se Adamus & uxor ejus à facie Domini.

Vocavit autem Dominus Deus Adamum , & di-xit ei : *Ubi es* : Et respondit Adamus. *Conspectum tuum timui eò quod nudus essem , & abscondi me.* *Quis* , inquit Dominus , *indicavit tibi nudum esse te , nisi quia fructum quem præceperam tibi ne comederes , comedisti ?* Dixitque Adamus : *mulier quam de-disti miki sociam , fructum illum mibi porrexit ut ederem.* Et dixit Dominus mulieri : *Quare hoc fecisti ?* quæ respondit : *Serpens decepit me.*

Et dixit Dominus Serpenti : *Quia fecisti hoc , maledictus es inter omnia animantia & bestias ter-ræ : super pectus tuum gradieris & terram come-des cunctis diebus vitæ tuæ.* *Inimicitias ponam inter te & mulierem , & inter semen tuum & semen illius:* ipsa conteret caput tuum : & tu insidiaberis calcaneo ejus. Mulieri quoque dixit : *Multiplicabo ærumnas tuas , in dolore paries filios & sub viri potestate eris & ipse dominabitur tibi.* Dixit autem Adamo : *Quia audisti vocem uxoris tuæ , & fructum comedisti illius arboris quæ tibi interdicta fuerat , maledicta erit terra propter peccatum tuum.* *Multo cum labore come-des ejus fructus , spinas & tribulos germinabit tibi , & in sudore vultus tui vesceris pane donec revertaris in terram è qua sumptus es : quia pulvis es & in pulverem reverteris.*

Ejecit deinde Dominus Deus Adamum è para-diso , ut coleret terram , & collocavit antè paradi-

sum Angelum , qui gladium flammeum manu præse-  
rabat & versabat. Vocavit autem Adamus nomen  
uxoris suæ , Heva.

*Caïnus occidit fratrem Abelem.*

Habuit Adamus ex Heva conjugé sua liberos mul-  
tos , inter quos numerantur Caïnus & Abel. Fuitque  
Abel pastor ovium , & Caïnus agricola. Factum est  
autem ut , cum obtulisset Caïnus è fructibus terræ  
munera Domino , Abel quoque offeret primogenito-  
rum gregis sui pinguissimos. Respexit Dominus Abe-  
lem & munera ejus : at Caïnum verò & munera il-  
lius non respexit. Iratusque est Caïnus vehementer,  
& concidit vultus ejus. Dixitque ei Dominus : *Qua-  
re iratus es & cur concidit facies tua? nonne , si be-  
nè egeris , mercedem recipies , sin autem male sta-  
tim peccati pœnam?* Caïnus Dei monentis vocem  
non audiens , dixit fratri suo : *egrediamur foras.*  
Cùmque essent in agro , insurrexit adversus Abelem  
& interfecit eum. Et dixit Dominus Caïno : *Ubi est  
Abel frater tuus? qui respondit : Nescio; num custos  
fratris mei sum ego?* dixitque Deus : *quid fecisti?*  
*vox sanguinis fratris tui clamat ad me è terra. Nunc  
igitur maledictus eris super terram , quæ suscepit ac  
bibit sanguinem fratris tui , quem ipse manu tuâ fu-  
disti.* Cum eam longo & duro labore colueris , non  
dabit tibi fructus suos : *profugus eris & vagus super  
illam.* Tunc dixit Caïnus Domino : *Major est ini-  
quitas mea quām ut veniam merear. Ecce ejici me  
bodiè , & à facie tua abscondar , & ero vagus & pro-  
fugus in terra ; omnis igitur qui invenerit me , occi-  
det me.* Dixitque ei Dominus : *neq[ue]quam ita fiet:  
sed omnis qui occiderit Caïnum , septuplum punietur  
& gravissimas pœnas feret.* Posuitque Dominus in  
Caïno signum ut non interficeret eum , omnis qui  
invenisset eum.

*Malitia hominum. Diluvium. Fædus Dei cum  
Noaco.*

Cum cœpissent homines multiplicari super terram, multiplicata quoque sunt peccata eorum & sceleræ. Cum ergo vidisset Deus magnam esse hominum malitiam, & cunctam cogitationem cordis eorum intentam esse ad malum omni tempore, pœnituit eum quod hominem fecisset. Et tactus dolore cordis intrinsecus: *delebo*, inquit, *hominem quem creavi, à facie terræ, cum omni reptili, volucribus, cæterisque animantibus: pœnitet enim me fecisse ea omnia.*

Noacus verò vir justus & perfectus invenit gratiam coram Domino, qui dixit illi, *repleta est terra iniquitate hominum, & ego disperdam eos. Compinges tibi arcam ex lignis lœvigatis; mansiunculas in ea facies, & eam bitumine linies intrinsecus & extrinsecus. Trecentis cubitis longa erit arca, quinquaginta verò cubitorum erit ejus latitudo, & triginta cubitorum altitudo. Tectum habebit incurvum & in altitudinem cubiti assurgens. Tria tabulata facies, & fenestram; ostium pones in latere. Ecce ego adducam aquas diluvii super terram, & interficiam omnem carnem in qua spiritus vitæ est subter cœlum. Universa, quæ in terra sunt, consumentur: ponamque fædus meum tecum: te enim vidi justum coram me. Et ingredieris arcam tu, & filii tui, uxor tua, & uxores filiorum tuorum, tecum. Et ex cunctis animalibus bina induces in arcam, masculini sexus & fœminini; ut possint vivere; & salvum fiat eorum semen. Tales etiam ex omnibus escis quæ mandi possunt & comportabis in arcam, eruntque tam tibi quam animantibus in cibum.*

Fecit Noacus omnia quæ mandaverat ei Dominus. Eratque tunc annorum sexcentorum. Itaque in-

gressus est ipse & uxor ejus , filii tres , Semus , Chamus , & Japhetus , & tres uxores eorum , in arcam . Ingressa quoque sunt animalia bina ex omni specie , masculus & fœmina & clausit ostium Dominus fornicatus . Tunc maris & fontium omnium aquæ in terram eruperunt & cataractæ cœli apertæ sunt , & cecidit pluvia quadraginta diebus & quadraginta noctibus . Aquæ multiplicatæ repleverunt omnia in superficie terræ , & elevaverunt arcam in sublime , opertique sunt omnes montes excelsi sub universo cœlo , ita ut quindecim cubitis altior fuerit aqua montibus quos operuerat . Igitur consumpta est & mortua omnis caro tam hominum quam animalium . Remansit autem solus vivus Noacus : & qui cum eo erant in arca quæ ferebatur super undas .

Cùm aquæ terram & montes altissimos obtinuerent centum & quinquaginta diebus ; recordatus Deus Noaci , cunctorumque animantium quæ erant conclusa cum eo in arca , adduxit ventum vehementem super terram , & sensim imminutæ sunt aquæ . Mens se undecimo , ex quo diluvium cœperat , aperiens Noacus fenestram arcæ , dimisit corvum , qui reversus non est . Emisit quoque columbam post eum , ut videret an adhuc essent aquæ super faciem terræ . Quæ cum non invenisset ubi requiesceret pes ejus , reversa est ad Noacum , qui extendit manum & apprehensam intulit in arcam . Expectatis autem septem diebus aliis , rursum dimisit columbam ex arca . At illa venit ad eum circà vesperam portans ramum olivæ virentibus foliis in ore suo . Intellexit ergo Noacus cessasse aquas tegere terram . Expectavitque septem alios dies , & emisit columbam , quæ non est ultrà reversa ad eum .

Itaque aperiens Noacus tectum arcæ , aspexit , viditque omnino exsiccatam esse superficiem terræ . Noluit tamen antè egredi ex arca , quâm allocutus eum

Deus dixerit: *Egredere ex arca tu, & uxor tua cum filiis & nuribus tuis. Cuncta animantia quæ sunt apud te educ tecum, ingredimini super terram, & implete eam: crescite & multiplicamini.* Egressus est ergo Noacus ex arca, in qua annum totum manserat inclusus, & familia ejus, & jumenta, & volatilia, cæteraque animantia. Tùm ædificavit altare Domino, super quod obtulit holocausta.

Suave fuit & gratum Deo sacrificium Noaci. Itaque dixit illi & filiis ejus. *Nequaquam ultrà maledicam terræ propter homines: sensus enim & cogitatio humani cordis in malum prona sunt ab adolescentia. Non igitur percutiam deinceps omnem animam viventem sicut feci. Deinceps sementis & messis, æstas & hiems, nox & dies sibi succedent. Timeant vos cuncta animalia terræ, & volucres cœli. Omnes pisces maris manui vestræ tradidi. Quiquid movetur & vivit erit vobis in cibum: & omnia quasi olera virentia, trado vobis. Ecce statuo pactum meum vobiscum & cum semine vestro post vos. Arcum meum ponam in nubibus; & erit signum fœderis quod constitui inter me & omnem carnem super terram. Cumque obduxero nubibus cœlum, apparebit arcus meus & recordabor fœderis mei sempiterni vobiscum & non erunt ultrà aquæ diluvii ad delendam universam curnem.*

Vixit autem Noacus post diluvium trecentos quinquaginta annos, & cursus ejus vitæ nongentorum quinquaginta annorum fuit, & mortuus est.

### Turris Babel.

Idem erat omnium hominum sermo post diluvium, eâdem lingua utebantur. Dixitque alter alterius. *Venite faciamus lateres, & coquamus eos igne. Habueruntque lateres pro saxis, & bitumen pro cæ-*

mento. Et dixerunt: *Venite, faciamus nobis civitatem, turrim cuius culmen pertingat ad cœlum: & celebremus nomen nostrum, antequam dividamur in universas terras.*

Descendit autem Dominus, ut videret civitatem & turrim, quam ædificabant filii Adami. Et dixit: *Ecce unus est populus, & una lingua omnibus: cœperuntque hoc facere, nec desistent à cogitationibus suis, donec eas opere compleant. Venite igitur, descendamus & confundamus ibi linguam eorum, ut non audiat unusquisque vocem proximi sui.* Atque ita di-visit illos Dominus ex illo loco in universas terras, & cessaverunt ædificare civitatem. Et idcirco vocatum est nomen ejus Babel: quia ibi confusa est lingua universæ terræ & indè dispersit eos Dominus in cunctas orbis regiones.

### *Abrahamus vocante Deo venit in terram Chanaam.*

Dixit Dominus Abrahamo: *Egredere è terra tua, & cognatione tua, & domo patris tui, & veni in terram quam monstrabo tibi. Faciam ut crescas in gentem magnam, & benedicam tibi, & magnificabo nomen tuum, erisque Benedictus. Benedicam benedicentibus tibi, & maledicam maledicentibus tibi, atque in te Benedicentur universæ gentes terræ.* Abrahamus itaque sicut præceperat ei Dominus, egressus est ex urbe, quæ vocatur Haran in Mesopotamia; secumque deduxit Saran uxorem suam, & Lotum filium fratris sui. Cùmque venissent in terram Chanaam, apparuit Dominus Abrahamo, & dixit ei: *semini tuo dabo terram banc.* Abrahamus ædificavit ibi altare Domino qui apparuerat ei, & invocavit nomen ejus.

Cùm autem prævaluisset fames in terra Chanaam, descendit Abrahamus in Ægyptum cum uxo-

re sua , & Lothus , & omnibus quæ habebat , ut peregrinaretur ibi .

*Lothus discedit ab Abrahamo.*

Ex Ægypto reversus est Abrahamus in terram Chanaam dives valde auro & argento . Sed Lothus , qui erat cum eo , habebat etiam greges ovium , & armenta , & tabernacula : nec poterat eos capere eadem terra , ut habitarent simul . Unde & facta est rixa inter pastores gregum Abrahami & Lothi . Cui ut finis imponeretur , dixit Abrahamus Lotho , *Ne , quæso , sit iurgium inter me & te , & inter pastores meos & pastores tuos : fratres enim sumus . Ecce universa terra coram te est : recede à me , obsecro : si ad sinistram ieris , ego dexteram tenebo : si tu dexteram elegeris , ego ad sinistram pergam .* Elevatis itaque oculis Lothus vidit regionem quæ circa Jordanem amnem erat . Ea irrigabatur universa sicut paradiſus terrestris , antequam subverteret Dominus Sodomam & Gomorrah . Elegitque Lothus sibi se dem ibi , & moratus est in oppidis , & habitavit inter Sodomitas , qui pessimi homines erant & peccatores coram Domino . Abrahamus vero habitavit in terra Chanaam .

*Nova promissio de multiplicando semine  
Abrahami.*

Dixit Dominus Abrahamo , postquam recessit ab eo Lothus : *Leva oculos tuos , & vide à loco , in quo nunc es , ad aquilonem & meridiem , ad orientem & occidentem . Omnem terram quam conspicias , ibi dabo , & semini tuo in sempiternum . Faciamque semen tuum sicut pulverem terræ . Si quis potest hominum numerare pulverem terræ , semen quoque tuum nu-*

merare poterit. Surge & perambula terram in longitudine sua, quia tibi datus sum eam.

Movens igitur tabernaculum suum Abrahamus, habitavit propè urbem Hebronem, ædificavitque ibi altare Domino.

*Angeli hospitio excepti ab Abrahamo & Lothro.*

Cum sederet in ipso fervore diei Abrahamus ante hostium tabernaculi sui, & elevasset oculos, apparuerunt ei tres viri stantes propè eum. Quos cum vidisset, cucurrit in occursum eorum ab ostio tabernaculi, & procumbens in terram, dixit: *Domine si inveni gratiam in oculis tuis, ne transeas servum tuum: sed afferam pauxillum aquæ, & lavate pedes vestros, & requiescite sub arbores: ponamque bucellam panis, & corroborate cor vestrum. Postea transibitis: Idcirco enim declinastis ad servum vestrum.* Qui dixerunt: *Fac ut locutus es.*

Festinavit Abrahamus in tabernaculum ad Saram, dixitque ei: *Accelera, similam commisce, & panes sub cinere tostos affer quamprimum.* Ipse vero ad armentum cucurrit, & tulit inde vitulum tenerimum & optimum, deditque servo, qui festinavit & coxit illum. Tulit quoque butyrum & lac, & vitulum quem coxerat, & posuit coram eis: ipse vero stabat juxta eos sub arbore. Cum autem comedissent, & surrexisserent, deduxit eos Abrahamus.

Venerunt duo ex illis viris seu Angelis Sodoman vespere, sedente Lothro in foribus civitatis. Qui cum vidisset eos, surrexit & ivit obviam eis, adoravitque pronus in terram, & dixit: *Obsecro Domini, declinate in tabernaculum servi vestri, & manete ibi: lavate pedes vestros & manæ quo vobis animus est ire, proficisciemini.* Qui dixerunt: *minime: sed in platea manebimus.*

Compulit Lothus eos oppido ut diverterent ad eum , cùmque ingressi essent domum illius , paravit eis convivium , & coxit panes sine fermento ; & comedenterunt.

*Abrahamus filium Isaacum immolare parat.*

Tentavit Deus Abrahamum , & dixit ei : *Abrahame , Abrahame.* At ille respondit : *adsum. Tolle,* inquit Deus , *filium tuum unigenitum Isaacum , quem diligis , & vade in terram visionis , atque ibi offeres eum in holocaustum super unum montium quem monstravero tibi.* Igitur Abrahamus de nocte consurgens , stravit asinum suum , duxitque secum duo juvenes & Isaacum filium suum. Cùmque concidisset ligna in holocaustum , abiit in locum quem præcepérat ei Deus.

Die tertio , elevatis oculis , vidit locum procul ; dixitque servis suis : *expectate hic cum asino : ego & puer ibimus illuc properantes , & postquam adoraverimus , revertemur ad vos.* Tulit quoque ligna holocausti , & ea imposuit super Isaacum filium suum : ipse verò portabat in manibus ignem & gladium. Cùmque duo pergerent simul , dixit Isaacus patri suo : *Pater mi;* At ille respondit : *quid vis fili ? Ecce , inquit , ignis & ligna : ubi est victima holocausti ?* Dixit autem Abrahamus , *Deus providebit sibi victimam holocausti , fili mi.* Pergebant ergo pariter.

Ubi venerunt ad locum quem ostenderat Deus , Abrahamus ædificavit in eo altare & super altare ligna composuit. Cùmque alligasset Isaacum filium suum , posuit eum super struem lignorum. Extenditque manum , & arripuit gladium ut immolaret filium suum. At ecce Angelus Domini è cœlo clamat , dicens : *Abrahame , Abrahame.* Qui respon-

dit; adsum. Dixitque ei: *Non extendas manum tuam super puerum, neque facias illi quidquam, jam video times Deum & non pepercisti unigenito filio tuo propter me.* Levavit Abrahamus oculos suos, & post tergum vidit arietem inter vepres hærentem cornibus quem assumens obtulit holocaustum pro filio.

Vocavit autem Angelus Domini Abrahamum secundò è cœlo, dicens, *per memetipsum juravi, dicit Dominus, quia fecisti hanc rem, & non pepercisti filio tuo unigenito propter me; benedicam tibi, & multiplicabo semen tuum sicut stellas cœli, & velut arenam quæ est in littore maris; possidebit semen tuum portas inimicorum suorum & benedicentur in semine tuo omnes gentes terræ, quia obedisti voci meæ.* Reversusque est Abrahamus ad servos suos, abieruntque Bersabee simul, & habitavit ibi.

*Eliezer Rebéccam uxorem adducit ad Isaacum.*

Erat Abrahamus senex, dierumque multorum; & Dominus in cunctis benedixerat ei. Dixitque servò seniori domús suæ nomine Eliezer, qui præerat omnibus quæ habebat: *Jura mibi per Dominum Deum cœli & terræ, te non accepturum uxorem filio meo è filiabus Chananæorum, inter quos habito, sed in Mesopotamiam, ubi cognatio mea est, prefecturum, uti indè filio meo Isaaco conjugem adducas.* Respondit servus: *Si noluerit mulier venire mecum in terram hanc, numquid reducere debo filium tuum in Chaldæam, ex quâ tu egressus es?* Dixitque Abrahamus, *cave nequando reducas filium meum illuc. Dominus Deus cœli, qui jussit me domum patris mei, in qua natus eram, relinquere, & qui jurejurando confirmavit, se semini meo daturum terram hanc, ipse diriget viam tuam, & mittet Angelum suum tecum ut possis indè filio meo uxorem eligere.* Si vero

*mulier noluerit sequi te , non tenebis juramento. Hoc tuncum te nō nō eo , ne filium meum illuc reducas unde egressus sum. Juravit Eliezer in verba Abrahāmi , tulitque decem camelos gregis domini sui , & portans ex omnibus ejus bonis secum , profectus est.*

Ubi pervenit in Mesopotamiam propè urbem Haran , caelos suos fecit accubare ac requiescere extrà oppidum juxta puteum aquæ vesperæ , tempore quo solebant mulieres egredi ad hauriendam aquam. Et dixit : *Domine , Deus Domini mei Abrahāmi occurre , obsecro , mibi hodie ; & bonus esto atque misericors erga Dominum meum Abrabamum. Ecce ego propè sto fontem aquæ , & filiæ habitatorum hujus civitatis egredientur ad hauriendam aquam. Fac igitur , ut puella , cui ego dixerim : inclina hydriam tuam , ut bibam , & quæ responderit : bibe , quin & camelis tuis dabo potum : ipsa sit quam præparasti servo tuo Isaaco. Et per hoc intelligam te bonitate & misericordiæ usum esse in dominum meum.*

Vix hæc verba protulerat , cùm conspecta ab eo est Rebecca , puella maximè decora , virgoque pulcherrima. Quæ ubi descendit ad fontem , & implevit hydriam , revertebatur. Occurrit ei Eliezer , & dixit , *Pauxillum aquæ mibi ad bibendum præbe ex hydria tuâ. Quæ respondit : Bibe , Domine mi. Celeriter depositus hydriam ex scapula super ulnam suam , & dedit ei potum. Cùmque ille bibisset , adjecit Rebecca : Quin & camelis tuis hauriam aquam , donec cuncti bibant. Effundensque hydriam in canales , recurrat ad puteum , ut hauriret aquam , & haustam omnibus camelis dedit. Ipse autem contemplabatur eam tacitus , scire volens utrum prosperum iter suum fecisset Dominus , an non.*

Postquam biberunt camelii , protulit servus Abrahāmi inaureas & armillas : quas tradidit Rebeccæ , & dixit ei : *Cujus es filia ? indica miki. Est in domo*

*patris tui locus ad manendum? Quæ respondit: filia sum Batuelis, qui natus est Nachore fratre Abramam. Palearum & fœni plurimum est apud nos, & locus spatiuosus ad manendum. Tum inclinavit se homo, & adoravit Dominum, dicens: Benedictus sit Dominus Deus domini mei Abramam, qui non abstulit misericordiam à domino meo; & recto itinere me perduxit domum fratris domini mei. Cucurrit vero puella, & nunciavit matris suæ Melchæ omnia quæ contigerant.*

Erat tunc domi frater Rebeccæ, cui nomen Labanus. Hic cum vidisset inaures & armillas in manibus sororis suæ, & cuncta audisset, quæ illa sibi ab Eliezere dicta referebat: festinus egressus est ad hominem qui stabat cum camelis propè fontem aquæ, dixitque ei: *Ingredere, benedicte à Domino: cur foris stas? præparavi domum, & locum camelis.* Et introduxit eum in hospitium, camelis stragula detraxit: deditque illis paleas & fœnum, & aquam hospiti ad lavandos pedes ejus & virorum qui venerant cum eo, & appositus est in conspectu ejus panis. At ille negavit se quidquam cibi degustatum, antequam exposuisset suscepti itineris causam, & quæ sibi juxtâ fontem sedenti atque Dominum Deum oranti contigissent. Quod ubi plurimis verbis præstítit, responderunt Labanus & Bathuel: *a Domino egressus est sermo: non possumus adversus voluntatem ejus quidquam loqui tecum.* En Rebecca coram te est, tolle eam, & proficisci, & sit uxor filii Domini tui, sicut locutus est Dominus. Quod cum audisset servus Abramam, procidens in terram adoravit Dominum. Prolatisque vasis argenteis & aureis, ac vestibus, dedit ea Rebeccæ promunere. Fratribus quoque ejus & matri dona obtulit. Deinde inito convivio, vescentes pariter & bibentes mansuerunt ibi.

Surgens autem manè Eliezer , dixit: *Dimitte me, ut vadam ad Dominum meum.* Responderuntque fratres Rebeccæ & mater : *Maneat puella saltem decem dies apud nos ; & post ea proficietur.* Nolite, ait , me retinere quia *Dominus direxit viam meam: dimitte me, ut pergam ad dominum meum.* Et dixerunt : *Vocemus pueram, & quaeramus ipsius voluntatem.* Cumque vocata venisset , sciscitati sunt: *Vis ire cum homine isto ?* Quæ respondit : *Vadam.* Dimiserunt ergo eam & nutricem illius , servumque Abrahāmi & comites ejus , precantes prospera sorori suæ. Igitur Rebeccā & pueræ illius , ascensis camelis secutæ sunt Eliezerem , qui festinus revertebatur ad dominum suum.

Eo autem tempore egressus Isaacus ad meditandum in agro , inclinata jam die deambulabat. Cumque elevasset oculos , vidi camelos venientes procul. Rebeccā quoque , conspecto Isaaco , è camelō descendit , & dixit servo : *Quis est ille homo qui venit per agrum in occursum nobis ?* Respondit Eliezer: *Ipse est dominus meus.* At illa tollens citò pallium , operuit se. Servus autem cuncta quæ gesserat narravit Isaaco , qui introduxit Rebeccam in tabernaculum matris suæ , & accepit eam in uxorem. Tantum verò dilexit eam , ut dolorem , qui ex morte Saræ matris ejus acciderat , temperaret.

### *Profugum Jacobum consolatur Deus.*

Oderat Esaï fratrem suum Jacobum propter *benedictionem* primogeniti quam à patre aeceperat , sequē ei propterea mortem allaturum palam minabatur. Timens itaque Rebeccā vitæ carissimi sibi filii Jacobi , persuasit illorum parenti Isaacō , mittendum esse eum quamprimum in Mesopotamiam , tūm ut indē sibi è domo consanguinea uxorem assumeret,

tum ut interea cessaret indignatio & furor fratris ejus. Igitur cum dimisisset eum pater, prefectus Jacobus venit ad quemdam locum, voluitque in eo requiescere post solis occasum. Tulit unum è lapidibus qui jacebant in agro, & supponens capiti suo, dormivit in eodem loco. Viditque in somnis scalam stantein super terram, & summam ejus partem tangentem cœlum: Angelos quoque Dei ascendentes & descendentes per eam: & Dominum innixum scalæ dicentem sibi. *Ego sum Dominus Deus Abraham patris tui, & Deus Isaaci: terram in qua dormis, tibi dabo & semini tuo: eritque semen tuum quasi pulvis terræ; dilataberis ad occidentem & orientem, & septentrionem & meridiem: & benedicentur in te & in seniis tuo cunctæ tribus terræ. Et ero custos tuus quoenamque perreveras, & reducam te in terram hanc, nec dimittam, nisi complevero omnia quæ dixi.*

Cum evigilasset Jacobus de somno, dixit: *Verè Dominus est in loco isto, & ego nesciebam. Pavensque: Quim terribilis est, inquit, locus iste: non est hic aliud nisi domus Dei, & porta cœli. Surgens ergo Jacobus manè, tulit lapidem quem supposuerat capiti suo, & erexit in titulum, fundens oleum super eum. Vovit etiam votum, dicens: Si fuerit Deus mecum, & custodierit me in via per quam ego ambulo, & dederit mihi panem ad vescendum, & vestimentum ad induendum, reversusque fuero prosperè domum patris mei, erit mihi Dominus in Deum, & lapis iste, quem erexi in titulum, vocabitur domus Dei; cunctorumque, quæ dederis mihi, Deus, decimas offeram tibi.*

*Jacobus benignè excipitur à Labano avunculo.*

Jacobus iter persecutus, in Mesopotamiam pervenit, & vidit puteum in agro, tres quoque greges

ovium occubantes iuxta eum. Nam ex illo ad aquabantur pecora , & os ejus grandi lapide claudebatur. Morisque erat, ut cunctis ovibus congregatis , devolverent lapidem , & refectis gregibus , sursum super os putei ponerent. Dixitque pastoribus : *Fratres, unde estis?* Qui responderunt : *Ex urbe Haram.* Quas iterum interrogans. *Numquid, ait, nostis Labanum?* Dixerunt : *Novimus. Sanus ne est?* inquit. *Valeat,* inquiunt : *Et ecce Rachel filia ejus venit cum grege suo.* Dixitque Jacobus : *Adbuc multum diei superest , & nondum tempus est , ut reducantur ad caulas greges : date autem potum ovibus , & sic eas ad pastum reducite.* Qui responderunt : *Non possumus , donec omnia pecora congregentur , & amoveamus lapidem ab ore putei , ut ad aquemus greges.*

Adhuc loquebantur , & ecce Rachel veniebat cum ovibus patris sui : nam gregem ipsa pascebatur. Quam cum vidisset Jacobus , & sciret consobrinam suam esse , ovesque Labani avunculi sui , amovit lapidem quo puteus claudebatur , & ad aquato grege , osculatus est eam , elevata voce flevit , & indicavit ei filium esse se Rebeccæ sororis patris ejus. At illa festinans nunciavit patri suo. Qui cum audisset venisse Jacobum filium sororis sue , cucurrit obviam ei , complexusque eum , & in oscula ruens , duxit in domum suam.

*Josephus patri caras & fratribus invisus.*

Jacobus qui & alio nomine Israël dicitur , filios habuit duodecim , inter quos præcipuo amore diligebat Josephum , eò quod in senectute genuisset eum : dederatque ei tunicam à filii varii coloris textam. Videntes autem fratres ejus , illum esse patri cæteris filiis cariorem , oderant eum , nec poterant ei quidquam pacificum dicere , maximè ex eo

quo tempore sexdecim annos natus , & pascens gregem , quosdam ex iis accusaverat apud patrem crimen pessimo. Sed majori odio atque invidiæ occasionem dedit somnium duplex , quod à se visum fratribus suis retulit Josephus. Dixit eis : *Audite somnum meum quod vidi. Putabam nos ligare manipulos in agro , & quasi consurgere manipulum meum & stare , à vestris vero manipulis circumstantibus adorari manipulum meum.* Responderunt fratres ejus: *Numquid Rex noster eris , aut subjiciemur ditioni tuæ ?* Aliud quoque vidit somnium quod narrans fratribus. *Vidi , inquit , inter somnum quasi solem & lunam & stellas undecim adorare me.* Quod cum patri suo & fratribus retulisset , increpavit eum pater & dixit : *Quid sibi vult hoc somnum quod vidisti ? num ego & mater tua & fratres tui adorabimus te super terram ?* Invidebant igitur ei fratres : pater vero rem tacitus considerabat.

### *Josephus venditus à fratribus.*

Jacobus misit filium Josephum ad quærendum fratres suos qui pascebant oves in agris Sichem , & videndum an cuncta prospera essent circa eos & pecora. Ut illi conspexerunt eum procul , antequam accederet ad illos , ejus occidendi consilium ceperunt , & mutuò loquebantur : *Ecce somniator venit , venite , occidamus eum & projiciamus in cisternam veterem : dicemusque , fera pessima devoravit eum.* Et tunc apparebit quid illi prosint somnia sua. Audiens autem hoc Ruben , qui erat inter eos ætate maximus , n̄t̄ebatur liberare Josephum è manibus fratrum , & dicebat : *Ne vitam ei eripiatis , neque effundatis ejus sanguinem : sed tantum dimittite eum in cisternam hanc , quæ est in solitudine , manusque vestras à fraterna cæde innoxius servate.* Hoc au-

tem dicebat, volens eripere eum è manibus illorum, & reddere patri suo.

Confestim igitur ut pervenit Josephus ad fratres suos, nudaverunt eum tunicâ talari è filis varii coloris mixta, & demiserunt in cisternam veterem, quæ non habebat aquam. Cùm autem consedissent ad comedendum panem, viderunt Ismaëlitæ viatores & camelos eorum portantes varia aromata in Ægyptum. Dixit ergo Judas fratribus suis : *Quid nobis proderit si occiderimus fratrem nostrum, & occultaverimus mortem ipsius? melius est ut venundetur Ismaëlitæ, & manus nostræ non polluantur; frater enim & caro nostra est.* Paruerunt fratres verbis illius, & extrahentes Josephum è cisterna, viginti nummis argenteis vendiderunt, prætereuntibus negotiatoribus, qui duxerunt in Ægyptum. Reversusque Ruben ad cisternam, non invenit puerum: & scisis vestibus pergens ad fratres suos, dixit : *puer non comparet, & ego quo ibo?*

Tulerunt autem fratres Josephi tunicam ejus & in sanguine hædi, quem occiderant, tinxerunt. Tum miserunt qui ferrent ad patrem, & dicent: *Hanc invenimus tunicam: vide utrum filii tui sit, an non.* Quam cùm agnovisset pater, dixit: *Tunica filii mei est: fera pessima comedit eum, bestia devoravit Josephum.* Scissisque vestibus, indutus est cilicio, lugens filium suum multo tempore. Congregatis autem cunctis liberis ejus ut lenirent dolorem patris, noluit consolationem accipere, sed dixit: *Descendam ad filium meum lugens in sepulchrum:* diùque perseveravit in fletu.

### *Josephus hero Putiphari carus.*

Ubi in Ægyptum ab Ismaëlitæ perductus est Josephus, emit eum Putiphar Ægyptius. Fuit autem

Dominus cum Josepho, ita ut cuncta illi prosperè cederent. Habitavitque in ædibus Domini sui, qui optimè cognoscebat Deum esse cum illo, & omnia quæ gereret ad felicem exitum perducere. Invenit itaque Josephus gratiam coram hero cui ministrabat, & præpositus ab eo omnibus, gubernabat creditatam sibi domum, & universa quæ ei tradita fuerant. Nec Putiphar, relictâ fideli ministro rerum suarum curâ, quidquam aliud noverat, nisi panem quo vescebatur. Benedixitque Dominus domui Ægyptii propter Josephum, & quidquid habebat sive domi sive ruri mirè auxit.

*Josephus in carcerem conjicitur.*

Erat Josephus pulchrâ facie, & decorus aspec-  
tu. Itaque domina ejus oculos injecit in illum & tur-  
pi libidine ardens, juvenem ad flagitium pellicere  
voluit. At ille nequaquam consentieus sceleri nefari,  
respondit: *Ecce dominus meus, omnibus mibi  
traditis, ignorat quid habeat in domo sua: nec quid-  
quam est quod non in mea sit potestate, vel non  
tradiderit miki, præter te, quæ uxor ejus es: quo-  
modo ergo possum hoc malum facere, & peccare in  
Deum meum?* Per singulos dies mulier molesta erat  
adolescenti, & ille assentiri solebat.

Contigit autem quâdam die, ut intraret Josephus domum, & opus aliquod absque arbitris faceret. Tunc illa apprehendit oram vestimenti ejus. Verùm ille, relicto in manu ejus pallio, fugit & egressus est foras. Cùmque vidisset mulier vestem in manib[us] suis, & se esse contemptam, vocatis ad se famulis domis suæ, dixit: *En Putiphar introduxit vi-  
rum hebræum ut illuderet nobis: voluit enim ille  
mibi vim inferre; cùm verò ego exclamassem, reli-  
quit pallium quod tenebat & aufugit.* In argumen-

tum quoque fidei suæ, retentum pallium ostendit marito revertenti domum. Ille auditis querelis conjugis, & ejus verbis nimium credulus, iratus est valde, misitque Josephum in eum carcerem, ubi vinciti regis custodiebantur, & ibi clausus est.

Fuit autem Dominus cum Josepho, & misertus illius, dedit ei gratiam in conspectu Præfecti carceris. Hic ergo tradidit Josepho universos vincitos qui in custodia tenebantur, ita ut nihil, nisi ilius jussu, fieret; nec ipse Præfector cujusquam rei curram gereret, cunctis ei traditis. Dominus quippe erat cum illo, & omnia opera ejus dirigebat.

*Somnia duorum vincitorum interpretatur Josephus.*

Anno uno postquam in carcerem conjectus fuerat Josephus, adversus Regem dominum suum peccavere Ægyptii duo, alter pincernis præerat, alter pistoribus. Accidit autem ut uterque in eum carcerem missus fuerit, in quo erat vincitus & Josephus. Cum aliquantulum temporis effluxisset, qui in custodia tenebantur habuerunt ambo eadem nocte somnium, indicans quid in posterum utrius esset evenitum. Ad quos cum introisset Josephus manè, & vidisset eos tristes, sciscitatus est, cur tristior solito esset facies eorum. Qui responderunt: *Somnium vidimus, & non est qui interpretetur nobis.* Dixitque eis Josephus: *numquid non Dei est interpretatio somniorum? referte mibi quid videritis.*

Tum præpositus pincernarum narravit prior somnium suum his verbis: *Videbam coram me vitem, in qua erant tres propagines, crescere paulatim in gemmas, & postquam erupissent flores, uvas maturessere. Eratque calix Pharaonis in manu meâ. Tuli ergo uvas, & expressi in calicem quem tenebam, & tradidi poculum Pharaoni.* Respondit Josephus: *Hæc*

*est interpretatio somnii: tres propagines, tres dies sunt post quos recordabitur Pharaeo ministerii tui, & restituet te in gradum pristinum, dabisque ei calicem juxta officium tuum, sicut ante facere consueveras. Tantum memento mei cum benè tibi fuerit; & sortis meæ misertus; mentionem mei facias apud Pharaonem, ut educat me ex isto carcere, quia furtim sublatus sum è terra Hebræorum, & hic innocens in foveam conjectus sum.*

Videns pistorum Magister somnium socii sui fuisse prudenter dissolutum à Josepho, dixit: *Et ego habui somnium. Nempè vidi, cum tria canistra haberem super caput meum, & in eo canistro quod erat cæteris excelsius, portarem cibos omnes qui fiunt arte pistoriâ, aves devolantes comedere ex eo. Respondit Josephus: Hæc est interpretatio somnii: tria canistra, tres dies sunt, post quos auferet Pharaeo caput tuum, ac suspendet te in cruce, & lacerabunt volucres carnes tuas.*

Tertius post duplicum hanc somniorum interpretationem, dies natalitus Pharaonis fuit qui grande convivium parans, recordatus est Magistri pincernarum, & pistorum Principis: restituitque alterum in ministerium suum, ut porrigeret sibi poculum; alterum verò suspendit in patibulo. Ita Josephum vera prædixisse eventu probatum est. Et tamen succedentibus prosperis præpositus pincernarum oblitus est interpretis sui.

### *Geminum Pharaonis somnium Josephus explicat.*

Post duos annos vidit Pharaeo somnium. Putabat stare se juxta Nilum fluvium, è quo ascendebant septem boves pulchræ & crassæ, & pascebantur in locis palustribus. Aliæ quoque septem emergebant ex eodem flumine fœdæ, confectæque macie, quæ

devoraverunt eas , quarum mira species & habitudo corporum erat. Expergefactus Pharao , rursùm dormivit , & vidi alterum somnium. Septem spicæ pullulabant in culmo uno , plenæ atque formosæ , aliæ quoque totidem spicæ tenues & percussæ uredine oriebantur , quæ priores pulchras & plenas devorabant.

E vigilans Pharao post quietem , ubi dies illuxit , pavore perterritus , misit ad omnes conjectores Ægypti , cunctosque sapientes , & accersitis narravit somnium. Nec erat qui interpretaretur. Tunc demùm reminiscens eorum quæ sibi biennio ante contigerant Magister pincernarum , dixit : *confiteor peccatum meum. Iratus Rex servis suis , me & Magistrum pistorum retrudi jussit in carcerem ubi unâ nocte uterque vidimus somnium præsagum futurorum. Erat ibi puer Hebræus cui narrantes somnia , audivimus quidquid posteà rei probavit eventus. Ego enim redditus sum officio meo , & ille suspensus est in cruce.*

Protinus ad Regis imperium eductum è carcere Josephum totonderunt , ac ueste mutata , in Regiam perduxerunt. Tunc ei Rex : *Vidi , inquit , somnia , nec est qui ea explanet , quæ audivi te sapientissime interpretari.* Respondit Josephus : *Absque me respondebit Deus prospera Pharaoni.* Narravit ergo Pharao quod viderat. *Putabam me stare super ripam fluminis , & septem boves ab amne descendere pulcherrimas , obesis carnibus , quæ in pastu paludis vireta carpebant. Et ecce has sequebantur aliæ septem boves tam deformes & macilenteæ , ut numquam tales in Ægypto viderim : quæ devoratis & consumptis prioribus , nullum saturitatis dedere signum : sed simili macie & squalore torpebant.* Evigilavi ; at rursus sopore depresso , alterum vidi somnium. *Septem spicæ pullulabant in culmo uno , plenæ atque pulcherrimæ. Aliæ quoque septem tenues & percussæ*

uredine oriebantur è stipula, quæ priorum pulchritudinem devoraverunt. Narravi conjectoribus somnium, & nemo est qui explicet.

Respondit Josephus : Geminum illud regis somnium unum atque idem est : quæ facturus est Deus, ostendit Pharaoni. Septem boves pulchræ & septem spicæ plenæ, septem ubertatis anni sunt. Septem quoque boves tenues atque macilentæ, & septem spicæ tenues ac vento urente percussæ, septem anni venturæ famis sunt, qui hoc ordine complebuntur. Ecce septem anni venient fertilitatis magnæ in universâ terrâ Ægypti, quos sequentur septem anni alii tantæ sterilitatis, ut oblivioni tradatur cuncta retro abundantia, & ubertatis magnitudinem perditura sit inopiae magnitudo. Quod autem duplex ad eamdem rem pertinens somnum habuisti, hoc eventus certò & ciò futuri indicium est : nunc ergo querat Rex virum sapientem & industrium. Præficiat eum Ægypto. Ille autem constituat præpositos per cunctas regiones, & quintam partem fructuum per septem annos fertilitatis jamjam futuros convehat in horrea. Omne frumentum condatur serveturque in urbibus sub Pharaonis potestate, atque præparetur futuræ septem annorum fami, quæ oppressura est Ægyptum.

Placuit Pharaoni consilium, & cunctis ministris ejus, exclamavitque : Num invenire poterimus tam virum, qui spiritu Dei plenus sit ? & dixit Josepho : Quia ostendit tibi Deus omnia quæ locutus es, numquid sapientiorem quemquam, aut consimilem tui invenire potero ? Ecce constitui te super universam terram Ægypti. Absque tuo imperio non movebit quisquam aut manum aut pedem. Et ad tui oris imperium cunctus populus obediens : uno tantum regni solo te præcedam. Tum detractum è manus sua annulum, ejus manui inseruit, vestivit eum stolâ byssinâ ; collo torqueum aureum circumposuit, vo-

luit prætereà eum ascendere super currum suum secundum, clamaate præcone, ut omnes coram eo genu flecterent, & præpositum esse scirent universæ terræ Ægypti. Vertitque nomen ejus, & vocavit eum linguâ Ægyptiacâ *Salvatorem mundi*. Deditque illi uxorem Assenetham filiam sacerdotis Heliopoleos, ex quâ nati sunt ei postea filii duo Manasses & Ephraimus. Porro triginta annorum erat Josephus, quando stetit in conspectu Pharaonis.

*Septem anni ubertatis, totidemque inopie.*

Egressus Josephus è conspectu Pharaonis, circuivit ac perlustravit omnes regiones Ægypti. Venitque fertilitas septem annorum, & in manipulos redactæ segetes congestæ sum in horreis Ægypti: Onnis etiam frugum abundantia in singulis urbibus condita est. Tantaque fuit copia tritici, ut arenæ maris coæquaretur, & mensuram excederet. Transactis septem annis ubertatis, cœperunt venire septem anni inopie, quos prædixerat Josephus, & in universo orbe fames prævaluit; in cuncta autem terra Ægypti panis erat. Cum vero etiam apud Ægyptios grassari fames incœpisset, clamavit populus ad Pharaonem, alimenta petens, quibus ille respondit: *Ite ad Josephum, & quidquid ipse vobis dixerit, facite.* Aperuitque Josephus universa horrea, & vendebat Ægyptiis: nam & illos oppresserat fames. Omnesque Provinciæ veniebant in Ægyptum, ut emerent escas, & malum inopie temperarent.

*Fratres Josephi traditi in custodiam.*

Cum audivisset Jacobus alimenta vendi in Ægypto, dixit filiis suis: *Cur sic desides cunctamini & oudivi triticum venundari in Ægypto; descendite &*

emittit nobis illinc necessaria, ut possimus vivere, & non consumamur inopiâ. Profecti igitur decem fratres Josephi ut emerent frumenta, ingressi sunt in Ægyptum cum aliis qui pariter veniebant ad emendam annonam. Jacobus verò retinuit domi Benjamini, timens ne fortè in itinere aliquid mali pateretur.

Erat tunc Josephus princeps in Ægypto, atque ad ejus nutum frumenta populis vendebatur. Cumque adorassent eum fratres sui, & agnovisset illos; non est ipse cognitus ab eis. Itaque quasi alienos durius alloquens, dixit: *Unde venistis?* qui responderunt: *E terrâ Chanaam, ut manus victui necessaria. Exploratores estis,* inquit Josephus: *ut videatis infirmiora Ægypti venistis.* Qui dixerunt: *non est ita, Domine, sed servi tui venerunt ut emerent cibos.* Omnes filii unius viri sumus. Pacifici venimus, nec quidquam famuli tui maquinantur mali. Quibus ille respondit: *Aliter est: ad exploranda immunita terræ hujus hic venistis.* At illi: *Duodecim, inquiunt, servi tui, fratres sumus, filii viri unus in terra Chanaam: minimus cum patre nostro est, aliis non superest.* Hoc est, ait, quod locutus sum: *exploratores estis.* Jam nunc experimentum vestri capiam; non egrediemini hinc, donec reniat frater vester minimus. *Mittite ex vobis unum, & adducat eum: vos autem eritis in vinculis, donec utrum vera an falsa sint quæ dixistis compererim, alioquin, certè exploratores estis.* Tradidit deinde illos custodia.

*Revertentur ad patrem, Simeone relicto in vinculis.*

Die tertio eductis è carcere fratribus dixit Josephus: *Facite quæ dixi & vivetis: Deum enim timeo. Si pacifici estis, unus è vobis ligeiur in carcere, cœteri autem abite, & ferte frumenta quæ emistis ad expellendam famen è familia vestra. Fra-*

*I*rem verò vestrum minimum ad me adducite ; ut possim sermonum vestrorum veritatem explorare , & non moriamini. Polliciti sunt illi se facturos quæ jubebat Josephus , & inter se colloquentes dixerunt alter alteri : *M*eritò hæc patimur : quia peccavimus in fratrem nostrum , videntes angorem animi ejus dum deprecaretur nos , & non audivimus : idcirco venit super nos ista calamitas. E quibus unus Ruben dixit : *N*umquid non dixi vobis : nolite peccare in puerum , & non audistis me ? en sanguis ejus à nobis exquiritur. Nesciebant autem quæcumque dicere intelligi à Josepho : eo quod per interpretem eos alloqueretur. Avertitque ille se parumper & flevit. Mox reversus , vinxit Simeonem , illis præsentibus , iussitque ministros implere eorum saccos tritico : & reponere pecunias singulorum in sacco cujusque , datis præterea cibariis in viam.

Imposito asinis suis frumento profecti sunt fratres Josephi. Apertoque unius sacculo , ut daret iumento pabulum in diversorio , vidi pecuniam in ore sacculi , & mirans , dixit fratribus suis : *R*edita est mibi pecunia : en est in sacco. Tum verò obstupefacti turbatique mutuo dixerunt. *Q*uidnam est hoc quod fecit nobis Deus ? Veneruntque ad Jacobum patrem suum in terram Chanaam , & narraverunt omnia quæ accidissent sibi , dicentes : *D*uris nos verbis compellavit Ægypti præfetus , & nos exploratores esse dixit. *C*ui respondimus : *P*acifici sumus : nec ulla molimur insidias. *D*uodecim fratres uno patre geniti sumus : unus non superest , minimus cum patre nostro est in terra Chanaum. *Q*ui respondit nobis : sic experiar pacifice sitis & veraces ; unum aliquem è fratribus relinquite apud me , & cibaria domibus vestris necessaria sumite & abierte ; fratremque vestrum minimum adducite ad me. *T*um sciam vos exploratores non esse & illum , qui

*retentus in vinculis fuerit, recipere poteritis, ac deinceps licentiam habebitis emendi quæ volueritis.* His dictis, cùm frumenta effunderent, singuli repererunt in ore saccorum ligatas pecunias, exter-ritisque simul omnibus, dixit pater Jacobus: *Absque liberis me esse fecistis, Josephus non extat; Si meon tenetur in vinculis, & Benjaminum auferetis, in me hac omnia mala recidunt.* Cui respondit Ru-  
ben: *Duos filios meos interfice, si non reauxero Ben-  
jaminum tibi: da illum in manum fidemque meam,*  
& ego eum tibi restituam. At ille: *Non descendet,*  
*inquit, filius meus vobiscum; frater ejus mortuus  
est, & ipse solus remansit è filiis Rachelis. Si quid  
ei adversi acciderit in terra eā ad quam pergitis,  
deducetis cauos meos cum dolore ad tumulum.*

### *Redeunt in Ægyptum filii Jacobi cum Benjamino.*

Interim fames omnem terram vehementer pre-  
mebat: consumptisque cibis quos ex Ægypto detu-  
lerant filii Jacobi: dixit illis pater: *Revertimini, &  
emite nobis pauxillum escarum.* Respondit Judas:  
*Denunciavit nobis, & adhibito jurejurando dixit vir  
ille qui toto Ægypto præest; non videbitis faciem  
meam, nisi fratrem vestrum minimum adduxeritis  
vobiscum.* Si ergo vis eum mittere nobiscum, una  
ibimus, & ememus tibi necessaria: si autem non vis,  
non revertemur in Ægyptum. Dixit eis Israël: *In  
meam hoc fecistis miseriam, ut indicaretis ei &  
alium habere vos fratrem.* At illi responderunt: *In-  
terrogavit nos homo per ordinem de nostrâ proge-  
nie: an pater niveret? an aliquem præterea fra-  
trem haberemus? & nos ad singula quæ fuerat scis-  
citatus, respondimus. Numquid scire poteramus eum  
dicturum esse: adducite fratrem vestrum vobiscum?* Judas quoque dixit patri suo: *mitte puerum mecum,*

*ut proficiscamur, & possimus vivere, & non moriamur nos, & parvuli nostri. Ego suscipio puerum: à me require illum. Nisi reduxero, & redidero eum tibi, ero peccati reus in te omni tempore. Si Benjamini statim dimittere voluisses, jam secundò rediissemus. Igitur pater eorum dixit: Si sic necesse est, facite quod vultis. Sumite ex optimis ejus terræ fructibus, & deferte viro munera, modicum resinæ, & mellis, & storacis, stactes, & terebinthi, & amygdalarum. Pecuniam quoque duplarem ferte vobiscum: & illam quam invenistis in sacculis, reportare, ne forte errore factum sit. Sed & fratrem vestrum tollite, & ite ad virum. Deus autem meus omnipotens faciat vobis eum placabilem: & remittat vobiscum fratrem vestrum, quem tenet: ego autem quasi orbatus absque liberis ero. Tulerunt ergo munera deferenda ad Josephum, & pecuniam duplarem, & Benjamini: descenderuntque in Ægyptum, & steterunt coram Josepho.*

*Josephus reversos fratres cum Benjamine excipit convivio.*

Cum fratres vidisset Josephus & Benjamini simul, hæc præcepit dispensatori domûs suæ: *Introduc viros domum, & instrue convivium, quoniam mecum sunt comedenti meridie. Fecit ille quod sibi fuerat imperatum, & introduxit viros domum. Ibi- que exterriti, dixerunt mutuò: Propter pecuniam, quam retulimus prius in saccis nostris, introducti sumus; hæc in nos devolvitur calunnia, ut subjiciamur servituti & nos & asini nostri. Quamobrem in ipsis foribus accedentes ad dispensatorem domûs, dixerunt: Oramus, domine, ut audias nos. Jam ante descendimus hic ut emeremus escas; quibus empatis, cum venissemus ad diversorium, aperuimus sac-*

*eos nostros, & invenimus pecuniam in ore saccorum, quam nunc eodem pondere reportavimus. Sed & aliud detulimus argentum, ut emamus quæ nobis necessaria sunt: priorem verò pecuniam quis reposuerit in sacculis nostris omnino nescii sumus.* At ille respondit: *Pax vobiscum, nolite timere. Deus vester, & Deus patris vestri dedit vobis thesauros in sacris vestris. Nam pecunia vestra ad me pervenit.* Eduxitque ad eos Simeonem. Et introductis domum, attulit aquam, & lavaverunt pedes suos, deditque pabulum asinis eorum. Illi verò parabant munera, donec ingredieretur Josephus meridie: audierant enim se ibi convivio excipientes.

Igitur ingressus est Josephus domum suam, obtuleruntque ei fratres sui munera, & adoraverunt proni in terram. At ille clementer eos resalutavit, interrogavitque dicens: *Salvus ne est senex ille, quem vos patrem vobis esse mibi dixistis? adhuc vivit?* qui responderunt: *Sospes est servus tuus pater noster, adhuc vivit.* Et incurvati adoraverunt eum. Attollens autem Josephus oculos, viso Benjamino fratre suo uterino, dixit: *Iste est frater vester parvulus, quem domi remansisse apud patrem dixeratis mibi?* Et rursùm: *Deus, inquit, miseratur tui, fili mi.* Festinavitque abire è conspectu fratrum, quia commota fuerant viscera ejus erga fratrem suum, & erumpabant lacrymæ: & introiens cubiculum, flevit. Rursùmque lota facie egressus, continuit se, ac dixit: *ponite panes.* Quibus appositis, sederunt fratres coram Josepho secundùm suam quisque ætatem; & cùm singuli ciborum appositorum partem accepissent à Josepho; quintuplo major erat ea pars quæ venit Benjamino.

*Scyphus Josephi in sacco Benjamini deprehenditur.*

Præcepit deinde hæc Josephus dispensatori domus suæ : *Imple saccos virorum illorum frumento quantum possunt capere ; & pone pecuniam singulorum in summo cujusque sacco. Scyphum autem meum argenteum pone in ore sacci junioris ; & tritici pretium quod dedit. Factumque est ita , & orto sole dimissi sunt cum asinis suis. Jamque ex urbe exierant, & processerant paululum , cum Josephus accersito, dispensatore domus : Surge , inquit , & persequeviros ; & cum assecutus fueris eos , dicito : Quare reddidistis malum pro bono ? Scyphus quem furati estis , ipse est in quo babit dominus meus , & quo uti ad augurandum solet : pessimam rem fecistis. Fe- cit ille ut jusserat Josephus , & cùm eos assecutus esset , cuncta quæ mandata erant , ex ordine locutus est. Qui responderunt : Quare sic loquitur do-minus noster ? absit hoc , ut servi tui tantum flagitiū commisserint. Pecuniam , quam invenimus in summo saccorum , reportavimus à te è terra Chanaum. Et quomodo fieri potest , ut furati sumus è domo domini tui aurum vel argentum ? apud quen-cumque servorum tuorum inventum fuerit id quod quæris , moriatur , & nos erimus servi domini nos-tri. Qui dixit eis : Fiat sicut vobis met ipsi censematis apud quem fuerit inventum , ipse sit servus meus , vos autem eritis innoxii. Itaque festinanter depo-nentes in terram saccos , aperuerunt singuli. Quos ille scrutatus , incipiens à maximo usque ad mini-mum , invenit Scyphum in sacco Benjamini. At illi scissis vestibus , oneratisque rursum asinis , reversi sunt in oppidum.*

*Judas offert se in servitutem pro Benjamine.*

Judas primus cum fratribus venit in conspectum Josephi, omnesque coram eo pariter in terram corruerunt. Quibus ille dixit: *Cur sic agere voluistis? an ignoratis quod non sit similis mei in divinandi scientia? cui Judas: Quid respondebimus, inquit, domino meo? vel quid loquemur, aut justè poterimus obtendere? Deus invenit unde puniret iniqitatem servorum tuorum. En omnes servi sumus domini mei, & nos, & apud quem inventus est Scyphus. Respondit Josephus: Absit à me ut sic agam, qui furatus est Scyphum, ipse sit servus meus: vos autem abite liberi ad patrem vestrum.*

Accedens autem propius Judas confidenter dixit: *Oro, domine mi, servo tuo te alloquenti aures præbe, & ne irascaris famulo tuo. Interrogasti prius servos tuos: habetis patrem aut fratrem? Et nos respondimus tibi domino meo: est nobis pater senex, & puer parvulus, qui in senectute illius natus est, cuius uterinus frater mortuus est; relictusque est ipse solus ex matre sua: pater vero tenerè diligit eum. Dixistique servis tuis: adducite eum ad me ut videam eum. Responsum à nobis est domino meo: non potest puer relinquere patrem suum: si enim hic filium dimiserit, morietur. Et dixisti servis tuis: nisi venerit frater vester minimus vobiscum, non videbitis amplius faciem meam. Cum ergo rediissimus ad famulum tuum patrem nostrum, narravimus ei omnia, quæ locutus erat dominus meus. Et dixit pater noster revertimini, & emitte nobis parum tritici. Cui diximus: ire non possumus; si frater noster minimus descenderit nobiscum, proficiscemur simus: alioquin, illo absente, videre non audiemus faciem viri. Atque ille respondit: vos scitis*

duos genitos mihi ab uxore mea Racbele; à me in agros egressus est unus, & dixistis: bestia devoravit eum & hoc usque non compareret. Si tuleritis & istum, & aliquid ei in via contigerit: deducetis canos meos cum mærore ad tumulum. Igitur si venero in conspectum servi tui patris nostri, & puer defuerit, videritque eum non esse nobiscum; cùm anima illius ex bujus animâ pendeat, morietur, & deducent famuli tui canitiem ejus cum dolore ad sepulchrum. Ego propriè servus tuus sum, qui in meam hunc recepi fidem; & spopondi dicens: nisi reduxero eum, peccati reus ero in patrem meum omni tempore. Remaneat itaque, quæso, servus tuus pro puerō, ut ministret domino meo, & puer redeat cum fratribus suis. Non enim possum reverti ad patrem meum, absente puerō, ne calamitatis, quæ oppressura est patrem meum, testis assistam.

*Josephus se fratribus agnoscendum præbet.*

Non se poterat ultrà cohibere Josephus, multis coram astantibus: undè præcepit ut egredentur cuncti foras, & nullus interesset alienus agnitioni mutuae. Elevavitque vocem cum fletu, & dixit fratribus suis: *Ego sum Josephus: abhuc pater meus vivit?* Non poterant respondere fratres nimio terrore perterriti. Quibus ille clementer: *Acedite, inquit, ad me.* Et cùm accessissent propè: *Ego sum, ait, Josephus frater vester, quem vendidistis in Ægyptum.* Nolite pavere, nec mærore conficiamini, quod me in has regiones deducendum vendidistis: pro salute enim vestra misit me Deus ante vos in Ægyptum. Et quidem jam biennium famæ est in terra: abhuc quinque anni restant, quibus nec arari poterit nec meti: præmisitque me Deus ut salvi statis & escas ad vivendum habere possitis. Non

vestro consilio , sed Dei voluntate huc missus sum , qui fecit me quasi patrem Pharaonis , & dominum universæ domus ejus , ac Principem in omni terrâ Ægypti . Festinate , ascendite ad patrem meum & dicite ei : hæc mandat filius tuus Josephus , Deus fecit me dominum universæ terræ Ægypti : descendite ad me , ne moreris , habitabis in terrâ Gessen : eris juxta me tu , filii tui , filii filiorum tuorum , oves tuæ , armenta , & universa quæ possides , ibi te pascam , ne & tu pereas , & domus tua , & omnia quæ possides . Adhuc enim quinque anni residui sunt famis . En oculi vestri & oculi fratris mei Benjagini , vident meipsum vos alloquentem . Nunciate patri meo universam gloriam meam , & cuncta quæ vidistis in Ægypto ; festinate , & adducite eum ad me . Cumque amplexatus fratrem Benjaminum , recidisset in collum ejus , flevit : illo quoque similiter flente super collum ejus , osculatusque est Josephus omnes fratres suos , & ploravit super singulos : & posteâ ausi sunt cum eo colloqui .

*Jubet Pharao adduci Jacobum in Ægyptum cum universâ domo.*

Auditum est , & sermone vulgatum in regiâ domo : *Venerunt fratres Josephi . Et gavisus est Pharao atque omnis domus ejus . Mandavitque Rex Josepho , ut hæc suo nomine fratribus imperaret . One- rantes jumenta , ite in terram Chanaam , educite in- dè patrem vestrum & cognationem , & venite ad me : & ego dabo vobis omnia bona Ægypti ut co- medatis medullam terræ . Accipite plastra è terrâ Ægypti ad subvectionem parvolorum vestrorum ac conjugum . Adducite patrem & properate quantotius venientes . Nec multum curetis supellectilem ves- tram : quia omnes opes Ægypti vestræ erunt . Fe-*

ceruntque filii Israëlis ut eis mandatum fuerat. Quibus dedit Josephus plastra uti jusserrat Pharao, & cibaria in iter. Singulis quoque afferri jussit binas stolas, Benjamo autem dedit trecentos nummos argenteos cum quinque stolis optimis. Tantumdem pecuniae & vestium misit patri suo: addidit & asinos decem, qui subvehherent ex omnibus divitiis Ægypti, & totidem asinas triticum & cibos portantes: dimisit deinde fratres suos, & proficiscentibus dixit: *Ne irascamini in via.*

Hi ascendentes ex Ægypto, venerunt in terram Chanaam ad patrem suum Jacobum, dixeruntque: *Josephus filius tuus vivit, & ipse dominatur in terra Ægypti.* Quo auditio Jacobus, quasi è gravi somno evigilavit, neque tamen credebat filiis talia narrantibus. Illi contra referebant omnem ordinem rei. Cùm autem vidisset plastra, & universa quæ miserat Josephus, revixit spiritus ejus, & dixit: *Sufficit mibi, si abhuc filius meus Josephus vivit: vadam & video illum antequam moriar.*

*Patri Ægyptum ingredienti occurrit Josephus.*

Profectus Israël cum omnibus quæ habebat, venit ad puteum juramenti, & mactatis ibi victimis Deo patris sui Isaaci, audivit eum per visionem noctis vocantem se, & dicentem sibi: *Jacobe, Jacobe.* Cui respondit: *Ecce adsum.* Tùm illi dixit Deus: *Ego sum fortissimus Deus patris tui: noli timere, descend in Ægyptum; quia faciam ut in gentem magnam ibi crescas. Ego descendam tecum illuc, & ego indè adducam te revertentem.* Josephus quoque ponet manus suas super oculos tuos. Surrexit Jacobus à puteo juramenti: tuleruntque eum filii cum parvulis & uxoribus suis in plaistris quæ miserat Pharao ad portandum senem, & omnia quæ

possederat in terra Chanaam. Venit ergo in Ægyptum ipse : filii ejus , nepotes , filiae & cuncta simul progenies.

Misit autem Jacobus Judam antè se ad Josephum , ut nunciaret ei adventum suum , & ille occurreret sibi in Gessen. Quò cùm pervenisset Jacobus , Josephus junctis ad currum suum equis ascendit obviam patri suo ad eundem locum , vidensque eum , irruit super collum ejus & inter amplexus flevit. Dixitque pater Josepho filio suo : *Jam latus moriar , quia vidi faciem tuam , & superstitem te relinquō.* At ille patri & fratribus dixit : *Adventum vestrum nunciabo Pharaoni , dicamque ei: fratres mei & domus patris mei , qui erant in terra Chanaam , venerunt ad me : & sunt viri pastores ovium , curamque habent alendorum gregum : pecora sua & armenta , & omnia quæ habere potuerunt , adduxerunt secum. Cùmque vocaverit vos , & dixerit : Quod est opus vestrum ? respondebitis : vi-ri pastores sumus servi tui , ab infantia nostra usque in præsens , & nos , & patres nostri. Hæc au-tem dicetis , ut habitare possitis in terra Gessen: quia detestantur Ægyptii omnes pastores ovium.*

*Terra Gessen conceditur habitanda Jacobo & filiis.*

Accedens deindè Josephus ad Pharaonem , dixit: *Pater meus & fratres , oves eorum & armenta , & cuncta quæ possident , venerunt è terra Chanaam: & ecce consistunt in terra Gessen. Deindè quinque è fratribus suis constituit coram rege , quos ille in-terrogavit : Quid habetis operis ? Responderunt: Pastores ovium sumus servi tui , & nos , & patres nostri. Ad hospitandum aliquandiu in terra tua ve-nimus : quoniam non est herba gregibus servorum tuorum : ingravescente fame in terra Chanaam : pe-*

*timusque ut esse nos jubeas servos tuos in terra Gessen. Dixit itaque Rex Josepho : Pater tuus & fratres tui venerunt ad te , terra Ægypti in conspectu tuo est : cura ut in optimo loco habitent , & tradas eis terram Gessen. Quod si nosti in eis esse viros industrios , constitue illos magistros pecorum meorum. Post hæc introduxit Josephus patrem suum ad Regem , & statuit eum coram ipso. Jacobus Regem salutavit , eique fausta precatus est , atque interrogatus ab eo : Quot sunt dies annorum vitæ tue? respondit : Dies peregrinationis meæ centum triginata annorum sunt pauci & mali , & non pervenerunt usque ad dies patrum meorum quibus peregrinati sunt. Et cum Regem salutasset , egressus est foras. Josephus verò patri & fratribus suis dedit possessionem in Ægypto ; in optima terræ parte , ut præceperat Pharaon. Et alebat eos , omnemque domum patris sui præbens cibaria singulis. In toto enim orbe panis deerat , & opresserat fames terram , maximè Ægypti & Chanaam,*

*Jacobus postulat ut sepeliatur in sepulcro patrum.*

Vixit Jacobus in Ægypto decem & septem annis : & omnis vita illius centum quadraginta septem annos complexa est. Cumque appropinquare cerneret diem mortis suæ , vocavit filium suum Josephum , dixitque ei : Si inveni gratiam in conspectu tuo , jura te certissimè id facturum , ut non sepelias me in Ægypto , sed dormiam cum patribus meis , & auferas me è terra hac , condasque in sepulchro majorum meorum. Cui respondit Josephus : Ego faciam quod jussisti. Et ille : jura ergo , inquit , mihi. Quo jurante , Israël adoravit Deum.

*Minorum filiorum Josephi majori præponit moriens  
Jacobus.*

His transactis , cùm nunciatum esset , Josepho ægrotare patrem ipsius , perrexit ad eum , assump-  
tis secum duobus filiis Manasse & Ephraimo . Quos  
videns Jacobus , dixit . *Qui sunt isti ?* Oculi enim  
illius caligabant præ nimia senectute , & clare vi-  
dere non poterat . Respondit Josephus : *Fili i mei  
sunt , quos donavit mibi Deus in hoc loco . Adbuc ,*  
inquit , *eos ad me , ut benedicam illis .* Applicitos-  
que ad se deosculatus , & circumplexus eos , dixit  
filio : *Non sum fraudatus aspectu tuo ; insuper os-  
tendit mibi Deus semen tuum .* Cùmque tulisset eos  
Josephus è gremio patris , adoravit pronus in ter-  
ram . Et posuit Ephraïmum ad sinistram Israëlis , Ma-  
nassen verò ad dexteram ; applicuitque ambos ad  
eum . At Jacobus commutans manus , extensam dex-  
teram posuit super caput Ephraïmi minoris fratris ,  
sinistram autem super caput Manassæ , qui major  
natu erat ; Tunc benedicens utrique dixit : *Deus , in  
cujus conspectu ambulaverunt patres mei Abrahamus  
& Isaacus , Deus qui pascit me ab adolescentia mea  
usquè in præsentem diem , Angelus qui eruit me de  
cunctis malis , benedicat pueris istis , & crescant  
in multitudinem super terram .*

Videns autem Josephus positam fuisse à patre  
suo , dexteram manum super caput Ephraïmi , gra-  
viter id accepit ; & apprehensam levare conatus  
est , ac tranferre super caput Manassæ , dixitque  
patri : *Non ita convenit , pater , quia hic est pri-  
mogenitus , pone dexteram tuam super caput ejus .*  
Qui renuens , respondit : *Scio , fili mi , scio : & iste  
quidem multiplicabitur : sed frater ejus minor , ma-  
jor erit illo : & semen illius crescat in gentes . Cons-*

tituitque Jacobus Ephraïmum antè Manassen. Et dixit Josepho filio suo: *En ego morior, & erit Deus vobiscum, reducetque vos ad terram patrum vestrorum.*

Vocavit deinde duodecim filios suos, benedicens que singulis eorum benedictionibus propriis, prædixit inter cætera, nasciturum aliquando è Juda, Messiam his verbis: *Non auferetur sceptrum è Iudæa, nec dux è progenie ejus, donec veniat qui mittendus est & ipse erit expectatio gentium.* Et obiit.

### *Sepelitur Jacobus in terra Chanaam.*

Extinctum patrem cernens Josephus super faciem ejus ruit flens, & deosculans eum. Præcepitque servis suis medicis, ut aromatibus condirent illum. Deinde expleto iuetû tempore, omnes filii Jacobi, comitantibus multis Ægyptiis, patrem deportarunt in terra Chanaam. Ibi celebrantes exequias planetu magno atque vehementi, sepelierunt eum in spelunca, quam olim emerat Abrahamus ab Ephrone Hethæo. Reversusque est Josephus in Ægyptum eum fratribus suis, & omni comitatu, sepulto patre.

### *Fratres consolatur Josephus, & moritur.*

Mortuo Jacobo, timentes sibi fratres Josephi, mutuò collocuti sunt: *Cavendum est ne fortè Josephus memor sit injuriæ quam passus est, & reddat nobis omne malum quod fecimus ei.* Miserunt itaque qui eorum nomine diceret: *Pater tuus præcepit nobis, untequam moreretur, ut hæc tibi verba illius diceremur, obsecro ut obliviscaris sceleris fratrum tuorum, & malitiæ quam exercuerunt in te: nos quoque oramus ut servis Dei patris tui dimittas iniquitatem hanc.* Quibus auditis flevit Josephus.

Veneruntque ad eum fratres ejus, & proni adorantes in terram, dixerunt: *Servi tui sumus.* Quibus ille respondit: *Nolite timere: nūm Dei possumus resistere voluntati? vos cogitastis adversum me malum: sed Deus vertit illud in bonum, ut exaltaret me, sicut nunc cernitis, & salvos faceret multos populos.* *Nolite timere: ego pascam vos & parvulos vestros.* Consolatusque est eos. Et blandè ac leniter est locutus & habitavit in Ægypto cum omni domo patris sui.

Morti proximus, convocatis fratribus, dixit: *Post mortem meam Deus visitavit vos, & è terrâ bac deducet vos in illam terram quam jurando promisit Abrabamo, Isaaco & Jacobo. Asportate ossa mea vobiscum ex hoc loco.* Mortuus deinde est, expletis centum & decem annis. Et conditus aromatibus, repositus est in loculo in Ægypto.

*Opprimuntur Israëlitæ ab Ægyptiis. Nascitur Moïses.*

Mortuo Josepho; & universis fratribus ejus, omniq[ue] cognatione illâ, Israëlitæ mirum in modum multiplicati sunt, & terram Ægypti impleverunt. Exortus est interea Rex novus in Ægypto, qui immemor beneficiorum Josephi, dixit Ægyptiis: *Ecce populus filiorum Israëlis multus & fortior nobis est. Venite, sapienter opprimamus eum, ne forte nimis multiplicetur, & si ingruerit contra nos bellum, addatur inimicis nostris, expugnatisque nobis egrediatur ex hac terra.* Præposuit itaque eis magistros laborum, qui male habebant eos, & amaram illis ac gravem efficiebant vitam operibus duris luti & lateris, oneribus gravissimis & omnis generis famulatu, & coacti sunt ædificare aliquas urbes Pharaoni. Sed quantò magis opprimebant eos

Ægyptii , tantò magis multiplicabantur & crescebant.

Præcepit ergò Pharao obstetricibus Ægyptiis , ut quando mulieribus Hebræis parentibus adessent , matrem quemlibet nascentem interficerent , feminam vero servarent. At illæ timentes Deum , non fecerunt sicuti præceptum fuerat à rege : & ideo benefecit illis Deus. Crevitque populus Israëlis , & roboratus est vehementer. Denique omni populo suo imperavit Pharao , ut quidquid masculini sexti nasceretur apud filios Israëlitas , in Nilum flumen projiceretur statim ; quidquid feminini , reservaretur. Tunc mulier nomine Jochabed , uxor viri è Tribu Levi , cui nomen erat Amramus , peperit filium : & videns eum elegantem , abscondit tribus mensibus. Cumque jam celare non posset , sumpsit fiscellam scirpeam , & lenivit eam bitumine ac pice. Deinde posuit intus infantulum , & exposuit eum inter arundines ripæ fluminis , stante procul sorore ejus , expectante eventum rei.

Ecce autem descendit filia Pharaonis , ut lavaretur in flumine , & puellæ ejus gradiebantur per crepidinem alvei. Quæ cùm vidisset fiscellam in arundinibus hærentem , misit unam è famulabus suis ; & illatam aperiens , cernensque in ea parvulum vagientem , miserta illius est , dixitque : *Unus ex infantibus Hebræorum est hic.* Cui soror pueri , *Vis* , inquit , *ut vadam , & vocem tibi mulierem Hebræam quæ nutritre possit infantulum ?* Respondit : *Vade.* Perrexit puella , & vocavit matrem suam. Cui filia Pharaonis : *Accipe , ait , puerum istum , & nutri mibi. Ego dabo tibi mercedem tuam.* Suscepit mulier & nutritivit puerum adultumque tradidit filię Pharaonis. Quem illa adoptavit pro filio ; & voluit ut vocaretur Moïses , id est , servatus ab aquis.

*Agni Paschalis immolandi ritus.*

Profugus ex Ægypto Moïses pascebatur oves Jetronis socii sui in deserto Madiam propè montem Horebum. Apparuit ei Dominus è medio rubi qui ardebat , nec tamen comburebatur : deditque illi mandata ad Pharaonem Ægyptiorum Regem perferenda. Quibus cum non paruissest Rex impius , & ita induratum esset cor ejus , ut , post gravissimas novem plagas , quibus ejus regnum jam perecessum fuerat , nondum tamen voluerit Israëlitas dimittere. Dixit igitur Dominus Moysi : *Adbuc unâ plagâ tangam Pharaonem & Ægyptum , & post hæc dimittet vos , & exire competet. Dices ergo omni plebi , ut postulet vir ab amico suo , & mulier à vicinâ suâ vasa argentea & aurea : daboque gratiam populo huic coram Ægyptiis , & cum egrediemini , non exhibitis vacui. Decimâ die hujus mensis , qui deinceps primus erit in mensibus anni , tollat unusquisque agnum per familias & domos suas. Si autem minor est numerus quam sufficere possit ad comedendum agnum totum , assumet è vicinis suis , quod sufficient edendo agno. Erit autem agnus sine manu , masculus , anniculus. Et servabitis eum usque ad quartam deciman diem mensis hujus , immolabitque eum universa multitudo filiorum Israëlis ad vesperam. Et sument è sanguine ejus , ac ponent super utrumque postem , & in superliminaribus domorum in quibus comedent illum. Et edent nocte illa carnes ejus assas igni , & azimos panes cum lactucis agrestibus. Non comedetis ex eo crudum quid , nec coctum aqua , sed tantum assum igni. Caput cum pedibus ejus & intestinis vorabitis. Nec remanebit quidquam ex eo usque ad ortum solis. Si quid residuum fuerit , igne comburetis. Sic autem comedetis*

tis illum: venes vestros accingetis, & calceamenta habebitis in pedibus, tenentes baculos manibus, & comedetis festinanter, est enim Pascha, (id est transitus) Domini. Et transibo per terram Aegypti nocte illâ, percutiamque omne primogenitum ab homine usque ad pecus: & adversus cunctos Deos Aegyptiorum exercebo iudicia, ego Dominus. Erit autem vobis sanguis in signum in aedibus in quibus eritis; & video sanguinem, & præteribo vos: nec erit in vobis plaga disperdens, quando percutiam terram Aegypti. Habebitis autem hunc diem in monumentum, & celebrabitis eum soleninem Domino cultu sempiterno. Septem diebus fermentum non invenietur in domibus vestris, & quicumque à primo die usque ad diem septimum comedet fermentatum, peribit anima ejus ē cœtu Israëlis. Dies prima erit sancta atque solemnis, & dies septima pariter: nihil operis facietis in eis, exceptis his quæ ad vescendum pertinent. Primo mense, quartadecimâ die mensis ad vesperam comedetis azima usque ad diem vigesimum primum ejusdem mensis ad vesperam.

Vocavit autem Moïses omnes seniores filiorum Israëlis, & dixit eis: Ite: tollite agnum per vestras quisque familias, & immolate. Fasciculum hyssopi tingite in ejus sanguine, & aspergite ex eo superliminare, & utrumque postem, nullus vestrum egrediatur ostium domus suæ ante finem noctis. Transsabit enim Dominus percutiens Aegyptios: cùmque viderit sanguinem in superliminari, & in utroque poste, transcendet ostium domus, & non sinet percussorem ingredi domos vestras & lædere. Cum introieritis terram, quam Dominus datus est vobis, ut pollicitus est, observabitis ceremonias istas. Et cùm dixerint vobis filii vestri: quæ est ista religio? dicetis ei: victima transitus Domini est, quando transivit super domos filiorum Israëlis in Aegypto

*percutiens Ægyptios, & domos nostras liberans. Incurvatusque populus adoravit Dominus. Et egressi filii Israëlis fecerunt sicut præceperat Dominus.*

*Egressus Israëlitarum ex Ægypto.*

In noctis medio percussit Dominus omne primogenitum in terra Ægypti, à primogenito Pharao-nis qui in solio ejus sedebat, usque ad primogenitum captivæ quæ erat in carcere, & omne primogenitum jumentorum. Surrexitque Pharao nocte & omnes servi ejus, cunctaque Ægyptus: & ortus est clamor magnus in Ægypto: neque enim erat domus in qua non jaceret mortuus. Vocatisque Pharao, Moïse & Aarone nocte, dixit: *Surgite, & egredi-minis è populo mæo, vos & filii Israëlis. Ite, immolate Domino, sicut dicitis. Oves vestras & armenta assumite, ut petieratis, & abeuntes benedicite mibi.* Urgebantque Ægyptii populum è terra exire veloci-  
citer, dicentes: *Omnes moriemur.*

Fecerunt Israëlitæ sicut præceperant Deus & Moïses, & petierunt ab Ægyptiis vasa argentea & aurea, vestemque plurimam. Dominus autem dedit gratiam populo coram Ægyptiis, ut commodarent eis: & spoliaverunt Ægyptios. Profecti autem sunt Israëlitæ, sexcenta ferè millia peditum virorum, præter parvulos. Sed & vulgus promiscuum innu-  
merabile abiit cum eis, oves, & armenta, & ali-  
menta diversi generis plurima. Coxeruntque farinam,  
quam aquâ tantum conspersam ex Ægypto tulerant:  
& fecerunt panes azimos. Neque enim fermentari panes potuerant, cogentibus exire Ægyptiis, & nul-  
lam facere sinentibus moram, nec pulmenti quid-  
quam in viaticum preparare per tempus licuerat.

*Columna ignis & nubis dux itineris Israëli.*

Cùm emisisset Pharao Israëlitas , non eos duxit Deus per viam terræ Philisthæorum , quæ vicina erat : ne fortè pœniteret eos , si vidissent adversum se bella consurgere , & reverterentur in Ægyptum : sed circumduxit per viam deserti juxtâ mare rubrum. Dominus autem præcedebat eos ad ostendendam viam , por diem in columnâ nubis , & per noctem in columnâ ignis , ut dux esset itineris utroque tempore. Nec unquam per quadraginta annos defuit columnâ nubis aut ignis coram populo.

*Ægyptii Israëlitæ per medium mare persecuti fluctibus obruuntur.*

Ut nunciatum est Pharaoni fugisse Israëlem , immutatum est cor ejus atque Ægyptiorum erga illum , & dixerunt : *Quid hoc fecimus , ut dimitteremus Israëlem , ne serviret nobis ?* Ascendit ergo currum Rex , & omnem populum suum assumpsit secum. Tullitque sexcentos currus electos , & quidquid in Ægypto curruum fuit : & duces totius exercitus. Induravitque Dominus cor Pharaonis , & persecutus est Israëlitas. At illi egressi erant *per excelsum Dei manum.*

Sequentes Ægyptii vestigia præcedentium Israëlitarum , repererunt eos in castris propè litus maris. Hi ut viderunt omnem equitatum , & currus , & exercitum universum Ægyptiorum post se , timuerunt valdè , clamaveruntque ad Dominum , & dixerunt Moïsi : *Forsitan non erant sepulchra in Ægypto , ideo eduxisti nos ut moveremur in solitudine : quid hoc facere voluisti , ut educeres nos ex Ægyptio ? Nonnè meritò tibi dicebamus , cum inter Ægyptios*

versaremur , recede à nobis ut serviamus Ægyptiis? multo enim melius erat servire eis , quam mori in solitudine. His populi querelis respondit Moïses : Nolite timere : state & videte mirabilia quæ facturus est hodie dominus : Ægyptios enim , quos nunc videtis nequaquam ultrà videbitis in sempiternum. Dominus pugnabit pro vobis , & vos tacebitis. Tum dixit Dominus Moysi : Dic Israélitis , ut viam pergant. Tu autem eleva virgam tuam , & extende manum tuam super mare , & divide illud : ut gradiantur Israélitæ in medio mari per sicum. Ego vero indurabo cor Ægyptiorum , ut persequantur vos: & gloriam colligam ex Pharaone , omne exercitu ejus , & curribus & equitibus illius. Et scient Ægyptii me esse Dominum.

Tum Angelus Dei , qui præcedebat castra Israélitarum , tollens se abiit post eos. Cum eo pariter columna nubis anteriora dimittens , tergo illorum stetit. Hæc illuminans eorum castra pet noctem , Ægyptiis obscura erat & tenebrosa , ita ut hi ad illos toto noctis tempore accedere non valerent.

Cùm extendisset Moïses manum super mare sicut præceptum ei fuerat , abstulit illud Dominus flante vento vehementi & urente totâ nocte , & vertit in siccum , divisaque est aqua. Et ingressi sunt Israélitæ per medium sicci maris , erat enim aqua quasi murus è dextrâ eorum & lèvâ. Insecuti Israélitas Ægyptii , ingressi sunt post eos , & omnes equitatus Pharaonis , currus ejus , & equites ejus per medium sicci maris.

Jamque advenerat vigilia matutina , & ecce respiens Dominus castra Ægyptiorum , interfecit exercitum eorum ; & subvertit rotas curruum , ferabanturque in profundum. Dixerunt ergo Ægyptii : Fugiamus Israëlem : Dominus enim pugnat pro eis contra nos. Et Dixit Dominus Moysi : Extende

*manum tuam super mare ut revertantur aquæ super  
Ægyptios, & currus, & equites eorum.* Cumque extendisset Moïses manum suprà mare, reversum est primo diluculo ad priorem locum: fugientibusque Ægyptiis occurrerunt aquæ, & involvit eos Dominus in mediis fluctibus: nec unus quidem superfuit ex illis. Israëlitæ autem perrexerunt per medium sicci maris, & aquæ eis erant quasi pro muro à dextris & à sinistris. Liberavitque Dominus die illâ Israëlem è manibus Ægyptiorum. Et videbunt Ægyptios mortuos super littus maris, & potentiam ac virtutem illam magnam quâ usus erat Dominus in eos: timuitque populus Dominum, & crediderunt Domino, & Moysi servo ejus.

Tunc cecinit Moïses & Israëlitæ carmen Dominum. Et sumsit Maria Prophetissa soror Aaronis & Moïsis, tympanum in manus egressæque sunt omnes mulieres post eam cum tympanis & choris, quibus præcinebat, dicens: *Cantemus Domino, gloriosè enim magnificatus est, equum & ascensorem ejus dejecit in mare.*

### Lex data in monte Sinâ.

Cum die tertio mensis tertii post egressum ex Ægypto, pervenissent filii Israëlis in desertum Sinæ, castra metati sunt in eodem loco: ibique fixerunt tentoria è regione montis. Vocavit autem Dominus Moïsen è monte, &, ubi ascendit, dixit ei: *Hæc domui Jacobi dices, & Israëli annuncias: Vos ipsi vidistis quæ Ægyptiis fecerim, & quomodo portaverim vos sicut aquila portat pullos suos super alas, & assumpserim mihi. Si ergò audieritis vocem meam & custodieritis pactum meum, eritis mihi in peculium præ cunctis populis: mea est enim omnis terra.* Et vos eritis mihi Reges & Sa-

cerdotes, & gens sancta. Hæc dices Israëlitis.

Venit Moïses, & convocatis majoribus natu, exposuit omnia quæ mandaverat Dominus. Responditque omnis populus simul: *cuncta quæ locutus est Dominus faciemus.* Cùmque retulisset Moïses verba populi ad Dominum, dixit ei Dominus: *Jam nunc veniam ad te in calligine nubis, ut audiat me populus te alloquenter, & credat tibi in perpetuum. Va-de ad populum: sanctifica illos hodie & cras; lavent vestimenta sua, & sint parati in diem tertium, quo descendet Dominus coram omni plebe super montem Sinæ.* Constitues terminos populo per circuitum, & dices ei: *Cavete ne ascendatis in montem, nec tangatis fines illius: omnis qui tetigerit montem, lapidibus opprimetur, aut confodietur jaculis, sive jumentum fuerit, sive homo, non vivet.* Cum cœperit clangere buccina, tunc accedent ad montem. Descendit Moïses è monte, & fecit quæ jussérat Deus.

Jamque advenerat dies tertius, cùm cœperunt audiri tonitrua, ac micare fulgura, & nubes densissima operire montem: clangorque buccinæ vehementius perstrepebat. Et timuit populus qui erat in castris (Et ipse Moïses dixit: *Exterritus sum & tremebundus: Ita terribile erat quod videbatur.*) Cùm eduxisset Israëlitas Moïses è castris in occursum Dei, steterunt ad radices montis, qui totus fumabat, ita ut ascenderet fumus ex eo quasi è fornace, eo quod descendisset Dominus super eum in igne. Eratque omnis mons terribilis. Et sonitus buccinæ paulatim crescebat in majus, & prolixius tendebatur. Moïses loquebatur, & Deus respondebat ei. Hæc autem locutus est Dominus.

1. *Ego sum Dominus Deus tuus, qui eduxi te è terra Ægypti, & domo servitutis. Non habebis Deos alienos coram me. Non facies tibi sculptile,*

neque ullam similitudinem eorum quæ sunt in cœlo  
desuper, & in terra deorsum, & in aquis. Non  
adorabis ea, neque coles, ego sum Dominus Deus  
tuus fortis, Zelotes (Emulator.)

2. Non assumes nomen Domini Dei tui in vanum. Nec enim habebit insontem Dominus eum,  
qui assumpserit nomen Domini Dei sui frustra.

3. Memento ut diem Sabbati sanctifices. Sex  
diebus operaberis, & facies omnia opera tua. Septi-  
mo autem die Sabbathum Domini Dei tui est, non  
ficies ullum opus in eo, tu, & filius tuus, & fi-  
lia tua, servus tuus & ancilla tua, jumentum tuum,  
& advena qui est intrâ portas tuas. Sex enim die-  
bus fecit Dominus cœlum & terram & more & om-  
nia quæ in eis sunt, & requievit die septimo. Id-  
circo benedixit Dominus diei Sabbathi, & sanctifi-  
cavit eum.

4. Honora patrem tuum & matrem tuam, ut sis  
longavus super terram quam Dominus Deus tuus  
dabit tibi.

5. Non occides.

6. Non mæchaberis.

7. Non furtum facies.

8. Non dices contra proximum tuum falsum tes-  
timonium.

9. Non concupisces uxorem proximi tui.

10. Nec desiderabis ejus domum, non agrum, non  
servum, non ancillam, non bovem, non asinum, &  
universa quæ illius sunt.

Hæc verba protulit Dominus ad omnem multi-  
tudinem in monte è medio ignis, & nubis, y ca-  
liginis, voce magna: nihil addens amplius. Cunc-  
tus autem populus audiebat tonitrua & sonitum tu-  
bæ, videbatque lampades & montem fumantem. Ita-  
que perterriti & pavore concussi steterunt procul,  
dicentes Moysi: Loquere tu & audiemus: non loqua-

*tur Dominus ne forte moriamur. Et ait Moïses: Non  
lite timere; venit enim Deus ut probaret vos, & ut  
terror illius esset in vobis, & non peccaretis, stetit  
que populus longè. Moïses autem accesit ad caligi-  
nem in qua erat Deus, permansitque in mon-  
te quadraginta diebus & quadraginta noctibus, pa-  
nem non comedens, & aquam non bibens. Et de-  
dit illi Deus varia præcepta ad populum deferenda,  
quorum pauca hic juvabit exscribere.*

*Diliges Dominum Deum tuum ex toto corde tuo,  
& ex tota anima tua, & ex tota fortitudine tua.*

*Qui blasphemaverit nomen Domini, morte mori-  
riatur.*

*Qui percutserit patrem suum aut matrem, mor-  
te moriatur.*

*Qui maledixerit patri suo vel matri, morte mori-  
riatur.*

*Si genuerit homo filium contumacem & proter-  
vum, qui non audiat patris aut matris imperium; &  
jussus obediens contempserit, apprehendent eum, &  
ducent ad seniores civitatis illius, & ad portam ju-  
dicii, dicentque ad eos: filius noster hic protervus  
& contumax est, monita nostra audire contemnit,  
comissionibus vacat, & luxuriæ atque conviviis.  
Lapidibus eum obruet populus civitatis, & morie-  
tur, ut auferatis malum è medio vestri, & univer-  
sus Israel audiens, pertimescat.*

*Coram cano capite consurge, & honora personam  
senis.*

*Non negabis mercedem indigentis: sed eodem  
die reddes ei premium laboris sui antè solis occasum,  
quia pauper est, & ex eo sustentat animam suam:  
ne clamet contra te ad Dominum, & vertatur tibi  
in peccatum.*

*Non maledices surdo, nec coram cæco pones of-  
fendiculum, sed timebis Dominum Deum tuum.*

*Si bovem fratris tui aut ovem errantem videris, non præteribis: sed reduces fratri tuo. Si autem non est propinquus frater tuus, nec nosti eum; duces in domum tuam, & erunt apud te quamdiu quærat ea frater tuus, & recipiat.*

*Si occurreris bovi inimici tui, aut asino erranti, reduc ad eum. Si videris asinum odientis te, jace-re sub onere, non pertransibis, sed sublevabis cum eo.*

*Non oderis fratrem tuum in corde tuo.*

*Non queras ultiōnem, nec memor eris injuriæ ci-vium tuorum.*

*Non fænerabis fratri tuo ad usuram pecuniam, nec fruges, nec quamlibet aliam rem, sed absque usu-ra id quod indiget commodabis.*

*Si pecuniam mutuam dederis populo meo pauperi qui habitat tecum, non urgebis eum quasi exactor, nec usurpis opprimes.*

*Mendacium fugies.*

*Non suscipes vocem mendacitatis; nec junges manus tuam, ut pro impio dicas falsum testimonium.*

*Non eris culumniator, nec susurro in populo.*

*Non mentiemini, nec decipiet unusquisque proximum suum.*

*Non habebis diversa pondera, majus & minus: nec erit in domo tua modius major & minor. Pondus habebis justum & verum, & modius æqualis & ve-rus erit tibi.*

*Non accipies munera, quæ etiam excœcant pru-dentes, & subvertunt verba justorum.*

*Non induetur mulier veste virili, nec vir ute-tur veste feminine: abominandus est enim opus Deum qui facit hæc.*

*Cum votum voveris Domino Deo tuo, non tardabis reddere: quia requiret illud Dominus Deus tuus. Et si moratus fueris, vertetur tibi in peccatum.*

*Non facies quod iniquum est, nec injustè judicabis.*

*Non consideres personam pauperis, nec honores vultum potentis. Justus Jūdex esto proximo tuo.*

*Non stabit testis unus contra aliquem, quidquid illud peccati & facinoris fuerit: sed in ore duorum aut trium testium stabit omne verbum.*

*Non sequeris turbam ad faciendum malum; nec in iudicio consenties plurimorum sententiæ, ut à vero declines.*

*Si quis de industria occiderit proximum suum, & per insidias; ab altari meo evelles eum, ut moriatur.*

*Non accipietis pretium ab eo qui reus est sanguinis, statim & ipse morietur.*

### *Transitus Jordanis arcâ præeunte.*

Josue & filii Israëlis moventes castra è Setim venerunt ad Jordanem amnem, & non longè ab ejus ripa morati sunt tres dies. Quibus exactis, transierunt præcones per media castra, & clamare cœperunt: *Quando videritis arcam fæderis Domini Dei vestri, & sacerdotes styris Leviticæ portantes eam, vos quoque consurgite, & sequimini: Cavete tamen ne proprius accedatis ad arcam: sed sit inter vos & eam, spatium curitorum duorum millium, ut videre eam procul possitis, & nosse quam viam vos ingredi oporteat, quia prius illâ non incessistis.* Dicitque Josue populo: *Sanctificamini, cras enim faciet Dominus inter vos mirabilia, & hac ratione sciatis Dominum Deum viventem in medio vestri esse, & disperditurum in conspectu vestro Chananeos, aliosque hujus regionis populos. Ecce arca fæderis Domini omnis terræ antecedet vos per Jordanem. Et*

cum posuerint vestigia pedum suorum Sacerdotes, qui portant arcam, in aquis Jordanis: aquæ quæ inferiores sunt, decurrent, atque deficiunt: quæ autem desuper veniunt, in unam molem consistent.

Igitur egressus est populus è tabernaculis suis, ut transiret Jordanem: & Sacerdotes, qui portabant arcam foederis, pergebant antè eum. Ingressisque eis Jordanem, & pedibus eorum aquâ tinctis: aquæ, quæ superne defluebant, steterunt in loco uno, & instar montis intumescentes apparebant procul; quæ autem infrâ erant, in mare mortuum descenderunt, donec oinno deficerent. Populus autem incedebat contra Jerichonem: & Sacerdotes qui portabant arcam federis Domini, stabant super siccam humum in medio Jordane, oinnoque populus per arenem alveum transibat. Interea duodecim vi-ri, quos Domino ita præcipiente, elegerat Josue ex Israelitis, singulos è singulis Tribubus, duodecim lapides durissimos è medio Jordanis alveo, ubi stabant pedes Sacerdotum, sublatos humeris asportarunt. Deinde in eorum locum alios totidem reponuerunt: ut hoc esset posteris exsiccati quondam fluminis monumentum.

Cum omnis populus transisset, & Sacerdotes qui portabant arcam, & flumine ascendissent, vicinosque campos calcare cœpissent; reversæ sunt aquæ in alveum suum, & fluxerunt sicut antè consueverant. Josue vero duodecim lapides, quos è Jordanis alveo tollendos curaverat, posuit eo in loco ubi primum castra metatus est, fixitque tentoria, sicut imperaverat Deus. Tum dixit Israelitis. Quen-  
do interrogaverint vos post hac filii vestri, & aixe-  
rint: qui sibi volunt lapides isti? docebitis eos,  
atque dicetis: per arenem alveum transivit Israël  
Jordanem istum, siccante Domino Deo vestro aquas  
ejas in conspectu vestro, donec transiretis, sicut

fecerat prius in mari rubro , quod siccavit donec transiremus ; ut discant omnes terrarum populi , quanta sit Dòmini potentia , & vos timeatis Dominum Deum vestrum omni tempore.

*Muri Jerichuntis corruunt.*

Transgressi Jordanem Israelitæ venerunt in vicina urbis Jerichuntis , quæ timore eorum clausa erat & munita , ita ut nullus ex ea egredi auderet , aut in eam ingredi. Dixitque Dominus Josue ; Ecce dedi in manus tuas urbem Jerichuntem & regem ejus , omnesque fortes viros. Circumeant eam sex diebus , semel per diem , cuncti filii Israëlis silentes ; tūm septem Sacerdotes arcam fæderis præcedentes , buccinis , quarum usus est in jubilæo , clangent. Die vero septimo urbs septies circumeatur , & septimo circuitu conclamat omnis populus vociferatione maximâ. Futurum autem est ut muri civitatis funditus corruant. Tuncque ingredientur singuli Israelitæ per locum contra quem steterint.

Vocavit ergo Josue Sacerdotes , & dixit eis . Tollite arcam fæderis & septem alii Sacerdotes tollant jubilæi buccinas ; & incedant antè arcam Domini. Populo vero dixit : Ite & circuite civitatem armati , præcedentes arcam Domini. Non clamabitis , nec audietur vox vestra , neque ullus sermo ex ore vestro egredietur , donec veniat dies in quo dicam vobis : clamate , & vociferamini. Cùm Josua loqui desisset , septem Sacerdotes cœperunt buccinis clangere antè arcam fæderis Domini , omnisque præcedebat armatus exercitus , reliquum autem vulgus arcam sequebatur. Sicque per sex dies circuerunt civitatem , semel singulis diebus , & quotidie reversi sunt in castra.

Die autem septimo , diluculò consurgentes : cir-

euierunt civitatem, quemadmodum, imperatum erat, septies. Cumque septimò circuitu omnia personarent clangore buccinarum Sacerdotum, dixit Josue Israelitis: *Vociferamini: tradidit enim vobis Dominus civitatem. Civitas hæc tota cum suis habitatoribus deleatur. Sola Rabab vivat, quæ missos à nobis exploratores hospitio exceptit, & abscondit. Quidquid autem auri & argenti & vasorum æneorum ac ferri repertum fuerit, id consecretur Domino, & in thesauris ejus reponendum servetur.*

Igitur omni populo vociterante, & clangentibus tubis, postquam in aures multitudinis vox sonitusque increpuit, muri illico corruerunt. Ascendit unusquisque per locum qui contra se erat: cuperuntque civitatem, & interfecerunt omnia quæ erant in ea, à viro usquè ad mulierem, ab infante usquè ad senem. Boves quoque & oves & asinos gladio percusserunt. Duobus autem viris qui exploratores missi fuerant, dixit Josue: *Ingredimini domum Rababis mulieris, & educite eam & parentes ejus, fratres quoque & cognationem illius, & cunctam supellectilem, & omnia quæ illius sunt, sicut ei juramentis firmastis. Quod ubi factum est, urbem & omnia quæ erant in ea, succenderunt: seposito auro & argento & vasis æneis ac ferro, quæ in ærarium Domini consecrarunt.*

*Levita benignè exceptus à socero, & à sene quodam Ephratæo.*

Dùm inter Levitam quemdam Ephraimi montis & uxorem ejus aliquid rixæ ortum esset, reversa erat mulier in domum patris sui, qui habitabat in urbe Bethleemo, manseratque apud eum quatuor mensibus. Sed Levita volens reconciliari uxori, eamque secum reducere perrexit in urbem Bethleemum

ad sacerum. Qui cum audisset generi adventum, occurrerit ei laetus, & amplexatus est hominem; manusque gener apud sacerum tribus diebus, comedens cum eo & bibens familiariter. Die autem quanto de nocte consurgens, proficisci voluit; sed eum tenuit sacer, & dixit: *Gusta prius pauxillum panis & corroborata stomachum, & sic proficisceris.* Sederuntque simul, ac comederunt & biberunt. Dixitque pater mulieris genero suo: *Quæso te ut bodiè bis maneras, pariterque letemur.* At ille consurgens, cœpit velle proficisci. Et nihilominus obnixè eum sacer tenuit; & apud se ut maneret, fecit. Postero diè manè parabat item Levita proficisci. Cui sacer rursùm: *Oro te, inquit, ut pauxillum cibi capias & assumptis viribus, donec inrescat dies, posse te proficiscaris.* Comederunt ergò simul. Surrexit deinde adolescens ut abiret cum uxore suâ & servo. Cui rursùm dixit sacer: *Considera diem ad occasum decliviorem esse, & propinquare vesperam, manè mecum etiam hodiè, & duc letum diem, & cras proficisceris, ut redeas domum.* Noluit gener obtemperare socii sermonibus, sed statim abiit, dicens secum duos asinos onustos, & servum & uxorem.

Cum iter caperent, occubuit eis sol juxtâ urbem Gabaam, quæ erat in Tribu Benjaminiticâ; diverteruntque ad eam, ut pernoctarent ibi. Quod cum intrassent, sedebant in platea civitatis, & nullus eos recipere voluit hospitio; erant enim homines illius regionis pessimi. Sed ecce apparuit quidam senex Ephratæus, revertens ex agro & ab opere suo vesperi; qui peregrinus habitabat in illâ urbe. Hic ut primum vidit sedentem hominem cum sarcinulis suis in platea civitatis, dixit ei: *Unde venis, & quo vadis?* Qui respondit: *Profecti sumus ex urbe Betbleemo, & pergimus ad montem Epbraïnum; nullus tecto suo nos vult excipere, quamvis*

*babeamus paleas & fenum in asinorum pabulum, & panem ac vinum in meos & ancillæ tue usus, & servi, qui tecum est; nullâ re indigenus, nisi hospitio. Cui respondit senex: Pax tecum sit. Ego præbebo omnia quæ necessaria sunt. Tantum queso, ne in platea maneas. Introduxitque eum in domum suam & pabulum asinis præbuit. Deinde ubi laverunt pedes suos, epulati sunt, post laborem itineris, cibo & potu reficienes corpora.*

### *Gedeonem adversus Madianitas mittit Deus.*

Fecerunt Israelitæ malum in conspectu Domini, qui tradidit illos in manus Madianitarum septem annis, & oppressi sunt valdè ab eis. Feceruntque sibi antra & speluncas in montibus, & munitissima ad repugnandum locu. Cumque sevisset Israel, ascendebant Madianitæ & Amalecitæ, cæteræque Orientales nationes, & in ejus agris figentes tentoria, sicut erant in herbis cuncta vastabant, nihilque omnino ad vitam pertinens relinquebant, non oves, non boves, non asinos. Ipsi enim, & universi greges eorum veniebant, & qui hominum erat & camelorum innumerabilis multitudo, complebant universa, & quidquid tetigerant instar locustarum devastabant. Humiliatusque est & attenuatus valdè Israel propter frequentes illas Madianitarum incursiones, & clamavit ad Dominum postulans auxilium contra illos.

Audivit Dominus clamorem Israelitarum. Et cum Gedeon è Tribu Manassæ excuteret atque purgaret frumenta, ut eum iis fugeret Madianitas; apparuit ei Angelus Domini, dixitque: *Dominus tecum, virorum fortissime.* Cui respondit Gedeon: *Obsecro, Domine mi, si Dominus nobiscum est, cur*

apprehenderunt nos hæc omnia mala? ubi sunt mirabilia ejus, quæ narraverunt patres nostri, dicentes: quomodo eduxerit nos ex Ægypto? nunc autem dereliquit nos Dominus, & tradidit in manus Madianitarum. Tunc respexit ad eum Dominus & dixit: *Vade cum hac fortitudine tua, & liberabis Israelem è manu Madianitarum.* Scito quod miserim te. Obsæcro, domine mi, inquit Gedeon, quomodo liberabo Israelem? ecce familia mea infima est ex Tribu Manassæ, & ego minimus in domo patris mei sum. Dixitque ei Dominus: *Ego ero tecum, & percuties Madianitas quasi unum virum.* Et ille: *Sì inveni, inquit, gratiam coram te, da mibi signum quo noverim quod tu sis qui sermonem habes mecum.* Ne recedas hinc, donec revertar ad te, afferens tibi atque offerens munus meum. Qui respondit: *Ego præstolabor adventum tuum.*

Ingressus itaque domum Gedeon coxit hædum, & è farinæ modio azimos panes, carnesque ponens, in canistro, & jus carnium mittens in ollam, tulit omnia, atque obtulit Angelo sedenti sub querku. Cui dixit Angelus Domini: *Et carnes & azimos panes pone supra petram hanc, & jus de-super funde.* Cumque fecisset ita, extendit Angelus Domini virgam quam tenebat manu, & testigat carnes & panes azimos; ascenditque ignis de petra, & carnes azimosque panes consumpsit. Angelus autem Domini evanuit ex oculis ejus. Vidensque Gedeon esse Angelum Domini, exclamavit: *Heu, Domine mi Deus, oculis meis vidi faciem Angeli Domini!* Dixitque ei Dominus: *Pax tecum; ne timeas, non morieris.* Ædificavit ergò ibi Gedeon altare Domino.

*Duplici velleris miraculo confirmatur Gedeon.*

Omnes Madianitæ , & Amalecitæ , & orientales populi congregati sunt simul : & transeuntes Jordaniem , castra metati sunt in valle Jezraelis. *Spiritus* autem Domini induit Gedeonem , qui clangens buccinâ convocavit omnem domum suam , ut seque-  
retur. Misitque nuncios ad aliquot Tribus unde ei occurrerunt multi filii Israelis. Dixitque Gedeon Deo : *Salvum ne facies opera mera Israelem , sicut locutus es ? en ego ponam hoc vellus lanæ in area , si ros in solo vellere fuerit , & in omni terra circum siccitas , tunc sciā liberatum iri operā meā Israelem , sicut pollicitus es.* Factumque est ita. Nam postero die manè consurgens Gedeon , rore è velle expresso concham implevit. Dixitque rursùs Deo : *Ne irascatur furor tuus contra me , si adhuc semel tentavero , alterum signum quærens in vellere. Oro ut solum vellus siccum sit , & omnis terra sit rore madida.* Fecitque Deus nocte illâ ut postulaverat Gedeon , & vellere sicco manente , fuit ros in omni humo,

*Probantur ad aquas qui ad bellum essent progressuri.*

Gedeon de nocte consurgens , & omnis populus cum eo , venit ad fontem qui vocabatur Harad. Erant autem castra Madianitarum in valle ad Septentrionalē plagam collis excelsi. Dixitque Dominus Gedeoni : *Multus tecum est populus , ( 32000 homines ) nec tradentur Madianitæ in manus ejus , ne glorietur contra me Israël , & dicat , meis viribus liberatus sum.* Itaque hæc cunctis audientibus prædica : qui meticulosus & timidus est revertatur. Recesserunt-

que & reversi sunt è populo viginti duo millia vi-  
torum , & tantùm decem millia remanserunt. Dixit-  
que Dominus Gedeoni : *Adhuc populus multus est:*  
*duc eos ad aquas , & ibi probabo illos : & de quo*  
*dixero tibi ut tecum vadat , ipse perget : quem ire*  
*prohibuero , revertatur.* Cùm itaque descendisset po-  
pulus ad aquas , dixit Dominus Gedeoni : *Qui lin-*  
*guâ lambent aquas , sicut solent canes lambere , se-*  
*parabit eos seorsum : quicumque autem curvatis ge-*  
*nibus proni biberint , in altera parte erunt.* Fuerunt  
ergo qui lamberant aquam , manu eam , ad os ad-  
moventes , numero trecenti viri : omnis autem re-  
liqua multitudo flexo poplite biberat. Tunc dixit  
Dominus Gedeoni : *Trecentis istis viris qui lambe-*  
*runt aquas liberabo vos , tradamque in manum tuam*  
*Madianitas : omnis autem reliqua revertatur in la-*  
*cum suum.*

*Tubis , lagenis & lampadibus debellantur  
Madianitæ.*

Dimisit itaque Gedeon omnes Israelitas in sua  
quemque tabernacula , retinuitque tantùm trecentos  
illos viros , cum quibus se ad pugnandum accinxit ;  
sumptis pro numero eorum cibariis & tubis. Divisit  
autem trecentos viros in tres partes ; & dedit tu-  
bas in manus singulorum , lagenasque testaceas va-  
cuas ; & lampades in medio lagenarum ; & dixit  
eis : *Quod me facere videritis : hoc facite. Ingre-*  
*diar partem hostilium castrorum. Quando personue-*  
*rit tuba in manu mea , vos quoque per castrorum cir-*  
*cuitum tubis clangite & conclamate : Domina & Ge-*  
*deoni. Ingressusque est Gedeon , & trecenti viri qui*  
*erant cum eo , in partem castrorum , incipientibus*  
*vigiliis noctis mediæ ; & custodibus suscitatis , co-*  
*perunt buccinis clangere , & collidere inter se la-*

genas. Cumque circumdeundo castra in tribus personarent locis, & hydrias confregissent, tenuerunt sinistris manibus lampades, dextris vero tubas quibus clangebant, clamaveruntque: *Gladius Domini & Gedeonis;* stantes singuli in loco suo per circuitum castrorum hostilium.

Jacebant tunc fusi in valle & castris Medianitae & Amalecitae, & omnes Orientales populi, ut locustarium multitudo. Cameli quoque innumerabiles erant, sicut arena que jacet in littore maris. Itaque audito tubarum sonitu, visisque lampadibus, omnia hostium castra turbata sunt: & vociferantes ululantesque huc & illuc fugerunt. Sed insistebant trecenti viri buccinis personantes, direxitque Dominus gladios hostium in se invicem, ita ut ipsi se mutuâ cæde perimerent. Qui vero fugâ saluti suæ consulere tentaverant, eos Gedeon comprehensos omnes necavit.

Post debellatos tam insigni victoriâ hostes, disserunt omnes Israelitae Gedeoni: *Dominare in nos tu, & filius tuus, & filius filii tui, quia liberasti nos è manu Medianitarum.* Quibus ille respondit: *Non dominabor ego, nec dominabitur filius meus in vobis sed ipse dominabitur vobis Dominus.*

### *Samuel nascitur, & Deo offertur.*

Elcana Ephrataeus habuit uxores duas: nomen uni Anna, & nomen alteri Phenenna. Fueruntque Phœnennæ filii: Annæ autem liberi non erant. Insectabatur quoque Annam æmula ejus, & vehementer vexabat, adeò ut etiam exprobraret quod filios ei Dominus non dedisset. Porro illa flebat, & non capiebat cibum. Dixit ergo ei Elcana vir suus, qui eam diligebat: *Anna, cur fles, & quare non co-*

*medis? & quamobrem mærore conficitur cor tuum?  
nunquid non ego melior tibi sum quam decem filii?*

Elcana autem & uxores ejus ē civitate sua ascenderunt ad urbem Silo, ut adorarent Deum, & sacrificarent Domino exercituum, sicut statutis diebus consueverant. Tunc Anna, quam amara angebat tristitia, oravit Dominum, flens abunde, & votum vovit dicens: *Domine exercituum, si respiciens videbis angorem famulæ tuæ & recordatus mei fueris, nec oblitus ancillæ tuæ, dederisque servæ tuæ secum virilem; dabo eum Domino omnibus diebus vitæ ejus, & novacula non admovebitur capiti ejus.* Cui dixit Heli Sacerdos, qui sedebat super sellam ante postes tabernaculi Domini: *Vade in pace. Deus Israelis annuat petitioni tuæ, & det quod rogasti eum.*

Recordatus est autem Dominus Annæ. Et factum est post aliquot dies, ut conciperet, ac deinde pareret filium. Vocavitque nomen ejus Samuel, hoc est, postulatum à Domino. Ascendente deinde Elcana viro ejus, & omni domo ad Tabernaculum, ut immolaret Domino hostiam solemnem, ipsa non ascendit: dixit enim viro suo: *Non vadam, donec à lacte amoveatur infans, & ducam eum, ut apparet ante conspectum Domini, & maneat ibi jugiter.* Et respondit Elcana: *Fac quod bonum tibi videtur: precorque ut impleat Dominus promissum suum.* Mansit ergo mulier, & lactavit filium suum, donec amoveret eum à lacte. Tunc eum adhuc infantulum adduxerunt secum ad Dominum pater & mater: immolato vitulo, obtulerunt puerum Sacerdoti Heli, cui dixit Anna: *Domine mi, ego sum illa mulier quæ steti coram te hic orans Dominum. Pro puerō hoc oravi, & dedit mihi Dominus quod postulavi ab eo. Idcirco & ego commodo eum Domino omnibus diebus vitæ ejus.* Postquam oraverunt Dominum,

redierunt domum parentes Samuelis. Puer autem remansit, fuitque minister in conspectu Domini, ante faciem Heli Sacerdotis.

*Samueli aperit Deus quæ mula impendeant Heli propter filios.*

Samuel ministrabat ante faciem Domini, puer, accinctus Ephod lineo. Et tunicam parvam faciebat ei mater sua, quam afferebat statutis diebus, ascendens cum viro, ut immolaret hostiam solemnum. Et benedixit Heli Elcanæ, & uxori ejus dixitque ei: *Reddat tibi Dominus semen è muliere hac, profanore quod commodasti Domino.* Et abierunt in locum suum. Visitavit ergo Dominus Annam, & concepit, & peperit tres filios, & filias duas. Puer autem Samuel proficiebat, atque crescebat, & placebat tam Deo, quam hominibus.

Porro filii Heli, pietatis omnis atque probitatis expertes erant, nescientes Dominum, neque officium Sacerdotum erga populum. Eratque peccatum eorum grande coram Domino: Heli autem erat senex valde, & audivit omnia quæ faciebant filii sui universo Israeli, dixitque eis: *Quare facitis res bujuscemodi, quas ego audio, res pessimas, ab omnibus populo?* Nolite, filii mei, ita agere; non enim est bona fama, quam ego audio. Et non audierunt vocem patris sui, quia voluit Dominus occidere eos.

Puer autem Samuel ministrabat Domino coram Heli; & sermo Domini erat tunc pretiosus & rarus, neque erat visio manifesta. Die quadam Heli jacebat in lectulo, & oculi ejus caligaverant, nec poterat videre, Samuelque dormiebat intra septa Tabernaculi, in quo erat arca Domini. Et vocabit Dominus Samuelem: qui respondens, dixit: *Ecce ego.* Et cucurrit ad Heli, & dixit: *Ecce ego: vocasti*

enim me. Qui dixit: *Non vocavi: revertere & dormi.* Et abiit, & dormivit. Rursum vocabit Dominus Samuelem; consurgensque Samuel, abiit ad Heli, & dixit: *Ecce ego, quia vocasti me.* Qui respondit: *Non vocavi te, fili mi: revertere, & dormi.* Porro Samuel nondum noverat Dominum, nec adhuc revelatum ei fuerat verbum Domini. Vocat Dominus tertio Samuelem. Qui consurgens abiit ad Heli, dixitque: *Ecce ego, quia vocasti me.* Intellexit Heli à Domino ipso puerum dormientem excitari ac vocari: & dixit Samuelei: *Vade, & dormi: & si deinceps vocatus fueris, dices: loquere Domine, quia audit servus tuus.* Abiit ergo Samuel, & dormivit in loco suo. Et venit Dominus, & astitit, & vocavit: *Samuel? Samuel?* Et respondit Samuel: *Loquere, Domine, quia audit servus tuus.* Et dixit Dominus Samuel: *Ecce ego eam rem faciam in Israele, quam quicunque audierit, timent ambæ aures ejus, & magno terrore concutietur. Quæ adversus Heli & domum ejus locutus sum, omnia complebo: eo quod noverit indignè agere filios suos, neque tamen corripuerit eos. Idcirco juravi domui Heli, iniquitatem ejus non expiatumiri in eternum victimis & muneribus.*

Dormivit Samuel usque ad lucem, aperuitque ostia domus Domini, & timebat indicare visionem Heli. Qui vocavit eum, & dixit: *Samuel, fili mi.* Qui respondit: *Præsto sum.* Et interrogavit eum: *Quænam sunt ea, de quibus te allocutus est Dominus? oro te ne celaveris me.* Indicavit itaque ei Samuel omnia verba Domini, & nihil abscondit. Et ille respondit: *Dominus est: quod bonum est in oculis suis faciat.* Crevit autem Samuel, & Dominus erat cum eo: & nullum verbum protulit, quod fuerit irritum. Et cognovit universus Israel à Dan usque Bersabee, Samuelem fidelem esse Prophetam Domini.

## Mors Heli &amp; filiorum.

Aliquot annis post prænuntiationem Samueli à Deo domus Heli ruinam, Israelitæ à Philisthæis victi, arcam fæderis Domini in aciem secum detulerunt, futurum sperantes ut servaret eos ab hostibus. Sed iterum cæsi sunt, & fugit unusquisque in tabernaculum suum: & tanta clades accepta est, ut caderent ex Israele tringinta millia peditum. Quin etiam arca Dei capta est. Duo quoque filii Heli mortui sunt, Ophni & Phinees. Currens autem vir ex acie, venit Silo die illa, scisa veste, & conspersus pulvere caput. Sedebat tunc Heli super sellam contra viam spectans. Erat enim cor ejus pavens pro arca Dei. Vir autem ille postquam urbem ingressus est, nunciavit cladem Israelitarum: & ululavit omnis civitas. Et audivit Heli sonitum clamoris, dixitque: *Quis est hic tumultus?* At ille festinavit, & venit & nunciavit Heli, dixitque: *Ego sum qui veni ē prælio, & ego qui ex acie fugi hodie:* Cui Heli: *Quid actum est,* ait, *fili mi?* Respondens autem ille qui nunciabat: *Fugit,* inquit, *Israel coram Philisthæis, & ruina magna facta est in populo: insuper & duo filii tui mortui sunt, Ophni & Phinees: & arca Dei capta est.* Cumque ille nominasset arcam Dei, cecidit de sella retrorsum juxta ostium, & fractis cervicibus mortuus est. Erat autem tunc senex nonaginta & octo annorum, atque ejus oculi caligaverant, nec videre poterat. Nurus autem ejus, uxor Phineæ, prægnans erat, vicinaque partui: & auditio nuntio quod capta esset arca Dei, & mortuus esset sacer suus & vir suus, irruerunt in eam dolores subiti, peperitque, & mortua est.

*Tobiæ in Deum pietas, conjugium, filius.*

Tobias, ex Tribu & civitate Nephthali, cuncta Dei mandata puerulus observabat; & cum junior esset omnibus in Tribu sua, nihil tamen puerile exhibuit opere. Dum omnes irent adoratum vitulos aureos, quos olim erexerat Jeroboamus, primus rex Israelis, hic solus eorum societatem fugiens, ibat Hierosolymam ad Templum Domini; ibi Deum patrum suorum adorabat, primitias omnes suas & decimas religiose offerens. Proselytis etiam & advenis multa erogabat tertio quoque anno secundum legem Dei. Postquam ad ætatem virilem pervenit, uxorem duxit Annam è Tribu sua, genuitque ex ea filium, cui nomen suum imposuit, & quem ab infantia timere Deum, atque ab omni peccato abstinere, docuit.

*Tobiæ benignitas in captivitatis suæ socios.*

Cum Salmanassarus Assyriorum Rex, capta urbe Samaria, & Osse Rege Israelis in carcerem misso, transtulisset Israelitas in Assyriam; omnem Tribum Nephthali, & Tobiam cum uxore & filio quatuor circiter annorum puero, in civitatem Nинивem adduxit. Sed Tobias in captivitatem redactus, nihil de solita in Deum pietate, aut in homines benignitate remisit. Omnia, quæ habere poterat, captivis fratribus suis quotidie impertiebat, & cum ii omnes iisdem, quibus gentes, cibis vescerentur, ipse animam suam puram custodivit, nec umquam contaminatus est ejusmodi escis. Et quoniam memor fuit Domini in toto corde suo, dedit ei Deus gratiam apud Regem Salmanassarum, à quo accepit potestatem eundi quocumque vellet,

& quidquid libuisset faciendi libertatem. Itaque ad quoscumque habebat ē gente sua captivitatis socios commeabat, & eos monitis salutaribus instruebat. Quin etiam, cum Gabelum quendam, qui erat ex eadem Tribu, egenteū vidisset; decem talenta argenti, quibus à Rege donatus fuerat, ei accepto chirographo commodavit perhumaniter.

*Tobias mortuos cum vitæ periculo sepelit.*

Post multum vero temporis, mortuo Rege Salmanassaro, Sennacheribus filius ejus, patri in regnum successit. Hic cum Israelitas exosos haberet, neque eorum conspectum ferre posset; Tobias singulis diebus invisebat omnem cognitionem suam, & consolabatur eos, dividebatque unicuique, prout poterat, de facultatibus suis. Esurientes alebat, nudis vestimenta præbebat, mortuis sepulturam sollicitus exhibebat: & sepeliebat corpora eorum, quos interfici jubebat Sennacheribus, qui ex Judæa reversus fuerat. Ita enim incensus erat ob acceptam cladem, qua eum Deus in ultionem nominis sui verbis impiis laccessiti affecerat. Quod ubi nunciatum est Regi, Tobiam jussit occidi, & omnes ejus facultates abstulit. At Tobias cum filio suo & uxore fugiens, bonis cunctis spoliatus, ac nudus, facile latuit, quia multi diligebant eum. Post dies vero quadraginta quinque occiderunt Regem filii ipsius, & reversus est Tobias domum suam; eique universæ res suæ fuerunt restitutæ.

Deinde, cum esset dies festus Domini, Tobias, lauto convvio domi parato, dixit filio suo: *Vade, & adduc aliquos ē Tribu nostra timentes Deum, ut epulentur nobiscum.* Paruit ille, & reversus nunciavit patri, unum ex Israelitis jugulatum jacere in

platea. Exiliens statim Tobias à mensa cui accumbebat , relicto prandio , jejonus pervenit ad corpus exanime & sublatum portavit in ædes suas occulte, ut , postquam sol occubuisset , tuto sepeliret. Occultato cadavere , comedit panem cum luctu & tremore in memoriam revocans quæ dixit Dominus per Amos Prophetam : *Dies festi vestri convertentur in lamentationem & luctum.* Atque ubi sol occidit , corpus domo extulit Tobias , & sepulchro mandavit. Arguebant quidem eum omnes proximi dicentes: *Jam hujus rei causa interfici jussus est , vixque mortem effugisti , & iterum sepelis mortuos ?* Sed ille, spretis talibus objurgationibus , & magis timens Deum quam Regem , rapiebat corpora occisorum , & ea in domo sua interdiu abdita , mediis noctibus condebat tumulo.

### *Tobiæ cœcitas & patientia.*

Cum autem quadam die fatigatus præstanto mortuis solito sepulturæ officio , incubuisset parieti , atque obdormisset , contigit ut ex nido hirundinum calida stercora in oculos dormientis inciderent , fieretque cæcus. Hanc porro tentationem ideo permisit Dominus evenire illi , ut posteris daretur exemplum patientiæ ejus , sicut & sancti Jobi. Nam cum ab infantia sua semper Deum timuisset , ejusque mandata servasset ; nihil adversus Dominum conquestus est , quod hæc plaga cæcitatis sibi accidisset : sed immobilis in ejus timore permanxit , eique gratias egit omnibus diebus vitæ suæ. Quemadmodum autem beato Jobo insultabant Reges , ita affines & cognati Tobiae irridebant vitam ejus , dictitantes: *Ubi est spes tua , pro qua eleemosynas faciebas , & sepeliendis mortuis operam dabas ?* at ille increpans eos: *Nolite , inquietabat , ita loqui : quoniam filii sanc-*

*torum sumus, & vitam illam exspectamus, quam Deus datus est his, qui datam illi fidem numquam fallunt.*

Anna vero uxor ejus ibat quotidie ad texendam telam, & quem labore manuum suarum consequi victum poterat, eum referebat domum. Unde factum est, ut aliquando hœdus ab ea afferretur. Cujus cum vocem balantis vir ejus audisset, dixit: *Vide te ne forte furtivus sit: reddite eum dominis suis. Quia non licet nobis aut edere ex furto aliquid, aut contingere.* Ad hæc irata conjux respondit: *Manifeste vana est spes tua: en quo evaserunt eleemosynæ tuæ.* His atque aliis hujuscemodi verbis marito uxor exprobrabat.

*Tobias mortem optat, & peccatorum veniam postulat à Deo.*

Tunc Tobias ingemuit, & cœpit orare Deum cum lacrymis, dicens: *Justus es, Domine, & omnia judicia tua justa sunt: & omnes viæ tue, misericordia, veritas, & judicium.* Nunc, Domine, memor esto mei; neque vindictam sumas de peccatis meis; nec reminiscaris delicta mea vel parentum meorum. *Quoniam non obedivimus præceptis tuis,* ideo traditi sumus in direptionem, & captivitatem, & mortem, & in fabulam & ludibrium omnibus nationibus, inter quas dispersisti nos. *Magna, Domine, & justa judicia tua,* quia non egimus secundum præcepta tua: neque nos sincere gessimus coram te. *Fac itaque nunc pro voluntate tua mecum,* & præcipere in pace recipi spiritum meum. *Expedit enim mihi mori magis quam vivere.*

## Tobiæ monita ad filium.

Cum Tobias putaret exanditas esse à Deo pre-  
ees suas , & sibi mortem instare ; vocato ad se fi-  
lio , dixit : *Audi , fili mi , verba oris mei , & ea  
in corde tuo repone , veluti fundamentum vitæ sa-  
pienter instituendæ. Omnibus diebus vitæ tuæ in men-  
tem habeto Deum : & cave nequando peccato con-  
sentias , & pretermittas præcepta Domini Dei nostri.*

*Ex facultatibus tuis fac eleemosynam , & noli  
avertere faciem tuam ab ullo paupere : ita enim fiet ,  
ut nec à te avertatur facies Domini. Quomodo po-  
teris , ita esto misericors. Si multum tibi fuerit ,  
abundanter tribue . si exiguum , etiam de isto exi-  
guo libenter impertiri stude. Thesaurum enim bonum  
ac præmium tibi recondes in diem necessitatis. Quo-  
niam eleemosyna ab omni pecato & à morte liberat ,  
& non patietur animam ire in tenebras. Fiducia mag-  
na erit coram summo Deo eleemosyna omnibus fa-  
cientibus eam.*

*Superbiam numquam in animo tuo , aut in ser-  
mone tuo dominari permittas : ab ipsa enim initium  
sumpsit omne malum.*

*Quicumque pro te aliquid operis fecerit , statin-  
ei mercedem restitue , & merces mercenarii tui opud  
te omnino non remaneat.*

*Quod ab alio oderis fieri tibi , vide ne tu aliquan-  
do alteri facias.*

*Ponem tuum cum esurientibus & egenis comedere ,  
& vestimentis tuis nudos tege. Ponem tuum mandu-  
care , & vinum tuum bibere noli cum peccatoribus.*

*Consilium semper à sapiente perquire.*

*Omni tempore benedic Deo , & pete ab eo ut  
vias tuas dirigat , & omnia consilia tua in ipso per-  
maneant.*

*Cum acceperit Deum animam meam, corpus meum sepeli : & honorem habebis matri tue omnibus diebus vita ejus. Memor enim esse debes quæ & quanta pericula passa sit in utero suo propter te. Cum autem & ipsa compleverit tempus vita sue, sepeli eam prope me.*

*Indico etiam tibi, fili mi, commodavisse me decem talenta argenti, dum adhuc infantulus essem, Gabelo in civitate Medorum nomine Rages : & chirographum ejus apud me habeo. Ideo perquire quomodo ad eum pervenias, & recipias ab eo memoratum pondus argenti, suumque ei chirographum restituas.*

*Noli timere, fili mi: pauperem quidem vitam ducimus ; sed multa bona habebimus, si timuerimus Deum, & recesserimus ab omni peccato, & fecerimus bene.*

Tunc Tobias respondit patri suo, & dixit : *Omnia quæcumque præcepisti mihi, faciam, pater. Quomodo autem pecuniam illam recipiam, ignoro : Gabellus ille me nescit, & ego eum ignoro : quod signum dabo ei ? sed neque viam, qua perveniat illuc, cognovi : Cui pater : Chirographum, inquit, illius penes me est, quod cum illi ostenderis, statim pecuniam redditurus est. Sed abi nunc, & inquire tibi aliquem fidelem virum, qui eat tecum salva mercede sua : ut, dum adhuc vivo, dictam summam argenti accipias.*

*Tobiæ filio comitem se præbet Angelus.*

Egressus Tobias invenit juvenem splendidum, stantem præcinctum, & quasi paratum ad proficendum aliquo. Quem ignorans Angelum Dei esse, salutavit, dixitque : *Unde te habemus, bone juvenis ? At ille respondit : Ex Israelitis. Et Tobias dixit ei : Nostri viam quæ dicit in regionem Medo-*

rum? Novi, inquit ille, & omnia itinera ejus frequenter perambulavi, & mansi apud Gabelum frater nostrum, qui commoratur Reges quæ civitas est Medorum. Cui Tobias ait: *Exspecta paululum, obsecro, donec hæc ipsa nunciem patri meo.* Tunc domum ingressus Tobias, indicavit universa patri suo. Quæ ille admiratus, dixit rogandum esse juvenem illum, ut introiret ad se. Ingressus itaque Tobiam salutavit, dixitque ei: *Gaudium tibi sit semper.* Respondit Tobias: *Quale gaudium mibi erit, qui in tenebris sedeo, & lunien cœli non video?* Cui Angelus: *Forti animo esto: brevi enim futurum est, ut te sanet Deus.* Dixit deinde illi Tobias: *Numquid poteris perducere filium meum ad Gabelum in civitatem Medorum Reges? & cum redieris, tuam tibi mercedem solvum.* Et dixit ei Angelus: *Ego ducam & reducam eum ad te.* Cui Tobias respondit: *Rogo te, indica mibi è qua domo, aut è qua Tribus sis tu.* Cujus generis sit qui cum filio tuo iturus est, non refert, inquit Raphael Angelus: *ne forte tamen te sollicitum reddam, ego sum Azarias Ananias magni filius.* Tum Tobias: *Ex magno genere es tu.* Cæterum peto ne irascaris, quod voluerim cognoscere genus tuum. *Ego,* inquit Angelus, *sanum ad te reducam filium tuum.* Respondens autem Tobias ait: *Nobis eunitibus omnia fœsta eveniant precor, sit Deus in itinere vestro, & Angelus ejus vos comitetur.*

Paratis itaque omnibus quæ erant asportanda, vale dixit Tobias parentibus, dederuntque se in viam ambo simul, & canis secutus est eos.

*Flentem Tobiæ matrem consolatur conjux.*

Cum profectus esset Tobias, cœpit mater ejus flere, & marito dicere: *Bacculum senectutis nostræ*

abstulisti , & transmisisti à nobis. Utinam numquam fuisset ipsa pecunia , pro qua misisti eum. Sufficiebat enim nobis paupertas nostra , ut divitias putaremus hoc , quod videbamus filium nostrum. Dixitque ei conjux : *Noli fovere. Salvus perveniet in Medianam filius noster , & salvus revertetur ad nos , & oculi tui iterum ejus conspectu fruentur. Credo enim Angelum Dei bonum comitem illi adesse , & bene disponere omnia quæ circa eum geruntur , ita ut cum gaudio reversurus sit ad nos.* Ad hæc verba cessavit mulier fiere , & tacuit.

### *Tobias liberatus à pisce venit ad Raguelum.*

Interea Tobias & Angelus iter facientes , pervenere ad Tigrim fluvium , in cuius ripa nocte prima manserunt. Cumque adolescens ad abluendos pedes accessisset ; ecce piscis immanis exivit ad devorandum eum. Ad cuius aspectum expavescens , clamavit voce magna : *Domine , invadit me.* Cui Angelus : *Apprehende branchiam ejus , & trabe eum ad te.* Quod cum ille fecisset , attractus piscis in siccum , palpitare cœpit ante pedes ejus. Tunc dixit Angelus : *Exentera hanc piscem ; cor autem ejus , & fel , & jecur sepone tibi : sunt enim hæc necessaria ad quædam medicamenta.* Fecit Tobias quæ jussus erat ab Angelo : deinde assaverunt carnis partem , quam comederent , cætera salierunt , quæ sufficerent eis , donec susceptum iter confecissent.

Ut appropinquaverunt urbi quæ Ecbatana vocabatur , dixit Tobias Angelo : *Ubi vis ut maneamus ? est hic ,* inquit Angelus : *vir nomine Raguel , propinquus tuus , è Tribu tua , & hic habet filiam nomine Saram , nullumque masculum neque feminam ullam habet aliam , præter eam. Tibi debentur omnes facultates ejus , & oportet te accipere eam in conju-*

gem, ut qui solus supersis ex genere ipsius. Petere ergo eam à patre ejus, & dabit tibi uxorem. Audivi inquit Tobias, puellam illam jam septem viris fuisse in matrimonium datam, mortuosque esse eos omnes, à Dæmonio occisos. Timeo ergo ne forte & mihi similis calamitas eveniat; & cum sim unicus parentibus meis filius, deducam senectutem illorum cum tristitia ad sepulchrum. Tunc Angelus Raphael dixit ei: Audi me, & ostendam tibi, quibus possis prævalere Dæmonium. Qui conjugium ita suscipiunt, ut Deum à se & à sua mente excludant, & libidini vaccent, sicut equus & mulus, quibus non est intellectus, habet potestatem in eos Dæmonium. Tu autem virginem accipies in conjugem cum timore Domini, non libidine ductus, sed amore liberorum, per quos promissam à Deo semini Abrubæ benedictionem consequaris.

### Tobiæ Sara uxor datur.

His dictis, ingressi sunt domum Raguelis, qui suscepit eos cum gaudio, intuensque Tobiam, dixit Annæ uxori suæ: Quam similis est juvenis hic consobrino meo? Et ad hospites conversus: Unde estis, juvenes fratres nostri? Ex Tribu Nephtali, inquiunt, sumus, ex captivis Ninivem abductis. Rursum ille: Nostis, inquit, Tobiam fratrem meum? Novimus responderunt. Cumque multa bona Raguel loqueretur de eo; dixit illi Angelus: Tobias, de quo interrogas, pater hujus est. Tum exiliens Raguel, osculatus est eum cum lachrymis, collumque ejus amplexatus, dixit: Benedictio sit tibi, fili mi, quia boni & optimi viri filius es. Et Anna uxor ejus, & Sara ipsorum filia, lachrymatæ sunt. Deinde præcepit Raguel occidi arietem, & parari convivium. Cumque hortaretur advenas, ut discumberent ad prandium: Hic ego bodie non manducabo, inquit To-

bias, neque bibam, nisi prius petitioni meæ annueris, & promiseris te mihi daturum Suram filiam tuam in uxorem. Quo audito expavit Raguel, sciens quid evenisset septem illis viris, quibus antea filia nupserat, & timens ne forte & huic idem malum contingere. Cum ergo dubitaret, neque petenti quicquam responsi daret: dixit ei Angelus: *Noli timerre, ne filium tuam huic sponsam des, quoniam talis viro, timenti Deum, debetur conjux filia tua: proptereaque nemo aliis potuit habere illam.* Tunc dixit Raguel: *Non dubito, quin Deus preces & lacrymas meas respexerit, credoque ab ipso hoc ideo adductas fuisse vos, ut nata mea viro cognationis suæ secundum legem Moysis jungeretur.* Itaque noli dubium habere, quin eam tibi jam nunc sim traditurus. Tum apprehendens dexteram filie suæ, dexteræ Tobiae applicuit, dicens: *Deus Abrahami, & Deus Isaaci, & Deus Jacobi vobiscum sit, & ipse conjungat vos, impleatque benedictionem suam in vobis.* Et accepta charta, fecerunt conscriptionem conjugii, & epulati sunt, benedicentes Deo.

### Tobiae & Saræ preces ad Deum.

Postquam cœnaverunt, & in cubiculum Saræ Tobias est introductus, memor ille præceptorum Angeli: *Exurge, inquit, Sara, & deprecemur Deum his tribus noctibus: filii quippe sanctorum sumus, & non possumus matrimonio conjungi sicut gentes quæ ignorant Deum.* Itaque instanter orarunt ambo simul, ut sanitas sibi concederetur. Dixitque Tobias: *Domine, Deus patrum nostrorum, benedicant tibi cælum, & terra, mareque, & fontes, & flumina, & quæcumque à te creata in eis sunt. Tu fecisti Adamum è limo terræ, deditique ei adjutorium He-*

vam. Et nunc , Domine , tu scis me non luxurie causa accipere sororem meam conjugem , sed solo amore posteritatis , in qua benedicatur nomini tuo per cunctas aetates. Dixitque quoque Sara : Miserere nostri , Domine , miserere nostri , & consenescamus ambo pariter sani.

*De incolumitate novorum conjugum gratias agit  
Deo Raguel.*

Circa gallorum cantum accersiri jussit Raguel servos suos , & abierunt una cum eo ut foderent sepulchrum. Dicebat enim : Fortasse & hic mortem oppetierit simili modo quo & ceteri septem illi priores viri. Cumque parassent fossam , reversus Raguel ad uxorem suam , dixit ei : Mitte unam ex ancillis tuis , & videat an mortuus sit juvenis ille , ut sepiam eum antequam illucescat dies. Misit ille unam ex ancillis suis , quæ ingressa cubiculum , repetit ambos salvos & incolumes , & reversa attulit bonum nuncium. Tum gratias agentes Deo Raguel & Anna dixerunt : Benedicimus tibi , Domine , Deus Israelis , quia non contigit quemadmodum verebamur. Tua enim misericordia erga nos usus es , & exclusisti a nobis inimicum persequentem nos. Misertus es autem duorum unigenitorum. Fac eos , Domine , pleniū tibi benedicere , sacrificiumque tibi laudis debitæ pro sua salute offerre , ut omnibus gentibus innotescat te esse Deum solum in universa terra. Statimque præcepit servis suis Raguel , ut , antequam elucesceret , replerent fossam , quam fecerant. Uxori vero suæ mandavit , ut instrueret convivium , & præpararet omnia quæ ad vescendum erant iter facientibus necessaria. Ipse duas pingues vaccas , & quatuor arietes occidi curavit , epulasque omnibus vicinis suis atque amicis apparari. Tobiam , ut duas

hebdomadas apud se moraretur, obtestatus est: ei  
que omnium, quæ possidebat, bonorum dimidiam  
partem dedit, scripto confirmans, partem alteram,  
quæ supererat, in ejus dominium deventuram post  
suum & uxoris obitum.

*Gabelus ab Angelo adducitur ad nuptias.*

Post hæc Tobias vocato ad se Angelo, quem  
quidem hominem esse existimabat, dixit: *Azaria  
frater, peto ut auscultes verba mea. Si me ipsum  
tradam tibi servum, parem providis curis tuis gra-  
tiam non præstabo. Hoc tamen te preterea obsecro,  
ut assumptis tecum jumentis, vel serviis, hinc va-  
das ad Gabelum in civitatem Medorum quæ dicitur  
Rages, & reddito ei chirographo suo, recipias ab  
eo parentis mei pecuniam, rogesque eum, ut veniat  
ad nuptias meas. Pater enim meus, ut scis numerat  
dies: & si tardavero uno die plus, contristabitur ve-  
lementer. Vidisti autem quomodo obtestatus me sit  
Raguel, ut apud eum manevrem, cujus obtestationes  
apernari non possum. Tunc Raphael assumens qua-  
tuor è servis Raguelis & duos camelos, perrexit Ra-  
ges, & invento Gabelo reddidit chirographum suum,  
recepitque ab eo omnam pecuniam. Indicavit etiam  
ei de Tobiæ filio, quæcumque nuper gesta erant, per-  
suasitque ut secum veniret ad nuptias.*

Ingressus domum Raguelis Gabelus, invenit To-  
biam discubentem. Qui cum à mensa exiliisset,  
osculati sunt se invicem, obortæque sunt Gabelo  
lacrymæ: benedixitque Deo, & dixit Tobiae: *Be-  
nedicat tibi Deus Israelis; quia filius es optimi vi-  
ri, & justi, & timentis Deum, & eleemosynas fa-  
cientis. Effundatur quoque super uxorem tuam, &  
super parentes vestros omne bonum: & videatis fi-  
lios vestros & filios filiorum vestrorum usque in ter-*

*tiam & quartam generationem. Et semini vestro benedicatur à Deo Israelis, qui regnat per cuncta sæcula. Et cum omnes dixissent, Amen, accesserunt ad convivium. Sed & cum timore Domini nuptiarum convivium celebrarunt.*

*Tobias pater & Anna dolent de longa filii absentia.*

Cum moras faceret Tobias causa nuptiarum, sollicitus erat pater ejus, dicens: *Cur ergo moratur filius meus, aut quare detentus est ibi: an Gabelus mortuus est, & nemo reddet illi pecuniam? Cœperuntque ipse & Anna uxor ejus valde contristari, & ambo simul flere, ex quod die statuto minime reverteretur filius eorum ad eos. Flebat igitur mater ejus irremediabilibus lacrymis, atque dicebat: Heu, heu me, fili mi! ut quid te peregrinari permisimus, lumen oculorum nostrorum! baculum senectutis nostræ! solatum vitæ nostræ! spem posteritatis nostræ! omnia simul in te uno habentes, te non debuimus dimittere à nobis. At Tobias: Tace, inquiebat, & noli turbari: sanus est filius noster: satis fidelis est vir ille cum quo eum peregre ahire sinimus. Illa autem nullam admittere poterat consolationem, sed quotidie foras egressa circumspiciebat, & circuibat vias omnes; per quas filium suum redditum esse sperabat, ut procul videret eum, si fieri posset, venientem.*

*Raguel generum & filiam tandem dimittit.*

Interea Raguel genero suo dicebat: *Mane hic, & ego ad patrem salutis tuæ nuncium mittam Cui Tobias respondebat: Dimitte me quamprimum, obsecro; novi enim parentes meos computare nunc dies, & animo supra modum cruciari. Cum autem multis*

verbis rogaret Raguel Tobiam , nec exorare ulla ratione posset ; tradidit tandem ei Saram , & dimidiā partem omnium facultatum suarum , tam servorum , servarumque , quam pecudum , camelorum , & vaccarum , atque etiam pecuniae , quam multam habebat. Et salvum atque gaudentem dimisit eum à se , dicens : *Angelus Domini sanctus sit in itinere vestro , perducatque vos incolumes , & inveniatis omnia circa parentes vestros recte se habentia , & videant oculi mei filios vestros priusquam moriar.* Tum pater & mater filiam suam osculati cum lacrymis abire permiserunt ; monentes eam , ut honoraret soceros , diligenter maritum , regeret familiam , gubernaret domum , & se ipsam irreproben- sam exhiberet.

*Reversus domum Tobias , patri visum restituit.*

Postquam per undecim dies itinere facto perven- tum est ad urbem Charan , sitam in via quæ ducebat Nivivem , placuit Angelo & Tobiæ ut reliqui in iter conficerent soli quantotius , dum eos Sara len- to gradu sequeretur cum omni familia & jumentis.

Interea Anna sedebat secus viam quotidie in supercilio montis , unde prospicere in longinquum posset. Et dum ex eodem loco speculabatur ad- ventum filii , vidi tandem procul & illico ag- novit eum venientem : currensque nunciavit viro suo : *Ecce venit filius tuus.* Dixit autem Raphael Tobiæ : *Ubi domum introieris , statim adora Domi- num Deum tuum & gratias agens ei , accede ad patrem tuum , & osculare eum ; tum lini oculos ejus isto , quod portas tecum , felle piscis : scias enim mox apertum iri oculos patris , visurumque eum lu- men cœli , & aspectu tuo gavisum.* Tunc præcu- currit canis , qui simul fuerat in via , & quasi nun-

cius adveniens , blandimento caudæ suæ gaudebat. Consurgens verò cæcus pater , cœpit offendens pedibus currere , & data manu servo , occurrit obviam filio suo , suscipiensque eum , osculatus est cum uxore sua , & cœperunt ambo uberes lachrymas fundere præ gaudio. Cumque Deum adorassent , & gratias egissent , conserderunt , deinde felle piscis linivit Tobias oculos patris sui. Et post dimidiam ferme horam cœpit albugo ex oculis ejus , quasi membra na ovi , egredi : quam cum filius apprehensam ab oculis patris traxisset , visum ille recepit statim. Et collaudabant Deum , ipse videlicet & uxor ejus , & omnes qui cognoscebant eum , dicebatque Tobias: *Benedico tibi , Domine , Deus Israelis , quia tu castigasti me , & tu sanasti me : & ecce ego video Tobiam filium meum.*

Venit etiam post septem dies Sara uxor filii ejus , & omnis familia sana , & pecora , & cameli , & pecunia multa , præter eam quæ recepta erat è manibus Gabeli. Lætus narravit parentibus suis Tobias omnia Dei beneficia sibi præstata opera illius quem itineris ducem habuerat , quemque hominem esse putabat. Veneruntque Achio , & Nabath consobrini Tobiæ , gratulatum ei de omnibus bonis quæ contulerat in eum Deus. Et per septem dies epulantes , omnes cum gaudio magno gavisi sunt.

*Angelus oratus ut mercedem accipiat , aperit quis sit.*

His transactis , vocavit ad se Tobias pater filium , dixitque ei : *Quid possumus dare viro isti sancto , qui se tibi comitem dedit ?* Tum filius : *Pater , quam mercedem dabimus ei ? aut quid par esse poterit ejus in me beneficiis ?* Duxit ne sanum , & reduxit : pecuniam à Gabelo ipse recepit : uxorem ut haberem fecit , & Daemonium ab ea compescuit : gaudium pa-

rentibus ejus tulit : ne ipse à pisce devorarer cavit : ut tu cœli lumine frui rursus posses providit : denique omnibus bonis per eum repleti sumus. Quid ergo illi poterimus rependere dignum his ? Sed peto à te , pater mi , roges eum , ut dignetur dimidiam eorum partem , quæ à nobis allata sunt , sibi assumere. Igitur uterque accersitum & seorsum abductum Angelum rogare cœpit , ut acceptum habere non de-dignaretur dimidium eorum quæ è Media retulerant. At ille dixit eis occulte : Benedicite Deo cœli , & coram omnibus viventibus collaudate eum , quia suam in vos misericordiam ostendit. Arcana quidem regum silentio tegere bonum est ; sed opera Dei revealare , & palam confiteri ac prædicare , perbonificum. Bona est oratio cum jejunio , & eleemosynam erogare satius est , quam thesauros auri recondere : quoniam eleemosyna à morte liberat , & ipsa est quæ purgat peccata , conciliat nobis Dei misericordiam , & vitam æternam parit. Qui autem peccant , hostes sunt animæ suæ. Manifestabo ergo vobis veritatem , neque vos quæ occulta sunt celabo. Quando orabas cum lachrymis , & sepeliebas mortuos , & derelicto prandio tuo occisos abscondebas per diem in ædibus tuis , & nocte sepeliebas eos , ego obtuli preces tuas Domino. Et quia acceptus eras Deo , necesse fuit ut tentatio probaret te. Et tum misit me Dominus ut cœcitati tuæ mederer , & Saram uxorem filii tui à Dæmonio liberarem. Ego enim sum Raphael Angelus , unus ex septem qui astamus ante Dominum.

*Cœlum repetit Angelus Raphael.*

Cum hæc uterque Tobias audisset , turbati sunt , & trementes in terram proni ceciderunt. Dixitque eis Angelus : Pax vobis : nolite timere. Etenim cum vobiscum versarer , Dei voluntate versabar. Quar-

*propter gratias ei agite, & nomen ejus laudibus extollite. Videbar quidem hominum more manducare & bibere: sed ego cibo & potu, qui humanis oculis certi non possunt, utor. Tempus autem est nunc, ut ad eum revertar à quo misus sum. Vos benedicte Deo, & narrate omnia mirabilia ejus. Cum hæc dixisset, ab aspectu eorum ablatus est, nec ultra comparuit. Tunc prostrati per horas tres in faciem, debitas Deo gratias & laudes rependerunt: & deinde è terra exurgentibus, opera Dei magna & admiranda celebraverunt.*

*Tobias pater Deo gratias agit, & futura prædicit.*

Aperiens autem Tobias senior os suum benedixit Domino, dixitque: *Magnus es, Domine, in æternum, & in omnia sæcula regnum tuum: quoniam tu flagellas & salvas, deducis ad inferos & reducis, & non est qui effugiat manum tuam. Laudate Dominum in conspectu gentium, filii Israelis: quoniam ideo dispersit nos inter gentes quæ ignorant eum, ut enarratis mirabilia ejus, easque doceatis nullum esse alium Deum omnipotentem præter eum. Ipse castigavit nos propter iniurias nostras, & ipse salvos faciet nos propter misericordiam suam. Convertimini itaque qui peccatis, & opera justa facite coram Deo, sperantes fore ut vobis veniam concedat. Addidit & alia Tobias propheticō spiritu afflatus de fine captivitatis Israelitarum, de futura gloria urbis Hierosolymæ, atque etiam de Christianæ Ecclesiæ splendore.*

*Mors utriusque Tobiae.*

Cæterum quinquaginta & sex annos attigerat Tobias cum lumen oculorum amisit, sexagenarius ve-

ro recepit. Et postquam à cæcitate liberatus est, vixit annis quadraginta duobus per quos in gaudio fuit, multum proficiens in timore Domini, & vidit filios nepotum suorum. Sub horam autem mortis suæ vocato ad se Tobia filio, & septem juvenibus filiis ejus nepotibus suis, cum quædam vaticinatus esset de instauratione urbis Hierosolymæ, dixi: *Audite, filii mei, patrem vestrum. Servite Dominum in veritate, & inquirite ut faciatis quæ placita sunt illi. Filiis quoque vestris mandate ut faciant apera juxta & eleemosynas: sint memores Dei, & benedicant ei omni tempore ex toto corde & ex totis viribus suis. Nolite, filii, manere hic, sed quacumque die sepelieritis matrem vestram juxta me in uno sepulchro, statim dirigite gressus vestros ut exeat hinc. Prope est enim interitus Ninives, & iniquitas bujus urbis finem dabit ei.*

His dictis, mortuus est in pace, cum complessset annos centum & duos: & à suis honorifice sepultus est in urbe Ninive.

Post obitum patris & matris, abscessit Tobias ex urbe Ninive cum uxore sua, & filiis, & filiorum filiis, & reversus est ad soceros suos: Invenit eos in ætate admodum provecta incolumes. Curram eorum gessit, & ipse clausit oculos eorum, & omnem hæreditatem domus Raguelis solus percepit. Vedit filios filiorum suorum in quintam usque generationem, atque ab iis, post completos annos nonaginta novem, in timore Domini, cum gaudio sepultus est. Omnis autem cognatio & progenies ipsius in bona via sanctisque moribus & studiis sic permanxit, ut accepti essent tam Deo quam hominibus.

## PARS SECUNDA.

*Oniæ summi Pontificis pietas, & Simonis perfidia.*

**T**leges patrias ac divinas religiose servari curabat Onias summus Pontifex : & ejus pietas sic eminebat , ut vicinis etiam gentibus admirationem moveret. Hinc ipsi Principes & Reges , qui Deos falsos colebant , templum Hierosolymæ summo honore dignum ducebant , & amplis donis decorabant. Memoratur in primis Seleuci cognomine Philopatoris munificentia , qui suppeditabat omnes sumptus ad sacrificia pertinentes. Sed placidam , qua sancta civitatis fruebatur , pacem turbavit Simonis eisdem atrox perfidia , parumque abfuit quin suam divino cultui majestatem detraheret.

Dum hic templo custodiendo præpositus iniquum aliquid molitus esset , & invictam animi vim Oniæ conatibus suis obstantis esset expertus ; confugit ad consuetas malis hominibus artes , vindictam & calumniam. Itaque earum pecuniarum , quas ab eo diligent cura servari opertebat , proditor factus , adiit Appollonium Cœlesyriæ , & Phœnicie eo tempore præfectum à Selenco , dixitque : *Immensa auræ & argenti copia refertum esse Jerosolymis acrium. Pecunias autem illas non ad sacrificia , sed ad communes belli & pacis usus esse destinatas : & eas omnes in potestatem regis venire facile posse , minime propterea imminuta , quam Judæorum Deo Rex ipse præstabat , reverentia.*

*Heliodorus ad diripiendos templi thesauros mittitur.*

Hæc ubi ab Apollonio delata ad se audivit Seleucus, vera ne, an falsa essent, non quærens, sed pecuniarum illarum cupiditate incensus, accitum Heliodorum ærarii sui custodem misit cum mandatis ad eas auferendas. Ille iter statim aggressus est, simulans quidem sibi in animo esse cunctas Cœlestiæ & Phœniciae urbes obire ac perlustrare, revera autem jussa regis de thesauris templi auferendis executurus. Benigne exceptus Jerosolymis à summo Sacerdote, narravit de dato indicio pecuniarum, & cuius rei gratia venisset, aperuit. Tum ille Heliodoro respondit: *Partem unam pecuniarum illarum destinatam esse ad sublevandam viduarum & pupillorum egestatem: alteram esse viri cuiusdam inter cives eminentis, Hircani Tobiae. Cœterum vix quadraginta talenta argenti & ducenta auri recondi in iis thesauris, quos impius delator Simon verbis tantopere exaggerasset.* Deinde addidit: *Plane indignum esse, eos falli spe sua, qui existimaverant res suas in arce tutissima collocatum iri, si eas credidissent templo per universum orbem sanctitate sua ac majestate celebrato.* Instavit contra Heliodorus: *regis mandatis sine ulla cunctatione parendum esse, & illam auri argenteique vim in æarium regis totam esse deferendam: seque propterea certa, quam indixit, die templum ingressurum.*

*Luctus urbis viso auditoque Heliodoro.*

Qua re audita, ingens erat in civitate trepidatio, & idem ferme tumultus idemque pavor, qui obsessarum aut captarum esse urbium solet. In communi omnium luctu aliorum ploratus & miserabiles

voces exaudiabantur, alios silentium triste & ingens mœstitia quasi attonitos tenebat. Nulla ætas, nullus sexus, doloris expers erat. Mulieres ciliciis pectus accintæ plateas implebant & vicos pervagabantur. Virgines antehac domi conclusæ, aliæ ad Oniam, aliæ ad templi muros concurrebant, universæ protendentes manus in cœlum. Sacerdotes ante altare cum stolis sacris prostrati, jacente circum innumerabili civium turba, qui è suis ædibus gregatim confluxerant, publica supplicatione obsecrabant omnipotentem Deum: *Ut qui de depositis olim legem tulerat, iis pecunias suas integras conservaret, qui illas in loco sancto deposuerant: neque sineret domum suam sacrilego latrocinio spoliari.* Eminebat in Oniaë Pontificis vultu atque habitu acerbissimus, quo mens ejus conflictabatur, dolor. Exangues oculi, labra trementia, pallor genis incubans, horror totius corporis, certa mœroris pectori infixi indicia erant, & civium faciem ejus insipientium oculos ac mentes misere afficiebant ac commovebant.

### *Heliodorus flagellis cœditur.*

Dum commistam omnis generis civium multitudinem & summum Sacerdotem tristis angit expectatio futuri, adest furens Heliodorus; quod decretaverat peragere aggreditur, & multis stipatus satellitibus ærarium templi facile sibi videtur perfractus. At ecce Deus omnipotens manifesto miroque prodigio se loci præsidem ac custodem declarat. Qui Heliodoro comites & sceleris adjutores adsistere ausi erant, immissa divinitus formidine subito correpti, solutis viribus ac membris corrunt. Equus magnificis adornatus phaleris, & sessorem habens tum aspectu terribilem, tum armis aureis decorum, magno

impetu irruit in Heliodorum , & prioribus ungulis impetum proculcat. Nec satis: duo juvenes robore eximio , decora facie , amictu splendenti jacentem circumstant , cœdunt certatim flagellis , & multa verbera ingerunt. Homo crebris contusus plagiis , & offusa oculis caligine jam non compos mentis , in sella gestatoria positus est , atque è templo ejectus , nemine ex tot stipatoribus & satellitibus , quos secum adduxerat , auxilium ei ferre valente , adversus tam aperte cognitam Dei potentiam. Jacebat ergo ille mutus , atque ab omni salutis spe destitutus: dum templum , quod paulo ante metu & trepidatione plenum fuerat , personabat laetis cantibus gratias & laudes referentium Deo , qui in tempore præsentem se exhibuisset.

*Orante Deum Onia sanatur Helodorus.*

Rogatus deinde à quibusdam Heliodori amicis Onias , ut extremam animam agenti vitam à Domino donari suis precibus impetraret , obtulit pro hominis valetudine hostiam salutarem: & cum Deum exorasset , iidem juvenes , quibus divina ira ministris usa erat , iisdem quibus prius vestibus amicti , Heliodoro astantes : *Plurimas* , inquiunt , *agito Oniæ Sacerdoti gratias* : nam propter eum Dominus tibi vitam donavit. Tu vero à Deo flagellatus amplissimam ejus potentiam omnibus prædicta. Quibus dictis è conspectu abiere , nec comparuere amplius. Heliodorus hostia oblata , votisque magnis nuncupatis Deo , qui sibi adhuc vivere concessisset , Oniæ gratias egit , & cum suis reversus est ad Seleucum , infecta re cuius causa venerat. Referebat autem omnibus quæ suis ipse oculis vidisset opera magni Dei , & quæ passus esset. Cumque eum interrogasset Rex: *Ecquem censeret aptum qui denuo Jerosolymam mitt-*

teretur? si quem, respondit ille, hostem habes aut insidiatorem, eum illuc mitte, & flagellis egregie cæsum recipies, si tamen evadere contigerit: eo quod vere sit Dei quædam virtus in loco illo, cuius idem, qui in cælo habitationem habet, præsenti suo nomine defensor est, & eos, qui ad violandum illum accesserit, percutit ac disperdit.

*Exercituum in aere congressus conspiciuntur.*

Quo tempore Antiochus, cognomento Epiphanes (Illustris) Siriæ Rex, post Seleuci fratris excessum è vita, secundam in Ægyptum profactionem parabat, contigit ut Jerosolymis in universa civitate viderentur diebus quadraginta discurrentes per aera equites aureas vestes induti, & hastis, quasi cohortes, armati: equorum per ordines digestorum concursus: galeatorum hominum districtis gladiis congressus: crebri scutorum motus, jactusque telorum, micantia auro arma, & omne loricarum genus. Tam inaudito tristique spectaculo territi cives, Dominum rogarunt ut in bonum monstra converterentur. Sed calamitatis, quæ urbem brevi oppresura esset, prænuncia & certa signa erant.

*Antiochi Epiphanis crudelitas atque impietas.*

Antiochus nullam ob causam idoneam suspicatus Judæos suam societatem deserturos, efferato adversus eos animo reversus est ex Ægypto; & in urbe Hierosolyma, quam armorum vi cepit, nulla mali facies defuit. Per omnes enim ordines aëtalesque militis crudelitas ac licentia, Rege non permittente solum, sed etiam imperante, vagabatur. Cæsi ergo passim occursantes in viis, aut effractis ædium portis trucidati, pueri pariter ac juvenes senesque,

cum mulieribus & virginibus : adeo ut octoginta hominum millibus intra tres dies interfectis , quadraginta etiam millia vincta sint , & totidem venundata.

Non crudelitate tantum , sed etiam impietate, grassatus est Epiphanes. Sanctissimum totius orbis templum intrare ausus , ductore Menelao legum simul & patriæ proditore scelestis manibus corripiens contrectabat indigne & contaminabat vasa sancta, quæ à diversis regibus ac civitatibus ad ornatum & majestatem loci fuerant consecrata. Quin imo comminebat alia , alia secum asportanda seponebat. Quod quia impune faciebat Rex impius , animo supra modum elatus ac superbiens , nihil sibi jam nefas esse putabat , terramque navibus perviam , & pelagus pedibus calcabile effecturum se sibi persuaserat , demens , qui non intelligeret propter peccata incolentium urbem iratum esse Dominum , eoque locum sanctum despectui habitum fuisse , ac violatum. Nisi enim illi multa peccassent , gravissimas sacrilegæ audaciæ pœnas daturus fuerat Antiochus tam male habitus , & iisdem exceptus flagellis , atque Heliodorus. Verum non propter locum , gentem , sed propter gentem , locum Deus elegerat,

*Antiochi Epiphanis Praefecti Judæos omnibus malis vexant.*

Ablatis è templo mille & octingentis talentis , & vasorum cæterarumque rerum sacrarum pretiosissimis , Antiochiam in urbem regiam reversus est Antiochus Epiphanes. Sed ut etiam absens atrocissimum se Judæis hostem exhiberet , abiens reliquit Jerosolymis , aut deinde in eam urbem missit plures Praefectos moribus se ipso crudeliores deterioresque. Itaque nullum mali genus excogitari & fin-

gi animo potest , quod non perpessa sit misera gens. In urbe tot cladibus exhausta , nova subinde & promiscua virorum ac mulierum cædes siebat ; nec locus ullus profanus aut sacer fusi sanguinis innoxii expers erat. Nemo Sabbata & solemnes dies patrios servare , nec omnino Judæum se profiteri audebat. Si quas mulieres natos suos circumcidisse delatum esset , eæ , infantibus ab überibus aut cervice suspensis , cum publice per civitatem fuissent circumductæ , è muris præcipitabantur. Natali Regis die adigebatur populus cogente dura necessitate , ad impia sacrificia : & cum Libero sacra fierent , cogebatur hedera coronatus incedere. Qui inventi essent libri Legis Dei , discerpebantur statim , aut comburebantur.

Polluebatur templum luxuria & commissationibus scortorum ac meretricum in sacratas ædes inferentium quæ non licebat : & quo veri Dei cultoribus nihil luctuosius , abominandæ Jovis Olympii imagini super altare Domini impositæ thura incendebantur. In omnibus quoque civitatibus Judæaræ passim erectæ. Itaque dies festi Hierosolymæ conversi sunt in luctum: Sabbata in contemptum , & honores in nihilum abidere: priori gloriæ successit par ignominia : & quantum in sublime evecta fuerat , tantum depressa est.

Cum tot malorum conspectum ferre non possent cives , alii alio , quantum licuit , dilapsi sunt: sique urbs indigenis peregrina facta est , & alienigenis relicta habitanda. Quidam , quia secundum Regis mandata proposita erat mortis poena profanos gentium ritus non accipientibus , illis sacrificiis aut cibis sese contaminarunt , neque patrum solum mutaverunt. Quidam contra inter sævissimos cruciatus animam exhalare maluerunt , quam sanctam Dei legem ulla in re infringere.

*Egregia Eleazari senis mors.*

Ad mortem pie fortiterque subeundam , magnum juvenibus pariter & senibus incitamentum fuit invicta Eleazari in patriis institutis servandis constantia. Erat hic unus è primoribus scribarum , vir ætate provectus , & vultu decorus : qui cum vi multa aperto ore compelleretur edere porcinam carnem ; certus non admittere illicita propter vitæ amorem , & gloria morte defundi festinans , ultro ibat ad supplicium. Aderant nonnulli antiqua cum sene amicitia conjuncti Judæi , qui tum iniqua in eum miseratione commoti , seductum seorsum rogant : *Ut degustatis carnis , quas allaturi esent , & quibus ei vesci licebat , imperatas à Rege carnes comedì à se simularet , hoc pacto à crudelissima , quæ imminebat , morte liberandus.* At ille damnata amicorum sæva humanitate , & reputans , quid à se ingenita animi nobilitas , quid vitæ usque ad canitiem productæ integritas , quid conditarum à Deo legum sanctitas postularent , respondit cito : *Se tali simulationi mortem anteferre.* Non enim , inquit , ætate nostra dignum est fingere , & propter modicum vitæ tempus , maculam atque execrationem nomini nostro contrahere. Absit , ut simulata illa , quam mibi suadetis , interdictorum ciborum degustatione adolescentes decipientur , arbitrantes Eleazarum nonaginta annos natum ad alienigenarum mores ac ritus transfugisse. Ista quidem ratione iis , quæ instant , hominum suppliciis eripiar , sed omnipotentis Dei manus nec vivus nec mortuus effugiam. Si vero prompto animo ac fortiter pro venerandis & sanctissimis legibus nostris occubuero , honestum dignumque senectute mea vitæ exitum videbor sortitus , & adolescentibus non inutile exemplum relinquam.

Eorum , qui paulo ante mitiores visi fuerant , conversa in iram miseratio est , propter Eleazari verba , quæ ab eo per arrogantiam & contumaciam prolata interpretabantur. Et confestim ad supplicium abstractas est. Cum autem repetitis ictibus contusus , & multiplici plaga saucius , ultimum spiritum esset emissurus , ingemiscens dixit : *Tibi , Domine , qui babes sanctam scientiam , plane notum est , me cum à morte liberari potuisse , duros nunc dolores eorpore sustinere : at eundem mente libenter hæc perpeti propter timorem tuum.* Et ille quidem hoc modo vita decessit , universæ genti memoriam mortis sue ad exemplum virtutis & fortitudinis rellinguens.

### *Septem fratrum & matris eorum cruciatus.*

Recentibus senis vestigiis insistentes septem fratres , qui vulgo Machabæi appellantur , eandem in servandis patriis legibus animi constantiam ostenderunt. Et iis sunt excruciatæ suppliciis , quibus ferendis minime par esse eorum ætas videbatur.

Cum illos una cum matre comprehensos , & flagris ac taureis immaniter cæsos nulla vis cogere potuisset ad vescendum contra fas suilla carne dixissetque eorum natu maximus : *Se fratresque suos paratos esse mori magis , quam patrias divinasque leges perfringere :* Rex furore percitus sartagines & ollas aeneas igne multo succendi jussit. Tum ei , qui prior fuerat locutus , amputari linguam , & cute capitis abstracta , summas quoque manus ac pedes præcidi , denique omnibus membris foede multatum & adhuc spirantem torri in sartagine. In qua cum diu cruciaretur , cæteri ejus fratres , qui cum matre tristissimo spectaculo aderant , se invicem ad mortem fortiter tolerandam hortabantur.

Mortuo illo primo, similia tormenta eodem animo pertulit secundus, & extremum agens spiritum, Regi dixit: *Tu quidem, scelestissime, præsentem nobis vitam eripis: sed Rex mundi mortuos nos præ suis legibus ad æternam vitam denuo suscitabit.*

Post hunc tertius tortus est, & linguam postulatus, cito protulit, manusque pariter protendens, dixit: *E cœlo accepta hæc possideo, sed propter Dei leges nunc hæc ipsa abjicio; quoniam ab ipso me ea recepturum spero. Ita ut Rex, & qui cum ipso aderant, mirarentur adolescentis animum, qui pro nihilo duceret cruciatus.*

Hoc quoque extincto, quartus, qui iisdem est dilaceratus suppliciis, morti proximus dixit: *Nabis letbo ab hominibus tradi optabile est, cum firma spe exspectantibus nos divinitus aliquando suscitatum iri. Tibi vero ad vitam resurrectio non erit.*

Cum quintus inter carnificum manus constitutus torqueretur, ad Regem respiciens: *Magna, inquit, potestate abuteris quam inter mortales mortalis ipse adeptus est: & quod lubet, impotenter facis adversus Iudeos, quos à Deo omnino derelictos existimas. At tu divinæ potentia magnitudinem cum tuo tuorumque damno brevi ipse experturus es.*

Similiter & sextus verberibus cæterisque tormentis pene enectus, infirmam vocem attollens: *No li errare, inquit, ô Rex, aut, quod tibi tantum in nos licuerit, superbire: Nos enim propter nosmetipsos hæc patimur, ut qui in Deum nostrum peccaverimus: Tu autem ne existimes tibi impune futurum, quod contra Deum pugnare tentaveris.*

Inter hæc supra modum mirabilis, & sempiterna apud bonos omnes memoria digna, juvenum illorum mater, pereuntes uno die omnes filios conspicere sustinebat, propter spem in Domino collatam, & non intuens quam vitam finirent, sed

quam inchoarent, singulos hortabatur, maternæ charitati masculum animum addens, docebatque: *Totius mundi Creatorem, qui eorum membra in materno utero ipse compegerat, iisque sicut olim primo homini, spiritum vitamque dederat, cuncta illis benignè redditurum, quod & corpus & vitum vilia haberent propter ipsius leges.*

E septem fratribus unus supererat natu minimus, quem Antiochus, qui metuebat ne probro sibi futurum esset, si & regia potentia & tormentis adversus ætatem infirmam nihil omnino profecisset, non solum verbis hortari cœpit ut imperata faceret, sed etiam adhibito jurejurando affirmavit, fore ut eum divitem beatumque redderet, & haberet pro amico, si à patriis legibus descisceret. Quibus cum nihil moveretur adolescens supra ætatem fortis, & pie contumax; accersitam matrem multis verbis compellavit Rex, ut filio, qui orbitatis solium futurus esset, salutem afferret, utilia suadendo. Id se præstituram illa promisit; & crudelem tyrannum irridens, filium vero blanda oratione adhortans: *Miserere, inquit, fili, matris tuæ, quæ te per novem menses utero gestavit, nato lac suum per triennium præbuit, & omni cura enutritum usque ad adolescentiam perduxit. Ne me hunc acerbissimum dolorem oculis haurire sinas, ut te carnifices formidantem, & à fraterna fortitudine degenerem videam: æmulare eam potius, parem ac illi & mater mercedem consecuturus à Domino: unum cœli & terræ Creatorem respice ac time: bominum vero prominna ac minas aspernare.*

Adolescenti satis jam per se incitato novos ad mortem alacriter ferendam stimulos admovit materna adhortatio. Itaque: *Non Regis, inquit, sed legis quæ nobis per Moysem data est, præcepto obediō. Tum conversa oratione ad Antiochum: sceles-*

tum & omnium hominum flagitosissimum vocans, qui malorum cujusque modi in Hebreos inventor, servis Dei violentas manus inferret: eum vana impunitatis spe decipi, dixit: Non enim Dei omnipotentis & cuncta aspicientis iudicium atque iram vitaturum, sed & debitas superbiæ ac crudelitatis pœnas datum, & inter duros cruciatus tandem confessurum, illum esse solum Deum. Ego vero, inquit, fratres que mei brevem dolorem propter peccata perpessi, æterna vita promisso divinæ legis cultoribus præmio donabimur: & cœlestis ira, quæ in universam gentem Judæam juste effusa est, meo fratribus meorum sanguine quam primum placabitur.

Se derisum esse acerbe ferens Rex, & pudore pariter atque ira confusus, quod ab inermi adolescentulo multorum populorum victor devictus esset; in hunc crudelius quam in cæteros desævit, & in Dominō ad ultimum usque vitæ terminum confidentem morte sævissima fratribus comitem adjunxit.

Fortissimorum Athletarum funeri superstes restabat generosi spiritus plena mater: quæ cum certaminis non spectatrix tantum, sed etiam adhortatrix fuisset, tormenta, quæ singuli filii toto corpore pertulerant, ipsa oculis ac mente perpessa erat, & in septem martyribus septies fuerat facta martyr. Tandem quos ad Deum præmisserat, subsequi festinavit: & viam filiorum sanguine conspersam ingressa, viriles animos in morte oppetenda gessit, insigni viris ac mulieribus documento: *Pro asserenda sacræ religionis veritate, fuso etiam, si necesse sit, sanguine, aliquando esse decertandum.*

Cæterum sacer scriptor, enumeratis calamitatibus quibus Judæa vexata est, obsecrat eos qui librum suum lecturi sunt: *Ne propter adversos gentis casus animum despondeant: sed reputent illos ad castigationem ejus dumtaxat, non vero ad interitum ac-*

*cidiisse. Etenim magnum Dei beneficium est , inquit, cum eos qui peccant , non multo tempore ex arbitrio agere sinit , sed statim eis pœnas irrogat. Itaque Dominus , qui patienter fert alias nationes sceleras sceleribus addere , tum graviter puniendas cum iudicii dies advenierit , in Iudeos , gentem suam , jam nunc salutaribus pœnis pro suo misericordia animadvertis.*

*Mathathiae & filiorum ejus pietas ac fortitudo.*

Quo tempore urbs Hierosolyma omni clade vastabatur , secessit in oppidum Modin Mathathias Sacerdos cum filiis quinque , Joanne , Simone , Juda , Eleazaro , & Jonatha. Cum ibi reputassent quæ hominum cujusque ætatis cædes in sancta civitate facta esset , quæ vasorum sacrorum direptio , quæ Tempoli antehac intacti sacrilega violatio ; eos ingens dolor , & ex eo vitæ tedium cepit : exclamantesque : *Quo ergo nobis adhuc vivere ! sciderunt vestimenta sua , operuerunt se ciliciis , & luxerunt valde.*

Venere tunc qui à Rege Antiocho missi erant ut cogerent eos qui confugerant in urbem Modin , hostias diis gentium mactare & thura incendere. Quorum minis cum multi Israelitæ fracti , à lege Dei turpiter discessissent , Mathathias & filii ejus non facile moveri posse visi sunt. Itaque regii ministri Mathathiam tum blandis verbis , tum magnis promissis aggrediendum rati , eum & Principem & clarissimum totius civitatis virum vocantes , hortabantur , ut regiu jussu , quibus & Hierosolyma , & Juda , & omnes gentes paruisserent , ipse quoque exequeretur , amplissimis propterea muneribus , multo auro argentoque donandus , sicut & filii , à Rege , & inter ejus amicos numerandus. At ille sublata voce respondit : *Si omnes gentes Regi Antiocho obedient ; si cunctus*

*Israel, neglectis patriis legibus, regiis edictis parreat; ego tamen, & filii mei, & fratres mei à patrum religione non recedemus, neque dicto audientes Regi erimus, ut peregrinos ritus & sacrificia sectemur, quæ Dei nostri mandatis adversentur.*

Vix hæc magno animo eloqui desierat, cum accessit quidam Judæus in omnium oculis sacrum diis gentium facturus super aram secundum Regis jussa. Hunc conspicatus Mathathias, sic indignatione communotus est, sic pio furore exarsit, pro eo quo ardebat divinæ legis studio, ut in hominem insiliens trucidaverit eum ad aram; & viro, qui à Rege missus ejusmodi sacrificia imperabat, eodem tempore interfecto, aram ipsam deturbaverit, fidus imitator antiqui Phineæ. Deinde cum media in urbe alta voce exclamasset: *Ut quicumque tuendarum legum patriorum studio teneretur, secum exiret; contugit ipse & filii ejus in montes, quæcumque habebant in oppido relictis.* Illuc eum secuti sunt multi avitæ religionis studiosi, ibique, propter ingruentia undique mala, cum liberis, uxoribus, & pecoribus habitarunt. Quod ubi renunciatum est, regius exercitus nonnullos eorum, qui occulta deserti penetraverant, deprehensos pugna lacesivit. Quibus cum aut lapidem in hostem mittere, aut latebras suas obstruere religio foret propter diem Sabbati; ad unum omnes nihil repugnantes cæsi sunt, sicque mille homines inulti perire. Hac clade audita, Mathathias & amici ejus tam tristem suorum casum magno luctu deflevere, & non modo non nefas esse, sed etiam plium, arbitrati, ipso die Sabbati arma tractare divinæ legis gratia, constituerunt, quicunque hominum eos festo & sacro die adoriretur, cum eo dimicare.

Confluentibus in dies majore numero ad Mathathiam qui patriorum institutorum tenaces erant, & certa remanentibus in urbe Hierosolyma mala effu-

gere properabant, speciem justi exercitus effecit. Quibus omnibus cum animo destinatum esset vitam profundere in asserenda divinæ legis majestate, & profanis ritibus profligandis; multos, qui peregrinas religiones & cæremonias aut invexerant aut exercebant, letho dederunt, multos alios alio diffugere coegerunt. Erectas passim in agris & civitatibus aras subverterunt. Quoscumque in finibus Israeliticis pueros invenere incircumcisos, circumciderunt: pristinum Dei omnipotentis cultum pro virili parte restituerunt: contusa hostium suorum superbia, non passi sunt Antiochum ulterius crescere.

### *Mors Mathathiae.*

His egregiis editis operibus, Mathathias extremum vitae diem sibi instare sentiens, convocatos ad se filios hortatus est: *Ut tam miseris temporibus majorum suorum pie fortiterque gesta æmulati, viriliter agerent, & animas pro patriis legibus in discrimen offerre non dubitarent, clarum æternumque sibi nomen hac ratione facturi.* Abrahami, Josephi, Davidis, Danielis, nonnullorumque aliorum exempla recensuit, qui vario quiske modo à Deo probati, & fideles inventi, è maximis periculis liberati ab illo fuissent, & mercedem consecuti: quia omnes qui sperarent in eum, viribus non deficerent, nec succumberent adversis. Ostendit, *quam parum metuendus esse hostis qui tunc tanta superbia sese effervet: omnem enim illam, qua tumidus incederet, gloriam ac potentiam, sterlus esse & vermem: bodie extolli hominem impium, & cras non inveniri; atque ut in terram, è quo sumptum est, revertitur corpus ejus, sic omnes etiam cogitationes cum illo perire.* Denique suasit: *Ut quibus quisque artibus juvare rem communem posset, iis uteretur, cæteris fratrum con-*

cedentibus, Simonem fratrem, eximia prudentia vi-  
sum, parentis loco haberent, ejus consiliis obtem-  
perantes: Judam autem Machabæum propter forti-  
tudinem exercitui præficerent. Quotquot usquam jus-  
tos & divinæ legi addictos viros invenissent, socios  
sibi fortissimi consilii ascisserent; impios vero inter-  
necino bello persequerentur, & vindictam in gentes  
exercerent. Tum fausta precatus illis, moriens con-  
cessit ad majores suos.

### *Judeæ Machabæi laus.*

In Mathatiæ extinti locum successit Judas cog-  
nomine Machabæus: & adjuvantibus eum fratribus  
suis, iisque omnibus qui se patri comites prius de-  
derant, & prælia Israelis læti obibant, lorica velut  
gigas indutus & armis bellicis accinctus, protexit  
gladio suo castra Israelitarum, & amplificavit glo-  
riam gentis suæ. Operibus suis similis leonis factus  
est, & leonis catulo ad prædæ conspectum in vena-  
tione rugienti. Persecutus est iniquos, perscrutans  
eos, & qui conturbabant populum suum, eos succen-  
dit flammis. Solo nominis ejus terrore repulsit fuga-  
tique hostes sunt, & dextera ejus salutem attulit Is-  
raeli. Multos reges fortia facta ejus exacerbaverunt,  
& lætitia perfuderunt domum Jacobi, ejusque me-  
moria in æternum celebrabitur.

Secesserat primum Judas in desertum cum novem  
sociis, ibique inter feras vitam in montibus egerat,  
herbis victitans, ne profano Deorum cultu & vetito  
carnium illis immolatarum cibo sese coinquinaret.  
Deinde in omnium, quæ supra relata sunt, operum  
Mathathiæ partem venerat. Demum mortuo eo om-  
nia optimi ducis munia egregie implevit.

*Apollonium & Seronem vincit Judas armis & fiducia in Deum.*

Judas , collecto ex cognatis ; amicis , & aliis qui in Judaismo permanerant , sex millium hominum exercitu , bellum à patre susceptum persequi non ante aggressus est , quam fusis precibus omnes Deum obsecrarent : *Ut Israeliticum populum à gentibus conculcatum respiceret ; ut Templi ab impiis hominibus contaminati & civitatis deformatæ , ac jam jam solo æquandæ misereretur : ut factarum nomini sancto suo contumeliarum recordaretur : ut denique vocem sanguinis innocentium puerorum ac mulierum clamantis ad se audiret , & ipse tot malorum ultior esset.* Tum vero ira Domini in misericordiam conversa est : & Judas improvisus superveniens castellis & civitatibus , alias succedit , alias præsidiis firmavit , & non paucas hostium strages edidit. Quibus prosperis initiis moram facere cum tentassent Antiochi præfecti , Apollonius primum , deinde Seron princeps exercitus Syriæ , coacta magna militum manu , acie cum Juda conflixerunt. Sed victus uterque est. Et ille detractis Apollonio , quem sua ipse manu occiderat , spoliis , per reliquum vitæ tempus gladio ejus publico bellicæ fortitudinis monumento , in præliis est usus.

Palam jactaverat Seron se magnum sibi nomen ex debellato hoste collecturum. Et Judam ei obviam euntem sciscitati erant sui , qui & pauci erant & jejuni : *Quomodo adversus exercitum Seronis adeo numero præstantem , & rerum omnium copia instrutum valerent pugna decertare ?* At ille , cuius spes omnis in cœlesti auxilio posita erat , tum eis respondit : *Multos in manus paucorum tradere , & paucos è multorum manibus liberare , & que facie est omnipotenti Deo : quoniam non in militum numero si-*

*ta est belli victoria, sed è cælo venit fortitudo. Ipsæ accedunt ad nos cum multitudine contumaci ac superba, ut nos cum uxoribus & liberis nostris disperdant ac spolient: nos vero pugnabimus pro vita & legibus nostris, & ipse Dominus conteret eos ante faciem nostram. Ne ergo timueritis eos. Spem pie conceptam felix eventus exceptit.*

*Antiochus Judæam gentem delere statuit.*

Hujus duplicis victoriæ fama vicinas regiones pervagata, terrorem ejus nominis circumtulit, & cunctæ gentes recentia illa prælia mirantes memorabant. Ut autem Antiocho compertum est duces suos cum exercitu quemque suo fuisse devictos, ira succensus, & acceptam cladem atque ignominiam quam celeriter ulcisci festinans, misit qui ex omnibus regni sui partibus copias contraherent: aperto ærario, dedit militibus stipendia in annum, mandavitque illis ut essent parati ad omnia. Cum vero pecuniam deficeret, exhaustis thesauris suis, videret, & tributa è Judæa modica colligi, propter eam cladem qua ipse regionem illam affecerat, veritus est ne in belli sumptus annui redditus non sufficerent. Quamobrem animo valde anxius, in Persidem proficisci consilium cepit, ut, acceptis earum regionum tributis, magnam pecuniæ vim conficeret. Itaque copias partitus est cum Lysia regii sanguinis viro, quem jussit missò adversus Judæos exercitu invisæ gentis reliquias conterere atque extirpare, nomen eorum ac memoriā delere, & coloniis alienigenarum in fines illos deductis sorte terram distribuere: Ipse assumpta altera copiarum parte, & Antiochia, quæ urbs regia erat, profectus, Euphratem ponte juncto transmisit, ac regiones superiores perambulavit.

*Deo in auxilium vocato vincuntur à Iuda Nicanor  
& Gorgias.*

Lysias, ut mandatum ei à Rege fuerat, ad Judæam devastandam misit viros potentes ex amicis Regis, eosdemque rerum bellicarum peritissimos, Nicanorem & Gorgiam, cum quadraginta millibus peditum, & septem millibus equitum. Qui cum prope Emmaum non longe ab urbe Hierosolyma in campestri loco castra posuissent, seque ad urbis excidium & gentis intercessionem missos prædicarent; intellexit Judas, fratresque, ac socii ejus, majora quam ante pericula & mala impendere. Neque tamen fracta eorum spes aut animus est. Sed se se invicem alium aliis, præter paucos, adhortati sunt ad acriter depugnandum pro patria & sacris suis. Et quia conatus omnes suos irritos futuros persuasum habebant, nisi illis propitius & favens adesset Deus, convenit omnis exercitus in locum dictum Maspha contra Hierosolymam, ad deprecandum Dominum, & petendam ab eo veniam; ibique jejunaverunt illa die, induiti ciliciis, capite pulvere consperso, discisisque vestimentis. Expanderunt quoque libros legis ante oculos Domini, & Sacerdotum ornamenta, & alia nonnulla, quorum conspectu moveri ejus misericordia posse videbatur. Tum alta voce clamantes, orarunt: *Ut, qui sciret quæ adversus populum suum congregatæ gentes fecissent, & pararent, ipse eos præsentí auxilio adjuvaret, fatentes se non posse humanis viribus effugere earum manus.* Si qui nuper domos ædificaverant, duxerant uxores, plantaverant vineas, aut erant formidolosi, eos domum suam Judas redire iussit, ex præcepto legis divinæ: cæteros rogavit: *Ne timerent inique venientium adversum se hostium multitudinem, sed forti animo decertarent, ponentes sibi*

*ob oculos nefariam, quæ loco sancto ab iis impie esset illuta, contumeliam, itemque ludibrio habitæ civitatis injuriam, & præterea patrum instituta convulsa. Hi quidem, inquit, armis confidunt simul, & audacia: nos autem in omnipotente Domino, qui potest & venientes adversum nos, & universum mundum uno nutu delere, confidimus. Admonuit deinde illos de auxilio, quod identidem Deus eorum patribus tulerat, maxime de occisis una nocte centum octoginta quinque millibus hominum ex exercitu superbi Sennacheribi, & de centum viginti millibus Galatarum peremptis à sex millibus Judæorum. Denique illos ad mortem, si ita Deo visum esset, æquo animo oppetendam excitans: Accinginimi, inquit, & fortes præstate vos, paratiq[ue] estote ad pugnam cras mane eo animo ineundam, ut ad ultimum usque, si opus sit, spiritum depugnetis. Nos in prælio occumbere satius est, quam & gentis nostræ & sacrorum ludibria diutius perpeti. Cæterum, quæ Dei in cœlo voluntas est, hæc in terris fiat.*

His verbis ira in hostem incensos, & animo ad moriendum pro patria & legibus confirmatos ut vidit, constituit duces, tribunos, centuriones, pentecostarchos, decuriones. Tres quoque è fratribus suis uni quemque ordini mille & quingentorum millium præfecit. Tum lecto sancto libro, & data pugnæ tessera, adjutorium Dei, ipse in prima acie prælijum commisit. Facto Judæis, ut spem illis Judas dederat, adjutore omnipotente Deo, exercitus Nicancoris partem aliam ceciderunt, aliam vulneribus debilem, & in fugam compulsam eo usque sunt persecuti, donec tempore exclusi (quippe pridie Sabbathi pugna comissa est) se receperunt, lectis tamen prius hostium armis & spoliis. Celebrato die Sabbathi, & peractis Deo gratiis, qui misericordiæ initium quasi stillasset in eos, factaque ei ab omnibus

obsecratione , ut se servis suis omnino placatum exhiberet , partem spoliorum infirmis , pueris utroque parente orbis , & viduis diviserunt , residua ipsi habuere.

Cum Nicanor exercitum adversus Judam è Syria educeret , tam exploratam victoriae spem habebat , ut in animum induxisset se collecturum ex pretio Judæorum , quos in pugna captos esset vendundaturus , duo millia talentorum , quæ ab Antiocho Romanis pendi necesse erat . Itaque ad maritimas civitates misserat , qui emptores Judæorum captivorum convocarent , nonagena mancipia se talento distracturum promittens , neque respiciens ad vindictam quæ eum ab Omnipotente esset consecutura . Emendorum tam vili pretio mancipiorum spe adducti mille mercatores , in castra Syriorum advolaverant , aurum argentumque , vincula etiam & catenas afferentes . Verum ipsi aut , post ablatas sibi à Judæis victoribus pecunias , suis vinculis constricti , & suis catenis onerati , captivi abducti sunt , aut inter pugnam cæssi . Facinorosissimus autem Nicanor , ab iis , quos nihili fecerat , juvante Deo victus & afflictus , imperatoria veste , ne fugientem proderet , deposita , solus , servi fugitivi more , Antiochiam contendit amissso exercitu , & re infelicissime gesta . Et qui modo Judæis cædem & vincula minatus erat , prædicabat jam : *Eos Deum patronum & propugnatorem habere , & eos invictos esse eo quod sequerentur leges ab ipso constitutas.*

*Victi quoque à Juda Thimoteus , Bacchides , Lysias.*

Qua fortitudine & fortuna Nicanorem & Gor-  
giam vicerant Judæi , eadem quoque alios Anthiochî  
exercituum duces vicerunt Timotheum & Bacchidem:  
& viginti millibus militum eorum quibus illi prærant

interfectis , multas præterea præaltas arces , & mu-  
nita oppida expugnarunt.

Quidam ex iis qui recentibus præliis interfuerant , cum ad Lysiam evasissent , omnia ei , ut ges-  
ta erant , retulerunt. Quibus ille auditis , ingenti  
dolore percusus atque animo consternatus est. Vi-  
debat enim & quæ ipse optaverat , & quæ Rex dis-  
cedens mandaverat , omnia effectu caruisse. Sumpto  
deinde ad reparandas vires spatio , sexaginta electo-  
rum peditum millia & quinque equitum contraxit ad  
debellandos Judæos. Tum statuit ipse decernere , quæ  
per duces antea missos acta erant , cuncta damnans ,  
& ratus pluribus curam & fortitudinem , omnibus  
abfuisse fortunam. Venit itaque in Judæam , & castra  
posuit prope Bethorom. Occurrit ei statim Judas ,  
collectis ad pugnandum decem millibus hominum ; &  
quanto cum exercitu res sibi futura esset , cernens :  
*Deus exercituum , inquit , servator Israelis , qui  
manu servi tui Davidis ferociam & robur gigantis  
contudisti , & castra alienigenarum Jonathæ & armi-  
gero ejus tradidisti , istum quoque hostium nostrorum  
exercitum in manus populi tui Israelis trade. Non  
ad iudgmento , sed damno ac pudori illis sit tanta copia-  
rum multitudo. Immite in eos formidinem , eorum  
vires atque audaciam confringe , & dejice eos gladio  
diligentium te , ut collaudent te hymnis omnes qui  
noverunt nomen tuum.*

His dictis , prælium commissum est. Et Deo pos-  
tulatam opem annuente , Judas quinque hominum  
millia de exercitu Lysiæ occidit , reliquis tantum  
terroris incussit , ut in fugam versi sint. Postquam  
fusam suorum aciem vidit Lysias , & Judæis certum  
deliberatumque esse secundum patria instituta vive-  
re , aut fortiter occumbere , Antiochiam reversus est ,  
ea quidem mente , ut intensiore cura novorum mi-

litem delectum haberet, & majoribus instructus vi-  
ribus gravior deinde ingrueret.

*Lustratur templum, & muris cingitur mons Sion.*

Interea Judas, pii ac religiosi Pontificis munia-  
tam sedulo implens, quam strenui militis & boni  
Imperatoris impleverat, Hierosolymam tres jam  
annos à gentibus divexatam ingressus est cum suis,  
domum sanctam mundaturus ac renovaturus. Tris-  
tis sacrarji deserti facies, exustæ portæ, profana-  
tum altare, virgulta in atriis quasi in saltu enata,  
vestium, & vasorum squalor, tantum omnibus do-  
lorem moverunt, ut obortis lacrymis, miserabilem  
planctum ediderint, & diu humi fusi jacuerint,  
pulvere capitibus aspersis, ac scisis vestimentis,  
rogantes Dominum: *Ne amplius in talia mala inci-  
derent, sed, si quando peccassent, ab ipso mitius  
corriperentur, neque barbaris atque impiis homini-  
bus traderentur.* Deinde designatis qui adversus hos-  
tium præsidium, quod arcem insederat, pugnarent,  
donec lustratum fuisset templum, & dirutis aris ac  
delubris quæ alienigenæ in plateis exstruxerant, res-  
tituendo Dei cultui cura impensa est. Tum delecti  
Sacerdotes morum innocentia & divinæ legis studio  
conspicui, quorum consilio atque opera alia munda-  
ta tantum sunt, alia vero diruta aut sublata, & in  
eorum locum nova ædificata aut illata. Quæ cum  
religiose cuncta curata fuissent, magna totius po-  
puli frequentia, ac lætitia, clangentibus tubis & cu-  
jusque modi fidibus perstrepentibus, inter omnium  
gratulationes & vota, altaris recens erecti dedicatio  
facta est, atque oblata Domino holocausta mensis  
noni die quinto & vigésimo: quo quidem die ante  
triennium altare holocaustorum fuerat impie conta-

minatum. Hujus porro solemnitatis memoria ut apud posteros æterna permaneret, statutum sancitumque est anniversariam fore, & per octo dies cum lætitia & gaudio celebrandam.

Lustrato templo, rebusque sacris feliciter insauratis, providendum fuit ut id bonum Judæis perpetuum foret. Itaque ne quando venirent gentes, & eadem qua antea impietate grassarentur in loca sancta, mons Sion altis muris firmisque turribus circumseptus est. Bethsuram quoque quinque tantum stadiorum intervallo à Jerosolymis distantem, munierunt, ut adversus Idumæam arcis instar esse posset.

*Judam pugnantem missi è cælo equites tuentur.*

Ut audierunt vicinæ gentes altare & sacrarium Domini esse in integrum restituta, vehementer indignatæ, cum de excidendo Judæorum genere, quod in iis regionibus dispersum habitabat, consilium iniisent, alios alia ratione, partim aperta vi, partim insidiis, perimebant. Quam gentis suæ cladem ne inultam sinerent Judas & Simon frater ejus, partitis inter se copiis; hic in Gallilæam, ille in Gallaaditim & Idumæam, diversi abidere. Tum multis urbibus expugnatis, factisque præliis secundis, quæ singula recensere longum esset, uterque in urbem Hierosolymam victor rediit. Magnamque Judæorum multitudinem hostium furori ereptam postquam incolumiem reduxisset, ascenderunt omnes lætitia exultantes in monte Sion, & obtulerunt holocausta, gratias agentes Deo.

Porro quam præsens adesset Deus pugnanti Machabeo, maxime intellectum est in altera pugna, quæ circa hæc tempora adversus Thimotheum antea jam victum contigit. Nam cum Machabeani milites

deprecati Dominum essent, terra capiti injecta, lumbos ciliciis præcincti, & ad altaris crepidinem provoluti, ut sibi propitius, inimicis vero suis inimicus esset; sumptis post precationem armis, ab urbe processere longius, &, ubi proprius hostem ventum est, restitere. Primo solis ortu utriusque prælium inire: illi quidem victoriæ sponsorem cum virtute Dominum; isti vero unum belli ducem animum, habentes. Cum vehemens pugna esset, apparuerunt hostibus è cœlo insignes quinque viri equis auro frænatis incidentes, ex quibus duo Machabæum medium habentes, armis suis circum septum incolumem servabant, in hostes autem tela & fulmina jaciebant. Ex quo illi obœcæcati oculis, & perculis mentibus, ad viginti quinque millia interfecti sunt.

*Antiochus à Deo percussus moritur.*

Dum hæc in Judæa geruntur, Antiochus, quem in Persidem profectum supra memoravimus, audivit civitatem Elymaidem, quæ Persepolis quoque dicta est, omni divitiarum genere abundare, & templum esse in ea opulentissimum, ubi velamina aurea, & loricas, & scuta Alexander magnus reliquerat. Illam urbem capere ac deprædati aggressus est, nullam esse viam expeditiorem ratus ad magnam pecuniæ vim comparandam, quæ suscepti itineris causa fuerat. Sed civibus, quibus regis consilium innotuerat, ad arma currentibus, vi repulsus, & in fugam versus, Babylonem contendit. Quod prius quam perverniret, ad eum, quem turpis fuga afferebat, pudorem, ac moerorem, gravis nuncius accessit: *Exercitus suos repetitis cladi bus à Juda fuisse profigatos: accisus itaque vires suas esse, auctas vero hostium, qui & castra omni opulentia referta diripiuis- sent, & erectam ipsius jussu Jovis Olympii aram*

*subvertissent, Templum quoque & Bethsuram excel-  
sis muris sepsissent.*

Tristitia atque ira amens rex, currum suum celerius agi jussit, cœlesti eum judicio perurgente: & vindictam ac eadem spirans adversus Judæos, se per venturum Ierosolymam, atque eam urbem sepulchrum commune Judæorum facturum minabatur. Sed, qui universa conspicit atque audit, Deus, eum vivum finito superbo sermone percussit plaga insanabili, ita ut eum statim acerbissimi viscerum dolores ac tormenta corripuerint. Et quidem admodum justæ, quoniam ipse multis & novis cruciatibus aliorum torserat viscera. Cum tamen nihil propterea è solita ferocia remitteret, & ad disperdendam Judæorum gentem aurigam juberet iter accelare, è curru, qui præcipiti impetu ferebatur, effusus gravi casu concidit, & sæuos, quibus discruciatatur, dolores novus collisorum totius corporis membrorum dolor gravavit. Tum vero qui paulo ante supra humanæ potentiae modum superbia elatus, sibi videbatur maris fluctibus imperaturus, montes altissimos in staterra appensurus, & vertice sidera contacturus, is jam in humum dejectus, neque currus, quo modo sublimis ferebatur, agitationem perpeti valens, in humili gestorio portabatur; atque omnibus conspiciendum præbebat in semetipso potentiam Dei tantam, ut totum impii corpus scateret vermis, carnesque inter dolores & cruciatus effluerent, & vivi cadaveris teterimum fætorem nec gestatores, nec exercitus, nec ipse quidem denique ferre posset.

Ibi demum cœpit, excussa, quæ hactenus mentem veluti gravis sopor oppresserat, superbia, ad agnitionem sui venire, divina admonitus plaga, & doloribus per singula momenta incrementum capientibus: hæcque illi expressa confessio est: *Justum est mortalem subditum esse Deo, neque ei se parem cre-*

dere. Convocatos ad se amicos jubens intueri, & quanta felicitate excidisset, & in quam calamitatem, in quos tristitiae fluctus demersus esset, se nunc reminisci malorum quæ in Judæos perpetrasset, & debitas pro iis pœnas luere, non dissimulabat. Orabat quoque scelestus ille Dominum, à quo non erat misericordiam consecuturus. Civitatem sanctam, quam solo æquare, & in communem congestorum cadaverum tumulum convertere statuerat per se liberam futurum pollicebatur. Se æquales jam Atheniensibus facturum Judæos, quos ne sepultura quidem dignos habitos, avibus ac feris deripiendos fuerat traditus: Templum sanctorum, quod prius expoliaverat, optimis donis ornaturum, sacra vasa multiplicatum, necessarios ad sacrificia sumptus præbiturum: quin etiam se deinceps Judæum futurum, & omnes terræ fines obeuntem, Dei potestatem prædicaturum. Sed supervenerat in eum justum Dei judicium, & nulla à sævissimis doloribus quies dabatur.

Itaque de salute desperans, hanc, dissimulato mortis periculo, epistolam in modum deprecationis scripsit ad Judæos: Optimis civibus Judæis plurimam salutem dicit, eosque benevolere, & esse felices, jubet rex & princeps Antiochus. Si bene valetis; & filii vestri, & ex sententia vobis cuncta succedunt, maximas Deo gratias agimus. Et si magna spe teneror ex morbo convalescendi, communi tamen utilitati, maxime vero Judaorum, in quo bene animatus sum, consulens, regni mibi successorem designavi filium Antiochum, quem confido modeste atque humane vobiscum acturum; ita vos oro, & peto, ut meores beneficiorum à me publice & privatim acceptorum, mibi & filio fidem servetis. Missa hac epistola, homicida & impius Rex æquo Dei judicio percussus, miserabili obitu vitam amisit.

*Lysia iterum victo pax componitur.*

Exstincto Antiocho Epiphane, & regnante in ejus locum filio Eupatore, (Eupator, cui bonus pater contigit) novis lacessitus præliis Judas ex omnibus victor evasit, Deo, ad cujus opem semper confugiebat, eum aut clam aut aperte adjuvante.

Lysias, cui traditam ab Epiphane rerum gerendarum potestatem confirmaverat Eupator, statim à suscepto regno, acceptam nuper, cum adversus Judam male pugnasset, ignominiam eluere festinavit. Itaque in Judæam irruit cum octoginta peditum milibus & universo regis equitatu, qui ad augendum terrorem ac cædem elephantos octoginta addiderat. His viribus ferox confidebat se captam Hierosolymam gentibus habitandam relicturum, & templum vectigale, Sacerdotium quoque singulis annis venale facturum: neque, quanta esset Dei potentia, mente effrænatus cogitabat. Admotis ergo copiis, Bethsuram non longe ab Hierosolyma sitam oppugnare est adorsus. Quod ubi Machabeinis compertum est, ipsi simul & plebs omnis cum lamentis & lacrymis Dominum rogarunt, ut bonum Angelum mitteret ad salutem Israelis. At Judas primus sumptis armis cæteros adhortatus est, ut secum una periculum subirent, & fratribus suis latam opem vellent. Cum ergo cuncti pariter alacri animo procederent, Jerosolymis egressos præcedere visus est eques amictu candido, armis aureis, hastam vibrans. Tunc omnes simul misericordi Domino, qui è coelo adjutorem misisset, gratias ac laudes rependerunt, & sic animis firmati sunt, ut non homines solum, sed belluas quoque ferocissimas & muros ferreos penetrare parati essent. Leonum igitur more irruentes in hostem, undecim millia peditum, equites mille ac sex-

centos prostraverunt , reliqui in fugam versi ; sauci plerique & armis exuti , vix evaserunt. Ipse Lysias turpi fuga salutem querere coactus est. Ut vero non erat consilii expers , quid ipse detrimenti passus esset secum reputans , & invictos esse Judæos omnipotentis Dei auxilio subnixos intelligens , oratores ad eos de pace in quascumque justas leges confienda missit , seque iis regiis amicitiam conciliaturum pollicitus est. Oblatam pacem accepit Judas , in medio victoriarum cursu , non suæ gloriæ , sed communī utilitati consulens : & annuente rege , Judæos patriis legibus vivere , ut prius , permissum est. Sicque illi ad relictam agrorum cōlendorum curam redierunt.

*Hostibus iterum cæsis , urbes expugnat Judas.*

Non diu fida pax mansit , nec quiete concessa frui licuit , arma moventibus , & vi aperta aut fraude Judæos aggredientibus vicinorum locorum præfectis regiis. Hos singulos magno militum numero fidentes Judas cum parva manu , invocato pro more justo judice Deo , devicit , incruenta semper victoria , cum ipse magnas eorum cædes edidisset.

In urbibus quoque expugnandis tam fortis & felix fuit , quam in exercitibus profligandis. Urbem munitissimam pontibus ac muris circumseptam , cui nomen Casphin , promiscuae omnis generis gentes habitabant : quæ cum loco natura atque arte munito confiderent , & larga commeatum copia abundarent , remissius agebant , & Machabæum urbi adsidentem maledictis lacescentes , impias contumelias dictuque nefaria jactabant. Verum ille , vocato in auxilium summo totius mundi Principe , qui sine arietibus ullisque aliis machinis temporibus Josuæ subvertit muros Jerichuntis , fortiter irruit in mœnia ,

nia, & urbe divina ope capta, tantam hominum cædem fecit, ut adjacens stagnum, duobus stadiis latum, intersectorum sanguine plenum fluere videatur. Oppida alia duo, Carnion & Ephron, nulla humana vi expugnari posse videbantur, tum quia omnia circa aspera & abrupta erant, tum propter ingentem telorum tormentorumque apparatus, & fortissimorum pro meritis consistentium militum multitudinem. Utrumque tamen à Judæis duce Machabeo expugnatum; cum prius, ut solebant, opem ejus implorassent, cuius potentia omnes sibi adversantium vires confringit. Ibique quinquaginta millia hominum cæsa,

*Pro mortuorum peccatis sacrificium offertur.*

In tam prospero rerum successu semel contigit, ut, conserta cum Gorgia Idumææ preposito pugna pauci Judæorum caderent. Quorum corpora cum tolli jussisset Judas, patris sepulchris inferenda, sub intersectorum tunicis reperta quedam sunt è Jamnien-sium Deorum templis ablata donaria, Judæis divina lege interdicta. Unde manifestum omnibus factum est, eos eam ob causam cecidisse. Omnes itaque laudaverunt justum judicium Dei, qui palam fecerat quæ occulta essent, atque ad preces conversi rogarerunt: *Ut quod commissum erat delictum, oblivioni ab eo traderetur.* Judas autem populum hortatus est: *Ut se à peccato integrum conservaret, quippe qui ante oculos haberet quæ fratribus peccantibus pena irrogata esset.* Tum stipe viritim colecta, duodecim millia drachmarum argenti misit Jerosolymam, ut sacrificium pro peccatis mortuorum offerretur. Bene admodum & religiose de resurrectione cogitans: (nisi enim eos, qui ceciderant, resurrecturos sperasset, supervacaneum fuisse & vanum orare pro mor-

tuis; intelligens iis, qui cum pietate obiisset, optimam esse repositam mercedem. Sanctum ergo & salubre institutum est pro defunctis orare, ut à peccatis solvantur.

*In Antiochi Eupatoris & Lisiæ castra nocte  
irrumpit Judas.*

Præsidium ab Antiocho Epiphane in arce urbis Hierosolymæ relictum, crebris excursibus infestos Israelitis faciebat ad templum aditus, & multa alia hostilia agebat. Quod ubi audivit Judas, rediit quamprimum potuit ad liberandam patriam; & populo omni ad obsidendos eos, qui arcem obtinebant, exerto: balistæ & aliæ cujusvis generis machinæ expugnandis locis munitis idoneæ, comparatæ instructæque sunt. At quidam ex Israelitis impii & perfidi, adjungentes se nonnullis ex arce elapsis præsidariis militibus, regem Eupatorem adiere. Dixerunt maximum periculum esse ut Judas arcem vi caperet, & majora deinde susciperet, nisi mature subveniretur. Quibus delatis regem, paterni in Iudeos odii hæredem, tanta ira inflammaverunt, ut ipse cum Lysia ad opprimendum Judam accelerare statuerit: & propterea non modo universas regni sui vires congregari, sed etiam è regnis aliis & insulis conductitios milites evocari jusserit. Sicque exercitus effectus est centum millium peditum & viginti millium equitum, cum elephantis ad prælia edictis duobus & triginta, & falcatis curribus trecentis.

Quibus cognitis, Judas præcepit populo ut die ac nocte Dominum invocarent, atque orarent: *Ne gentem suum quæ nuper paululum respirasset, sineret rursus impiis hominibus illudendam permitti, sed potius eodem, quo antea, auxilio adjuvaret.* Quod

cum omnes simul fecissent, & per triduum homi prostrati petiisent à Domino misericordiam cum fletu & jejunis, Judas, habito cum senioribus consilio, statuit decertare cum hōste quam p̄imum. Itaque rei exitum totius mundi Conditoris iudicio ac potestati committens, & exhortus suos: *ut pro legibus, templo, patria, urbe, civibus, fortiter dicarent*, pugnæ tesseram dedit *victoriam Dei*. Tum in eam castrorum partem ubi erat tabernaculum regis noctu irruit cum lectis juvenis fortissimis, quatuor hominum millia occidit, & castris terrore ac tumultu repletis, recessit cum suis, re prospere gesta, quia præsto illi fuit auxilium Dei.

*Iterum victus Eupator cum suis elephantis.*

Ne hæc victoria noctis furto potius erepta, quam virtute animi parta videretur, ipse rex paulo post media luce victus fuit.

Cum Judas castra non longe à castris regis locasset, rex copias omnes vix orto sole eduxit; & explicata ad prælum acie, tubas canere jussit. Speciem exercitus magni valde & fortis terribiliorem faciebant ingenti vastorum corporum mole elephantes, qui vini & succi mororum conspectu de industria irritati, horrendo stridore aures fatigabant. Singulas belluas stipabant milleni pedites, ferreas loricas & galeas æreas gestantes, & equites, lecti quingeni. Hi opportune ubicumque bellua esset, ibi aderant; & quocumque isset, ibant; nec ab ea discedebant. Ligneæ quoque turres validæ impositæ singulas tegebant belluas. Super turres vero machinæ quædam erant, & viri triginta duo, qui pugnabant desuper, cum suo cujusque belluæ magistro Indo. Quod residuum erat equitatus, hinc & inde ad utrumque incidentis agminis latus locatum fuerat.

Alia exercitus pars per juga montium, alia per campos & valles caute atque ordinate incedebat. Solis radiis in clypeos aureos & æneos vibratis, refulgebant montes, & lampadum accensarum speciem referebant. Dissonæ tantæ multitudinis voces, incessus agminis, armorum collisio, omnes regionis incolas terrore percellebant. At nihil commiti Judas exercitus ejus in aciem descenderunt, & consertis manibus sexcenti milites ex exercitu regis cæsi sunt.

*Eleazar elephantis occisi pondere opprimitur.*

Insignis apud posteros hujus pugnæ memoria fuit fortitudine ac morte Eleazaris, quem multi Iudeæ fratrem fuisse autumant. Viderat ille belluam unam multum supra cæteras eminentem; & quoniam regiis esset loricis circumducta, regem ipsum ea vehi fuerat suspicatus. Itaque gentis suæ à regis furore servandæ, & æterni sibi nominis comparandi, cupiditate incensus, cursu concitato audacter contendit ad belluam per medium aciem & tela undique volantia: tum multis à dextra & sinistra cæsis, contempta morte ferocior, sub monstri ventrem subiit, repetitis ictibus confossum occidit, ejusque super ipsum collapsi pondere oppressus occubuit, ac suo est sepultus triumpho.

Res deinde vario eventu, saepius malo ab Eu patore & Lysia in Iudea gesta est: & pace cum Machabœ facta, quibus hic voluit conditionibus, Antiochiam reversi, non multo post à Demetrio paternum regnum recuperante imperfecti sunt.

*Demetrius Alcimum ad summum Sacerdotium promovere frustra tentat.*

Alcimus quidam vir pessimus, quem licet nuper

profanis gentium ritibus sponte coinquatum cæca  
cupido summi apud Judæos Sacerdotii exagitabat,  
nullum sibi ad altare Domini relictum esse accessum  
videns , imo de salute quoque sua desperans , quam-  
diu Judas rebus præcesset ; Demetrium Rēgem adiit  
cum Judæis quibusdam inquis atque impiis. Tum  
multa adversus Judam conquestus , quem seditiones  
movere , bella nutrire , patriam impotenti dominatu  
premere ementiebatur , regem oravit : *Ut pro sua  
omnibus cognita humanitate , miseræ genti opem fer-  
ret , sibiique per summam injuriam ereptum Sacerdo-  
tium juberet restituī.* Et quo efficaciores preces  
essent , coronam auream & alia munera ei obtulit.  
Verbis mendacibus & largis donis Alcimi captus  
Rex , Bacchidem Mesopotamiæ præfectum , virum  
sibi amicū & fidum , cum exercitu in Judæam mi-  
sit , jussum curare , ut Alcimus concesso ab Eupa-  
tore Pontificatu frueretur. Uterque dolis primum  
circumvenire , deinde vi , atque armis male mulcta-  
re Judæorum gentem aggressus est. At eorum spem  
non minore solertia quam fortitudine irritam fecit,  
eosque vicit Machabæus. Misit itaque deinde Deme-  
trius virum inter principes nobilissimum , & qui  
inimicitias contra Israelem exercebat , Nicanorem ,  
datis mandatis ut ipsum Judam vivum caperet , & ,  
ubi socios ejus dissipasset , Alcimum templi summum  
Sacerdotem constitueret.

*Impius Nicanor templo minatur , & Dei potentiam  
contemnit.*

Auditio Nicanoris adventu Judæi ad solitum præ-  
sidium confugerunt , & cinere conspersi Deum pre-  
cati sunt , *uti qui olim populum sibi unum præ cœ-  
teris elegisset , eum in æternum custodiret , seque ei ,  
ut saepe alias , signis evidenter adjutorem probaret.*

Nicanor, qui compererat quæ esset comitum Judæ fortitudo in certaminibus pro patria obeundis, à bello animo alieno esse, & amice cum Juda agere primum est visus. At deinde eum corripiendi, ut Demetrio vincum traderet, opportunum tempus captavit. Qua re cognita, Judas noluit amplius hominis fidei, quæ nulla erat, credere, sed & ab ejus insidiis cavit, seque ad decernendum ferro paravit. Nec multo post quinque millia militum Nicanoris ad pugnam lacescentis occidit. Venit tamen in montem Sion atque in templum Nicanor; & Iudibrio habitis Sacerdotibus, qui ei honorifice salutato ostenderant sacrificia quæ offerrentur pro regis salute, Judam sibi ab iis tradi jussit. Quibus interposito jurando negantibus se scire ubinam esset qui quærebatur, extenta in templum manu, juravit: *Se, nisi Judas vinctus traderetur, illam Dei ædem in planum deducturum, altare effossurum, & templum hoc ipso in loco Libero patri consecraturum.* Hisque dictis abiit. Tum Sacerdotes protendentes manus in cœlum, invocarunt eum qui sempèr propugnator esset gentis ipsorum, dicentes: *Tu rerum omnium Domine, qui nullius indiges, hoc nobis indulisti ut tibi tempium, in quo habuares, inter nos constitueretur.* Nunc itaque omni sanctitate, sancte Domine, conserva in æternum impollutam domum banc quæ nuper mundata est, & os injustum omne obstrue. Statue exemplum in hominem istum & exercitum ejus, ut gladio cadant, & impias minas ne sinas inultas abire.

Cum comperisset Nicanor Judam cum suis in vicina Samariæ loca secessisse, consilium cepit eos prælio lacesendi die Sabbati. Judæos vero, qui illum vi coacti sequebantur, orantes: *Ne ita feroeiter & barbare faceret, sed diem Sacrum coleret, & honoraret eum qui universa conspiceret, interrogavit infelix ille & sceleratus: Essetne in cælo po-*

*tens quispiam, qui Sabbatorum diem sanctum haberi præcepisset?* Hisque affirinantibus; *Esse Dominum vivum in cœlo potentem, qui diem septimam feriatam esse jussisset: Ego vero, inquit ille impius, alter in terra potens sum, qui arma sumi jubeo, & regis negotia peragi.* Neque tamen id assecutus est, ut infestum consilium perficeret.

*Judas suos roborat fiducia in Deum, narrato somnio de Onia & Jeremia.*

Et Nicanor quidem per summam superbiam animo elatus, commune trophæum de Juda & sociis ejus statuere decreverat. Machabæus vero semper sperabat confidebatque opem sibi à Deo futuram: hortabatur suos, quorum tunc numerus ad tria millia tantum pervenerat, ne formidarent adventum gentium: sed acceptorum è cœlo in aliis certaminibus auxiliorum recordati, nunc quoque sibi ab Omnipotente concessum iri victoriam sperarent. Allocutus quoque est eos de lege & Prophetis: & secundorum, quæ prius fecissent præliorum admonitos, alacriores promptioresq; ad pugnam effecit. Sic non tam clypeis & hastis quam optimis sermonibus & adhortationibus armatos instructosque magna præterea lætitia perfudit, dignum fide somnium illis referens: *Nempe visum sibi in somnis Oniam, qui fuerat summus Sacerdos, virum bonum & benignum, verecundum vultu, modestum moribus, eloquio suavem, & à puero in virtutibus exercitum, manibus protensis orare pro populo Judæo. Apparuisse deinde & alium virum ætate venerandum, & ea, quæ illum circumfulgebat, majestate & splendore mirabilem.* Interrogatum vero Oniam quisnam hic esset, dixisse: *Hic est fratrum amator & populi Israelis: hic est qui multum orat pro populo & universa sancta civita-*

*te, Jeremias Propheta Dei. Tum Jeremiam exten-*  
*disse dexteram; sibique gladium aureum dedisse; at-*  
*que inter postigendam ræc locutum: Accipe sanctum*  
*gladium, munus a Deo, quo dejicies adversarios po-*  
*poli mei Israeis.*

His atque aliis, qui ad erigendos animos & con-  
 firmandam virtutem plurimum valerent, sermonibus  
 incitati Machabæni, statuerunt ea fortitudine dimi-  
 care, ut uno conflictu debellari hostis posset; eo  
 magis quod civitas sancta & templum Dei pericli-  
 tarentur. Erat enim uxorum & liberorum, itemque  
 fratrum ac cognatorum periculi minor apud eos ra-  
 tio ac cura: maximus vero ac primus pro sacrosanc-  
 to templo metus. Eos porro qui in urbe remanserant  
 non minima sollicitudo habebat pro his qui erant  
 prælio congressuri.

*Victus & occisus Nicanor impietatis pœnas dat.*

Cum pugnæ discimen immineret, atque adesset  
 hostium exercitus ordinatus, elephantique & equites  
 loco opportuno positi, conspexit Machabæus ins-  
 tructam ad pugnandum hominum multitudinem, va-  
 rium apparatus armorum, & ferocitatem belluarum.  
 Tum extensis in cœlum manibus insignia miracula &  
 prodigia facientem Dominum invocavit, qui non se-  
 cundum armorum vim & potentiam, sed, prout ipsi placet,  
 dat dignis victoriam, dixitque: *Tu Domine, qui Ezechia regnante in Iuda, missisti*  
*Angelum tuum, & interfecisti e castris Sennaché-  
 ribi centum octoginta quinque hominum millia, nunc*  
*quoque, cœli Dominator, mitte Angelum tuum bo-  
 num ante nos, ut qui in templum tuum sanctum verba*  
*impiæ profuderunt, & ad delendum populum tuum*  
*buc advolarunt, immisso divinitus terrore corripian-  
 tur, & brachii tui potentia conterantur.* Et hic qui-

dem ita peroravit. Nicanor autem & qui cum ipso erant, inter tubarum sonitum, & læta cantica pugnam iniere. Contra Judas ac milites ejus invocato Deo congressi sunt: & manu quidem pugnantes, sed Dominum corde orantes, prostraverunt non minus quam trigintaquinq̄e hominum millia, Dei præsentis auxilium experti, eoque mirifice delectati. Qui hostium è prælio diffugerunt, à Judæis undique è vicis & castellis provolantibus sic cæsi sunt, ut ne unus quidem ex iis sit relictus.

Cum defuncti prælio, & lectis spoliis, se læti reciperent Machabæani, cognovissentque Nicanorem omnium primum in pugna occubuisse, promiscuo clamore cum lætitia excitato, patria voce omnipotenti Domino gratias egerunt. Tum Judas amputatum caput Nicanoris, & brachium cum humero abscissum Hierosolymam perferriri jussit. Quo cum ipse pervenisset, convocatis popularibus & Sacerdotibus ad altare, accersit & eos qui in arce erant: & ostento capite Nicanoris ac manu nefaria, qua contra sanctam Omnipotentis ædem extenta superbe se jac-taverat; linguam etiam impii exsectam & frustillatim concisam avibus depascendam dari, manum ex adverso templi affixam suspendi, caput in summa arce omnibus videndum proponi voluit: manifesta, tum divinæ adversus impios vindictæ, tum lati piae genti auxilii, argumenta. Deinde cum omnes benedixissent Deo, qui dicatam sibi ædem illæsam incontaminatamque servaverat, communī consilio decreverunt, diei illius, quo tam insignis victoria parta fuerat, memoriam non esse in obscuro relinquentam, sed publica gentis lætitia quotannis celebrandum tertio decimo die mensis Ador, pridie Mardochæi diei.

*Judas fortissime dimicans occiditur ac lugetur.*

Post cædem Nicanoris Judæa dies paucos à bello quievit, quibus Judas legatos Romam misit, societatem & amicitiam juncturus cum Romanis, quorum potentia Judæos ab Demetrii vi & impotenti dominatu tutos futuros sperabat. Sed antequam peracta res esset, ipse luctuoso suis funere è vivis sublatus est.

Ut enim audivit Demetrius Nicanorem cecidisse in prælio, & copias ejus deletas, Bacchidem & Alcimum iterum misit in Judæos dato eis dextro exercitus sui cornu, quod erat præcipuum robur virium suarum. Hi cum accessissent ad locum ubi cum tribus hominum millibus stativa habebat Judas, insolutus pavor Judæos corripuit, conspecta hostium multitudine, qua tamen majorem sæpe antea fuderant: & aliis alio dilapsis, octingenti tantummodo remansere. Tum vero Judas, qui & defluxisse exercitum suum, & se ita bello urgeri videret, ut ad novas vires reparandas tempus non suppeteret, ipse animo quodam modo concidit, inops consilii. Deinde tamen hortatus eos, quos reliquos habebat, ut in hostem irrumperent, postquam pugnam detrectantes vidi, & eam illis mentem esse, ut vitæ in præsentiarum consulerent, & redirent quisque ad sua, majore deinde numero, auctisque viribus reversuri: *Absit, inquit, hoc à nobis flagitium, ut fugiamus ab istis. Si fatalis dies venit, moriamur fortiter propter fratres nostros, nec ullam gloriæ nostræ maculam inferamus.* Interim è castris processit hostium exercitus, & Judæis ex adverso constituit. Erant autem in duas partes divisi equites, & in prima acie promptissimi ac robustissimi quique militum stabant, præeuntibus fundibulariis & sagita-

riis, & Bacchide in dextro cornu curante. Tum ciamor utrinque sublatus & tubarum sonus auditus. Magnis animis certatum esse hoc argumentum est, quod prælium, mane committi cœptum, ad vesperam usque protractum refertur. Dextram quidem aciei partem, in qua steterat Bacchides, fudit & contrivit Judas. At cum fusos hostes persequeretur, eum consecuti sunt à tergo hostes alii qui in sinistro cornu pugnaverant, confossumque telis interemerunt. Cæteri, inter cædem, quæ magna utrinque facta est, amisso duce in fugam acti. Jonathas & Simon sublatum è terra fratris corpus in majorum sepulchro considerunt. Flevit autem Judam omnis Israel planctu magno per multos dies, & lugentes dicebant: *Quomodo cecidit potens, qui salvum faciebat Israelem?*

*Goliathus Philistæus provocat Israelitas ad singulare certamen.*

**A**ssidui Israelitarum hostes Philistæi accisas multis cladibus vires vix reparaverant, cum cuncta agmina ad belli discrimen rursus tentandum congregantes, castra metati sunt in finibus Tribus Judæ. Quo audito, Rex Saul & Israelitæ pariter congregati, direxere aciem ad pugnandum. Exercitus uterque montem occupaverat, Philistinus hinc, inde Israeliticus, ita ut vallis inter eos media jaceret.

Neutra acies ad faciendum præliandi initium se commoverat, cum è castris Philistinorum egressus est vir quidam nomine Goliathus, genere obscuro & turpi, utpote incerto patre natus, sed immanni corporis magnitudine ac robore. Nam, præterquam quod sex cubitorum & palmi erat ejus altitudo, ea quoque arma gestabat, quorum pondere quivis aliis bellator obrutus procubuisset. Casis ænea caput ope-

riebat, & lorica squammata induebatur. Oreas in crutibus æreas habebat, & clypeus pariter æreus tegebat humeros ejus. Dextra hastam quatiebat mira crassitie & longitudine: & armiger ejus antecedebat eum.

His viribus atque armis confisus Goliathus, prope castra filiorum Israelis accessit: & cum suo ingenio, tum spe victoriae ferox, ad singularem pugnam provocabat, quam maxima poterat voce clamans: *Quid instructa acie statis parati omnes ad prælio decertandum? è vobis potius virum aliquem unum eligite, & date, qui singulare certamen mecum ineat. Si ferro mecum decertare quiverit, meque percusserit, erimus vobis servi. Si contra ego prævaluero, & percussero eum, vos servietis nobis. Sicque ea erit deinde & vestræ & nostræ gentis fortuna, quam uterque nostrum dimicando fecerit.* Saul atque omnes Israelitæ audientes verba hujuscemodi, stupore percussi & vehementi metu correpti, se castris continevere; neque è tanto exercitu prodire quisquam ausus est, qui privato periculo communem salutem & gloriam tuendam susciperet. Procedebat itaque in medium quotidie, mane & vespere ferocior Philistæus: neque per quadraginta dies destitit pugnam depositare, cum gravi eam recusantium insectatione.

### *David pugnam adversus Goliathum depositit.*

Interea David, qui minimus inter fratres pascébat gregem patris sui Isai in agris circa Bethleümum, missus ab eo ad castra Israelitarum, ut videret a tribus fratribus natu majoribus, qui ad bellum cum Saule perrexerant, cuncta prospera essent, polentiamque iis & panes in cibum. Tribuno vero eorum decem caseos ferret. Hic ubi Philistæum vidit ea, qua solebat, ferocia incidentem, & multa Israelitis

acerbius exprobantem audivit, conversus ad eos qui proxime stabant: *Qui, inquit, dabitur viro qui percusserit Philistæum hunc, & abstulerit opprobrium ab Israele?* *Quis est enim hic ineircumcisus, qui contumeliis afficit acies Dei viventis?* Tum unus & alter è populo respondit: *Quicumque Philistæum occiderit, dabit eum Rex divitiis magnis, & filiam suam ei uxorem dabit, & domum patris ejus ab omni tributo immunem faciet.* His auditis, Davidis animum cupidio incessit vindicandi ab opprobrio populum Israeliticum. Cum ergo inter milites p̄ se ferret, se adversus insolentem exprobatorem libenter in pugnam processurum; ira succensus frater ejus major, dixit ei: *Quare hoc venisti, & pauca illas oves, quas in deserto pascebas, deretquisti? Ego novi superbiam tuam, & nequitiam cordis tui. Ut prælium spectares accessisti: & nunc te egregium pugnatorem factas.* Cai David: *Quid feci?* inquit. *Nonne hoc à patre tua causa jussus veni?* *Nunquid ne verbam quidem proferre licet?* Et declinavit ab eo ad alios, eundemque sermonem hauit de capessendo à se adversus Philistæum certamine, si copia fieret.

*Regè permittente se ad pugnam accingit David.*

Quæ cum Sauli nunciata essent, adductusque fuisset ad eum David: *Non concidat, inquit hic, cor cuiusquam propter istum hominem. Ego servus tuus, ô Rex, ibo libenter, & congregiar cum eo.* Rex, qui magnitudinem animi ac virium Davidis, ejus tantum corporis habitu, æstimabat, timuit, ne ejus cum Philistæo pugna minime par esset futura. Itaque illum admonuit quanto periculo cam viro ab adolescentia sua bellatore congrederetur puer. Tum David: *Pascebatur, inquit, servus tuus patris*

sui gregem , & veniebat leo vel ursus , & tollebat arietem è medio gregis , & perseguebar eos , & percutiebam , eruebamque prædam ex ore eorum . Et illi consurgebant adversum me , & ego apprebensos eos elisis faucibus suffocabam interficiebamque . Nam & leonem & ursum interfeci ego servus tuus . Erit igitur & Philistæus hic incircumcisus quasi unus ex eis . Nunc vadam , & auferam opprobrium p. puli . Quoniam quis est iste Philistæus incircumcisus , qui ausus est maledicere exercitui Dei viventis ? Dominus , qui eripuit me à furore leonis & ursi , & ipse liberabit me è manu Philistæi . His verbis ad aliquam felicis exitus spem erectus Saul , dixit Davidi : *Vade , & Dominus tecum sit.* Induit deinde juvenem vestimentis suis , & imposuit galeam æream super caput ejus , lorica pectus circumtexit , & accinxit gladio . Experiri voluit David , an sibi incedere facile esset iis armis instructo quæ ferre solitus non erat . At re frustra tentata , Saul dixit : *Ejusmodi arma , quibus assuetus non esset , sibi oneri potius & incommodo , quam usui futura.* Itaque illis depositis , tulit baculum quo uti consueverat ; electos è torrente quinque lapides politos in peram pastoralem misit ; & funda in manum accepta , processit ad Philistæum , non minus armorum apparatus quam corporis specie tali viro , omnium fere militum judicio , impar .

### *Goliathus à David victus & obtruncatus.*

Accedebat ex adverso Philistæus , & armiger ante eum . Cumque aspexisset Davidem , adolescentem una tantum , ut falso existimabat , elegantia formæ commendabilem , & baculo pro hasta utentem , despexit eum , dixitque : *Nunquid ego canis sum , cum venias ad me cum baculo ? Accede , &*

-dabo carnes tuas lucerandas ac devorandas volatili-  
bus cœli & bestiis terræ ; & maledixit juveni per  
Deos suos. Tum David : Tu venis ad me cum gla-  
dio , & hasta , & clypeo : ego autem venio ad te in  
nomine Domini exercituum , Dei agminum Israelis,  
in quem probra jecisti. Dabit ergo te Dominus in  
minum meam , & dejiciam te , & auferam caput  
tuum à te , & dabo cadavera castrorum Philisthœ-  
rum hodie volucribus cœli & belluis terræ , ut sciatur  
omnis terra Doum esse in Israel , & noverit univer-  
sa hic congregata tot hominum multitudo , quod non  
gladio , neque hasta servat Dominus : ipsius est enim  
bellum , ideoque ipse tradet vos in manus nostras.

Cum appropinquaret Philisthæus , festinavit Da-  
vid , & obviam cucurrit ; misitque manum suam in  
peram , è qua eductum lapidem unum ea vi funda  
circumducta vibravit , ut perfregerit penetraverit  
que frontem Philisthæi , qui pronus cecidit in fa-  
ciem suam super terram. Cumque gladium non ha-  
beret David , ad jacentem proprius accessit , gla-  
diumque ei suum detraxit , quo è vagina educto ip-  
sum interfecit , ejusque caput præcidit. Tunc Is-  
raelitæ sublato clamore Philisthœos persecuti , fu-  
derunt fugaruntque usque dum venirent ad portas  
urbis Accarom , & vulneratis iis aut cæsis reversi  
invaserunt diripueruntque castra eorum. Assumens  
autem David caput Philisthæi , tulit illud Hieroso-  
lymam , arma vero ejus posuit in tabernaculo suo,  
præter gladium , qui in ipso Dei tabernaculo re-  
positus fuit , ad servandam victoriæ divino auxilio  
partæ memoriam.

*Davidis laudibus offensus Saul de ejus pernicie cogitat.*

Cum reverteretur David occiso Goliatho , eo

majore cum gaudio ejus victoria ab Israelitis celebra est, quo propius periculum venerat. Mulieres, quas hostilis terror diu tectis inclusas retinuerat, jam præ lætitia vix compotes sui ex universis urbibus effusæ sunt in occursum Saulis Regis & Davidis, cantantes, & choros ducentes cum tympanis & sistris. Sed omnes oculis animisque in unum Davidem versæ, illum admirari, illum salutis & gloriæ Israelis vindicem prædicare non dubitabant: neque regiæ majestatis verecundia obstabat, quo minus alternis canerent: *Percussit Saul mille, & David decem millia.*

Tum Saul, à quo jam ante aliquot annos spiritus Domini recesserat, & cui è sua laude detracatum esse videbatur, quidquid tribueretur alienæ, inique adversus Davidem invidiæ stimulis cœpit agitari, iratusque vehementer & offensus verbis ac cantibus mulierum, dixit: *Dederunt Davidi decem millia, & mibi mille tantum dederunt. Quid ei jam habendum superest, nisi solum Regnum?* Itaque à die illa non benigno vultu atque animo eum aspiciebat, sed modo vi aperta, modo arte atque insidiis è medio tollere aggressus est, irrito semper conantu, quia Dominus qui eum Israeli regem destinaverat, erat cum eo: *Et non est sapientia, non est prudentia, non est consilium contra Dominum.*

*David à Saulis lancea declinat, & ducentos Philistinos occidit.*

Cum primum spiritus malus, Deo ita imperante, Saule cœpit exagitare, quod Samueli divina jussa ferenti non paruisse; è paterna domo in aulam accersitus fuerat David, ut ea, qua valebat, citharam pulsandi peritia, vesanos regis motus compesceret. Et cum ad psallendi artem accederent formæ elegantia, mirum corporis robur, & singularis

in verbis factisque prudentia , eximio amore eum complexus erat Saul. At ubi mentem occupavit li- vor , illum ipsum furoris sui expulsorem , de se tam benemeritum , bis lancea nitus est confodere , quam ille magna vi contortam , corporis declinatione ef- fugit , ita ut nullo vulnere illato in parietem per- lata sit.

Merobem majorem filiam debebat Saul Davidi nuptui dare propter devictum Goliathum , sicut ip- se publice confirmaverat. Sed promissis non stetit , eaque alii viro tradita , Micholem filiam minorem ea lege cessuram esse Davidi in uxorem dixit , si centum Philisthaeos interemisset. Captabat ea ratio- ne Rex subdolus occasionem perdendi hominem in- visum , ita modice de se sentientem , ut futuras cum regia virgine nuptias proponentibus responde- rit : *Quis ego sum , aut quæ est vita mea , aut cog- natio patris mei in Israele , ut fiam gener Regis ?* Oblataj conditionem accepit vir fortissimus ; & oc- cisis ducentis Philisthinis reversus incolmis , cru- delem regis spem fecellit , ac partis vitæ periculo nuptiis est potitus.

*David mille viris Tribunus præficitur.*

Quam laudem ex victo Goliatho collegerat Da- vid , eam multis præclare gestis tuebatur & ampli- ficabat quotidie : & cum omnes Israelitas gloria anteiret , omnibus tamen carus erat. Sed quo clario- rem ejus famam magisque accensa in eum populorum studia videbat Saul , eo magis ab illo sibi cavendum ratus , statuit eum crebris objectare periculis : spe- rabat quippe juvenem manu promptum & gloriæ militaris appetentem , aut sua virtute aut hostium ferocia occasurum. Ergo , sclesto consilio speciem remunctoriae virtutis præferens , Davidem mille mi-

litibus Tribunum præfecit , amovitque à se. Verum ea res longe aliter atque existimaverat evenit. Nam ut non magis prælio strenuus erat David, quam cautus adversum pericula , vincendi studium ita prudenter regebat ac temperabat , ut non cæco impe- tu rueret in media belli discrimina vitæ male prodigus. Itaque quocumque arma tulit hostibus terro- ri , suis vero præsidio fuit , & ex omnibus præliis rediit illæsus. Sic novam ex militari Tribunatu laudis accessionem invenit , nedum præcipitis temeritatis pœnas præmatura morte , ut Sauli spes fue- rat , lueret.

*Saulem Davidi placare tentat Jonathas.*

Erupit tandem , quod diu male dissimulatum fuerat , Saulis odium in Davidem : & Jonathæ fi- lio palam imperavit : *ut oculos suos crescentis in dies hominis formidati conspectu liberaret , morte illi , quoniam ita res suæ postulabant , illata.* Con- horruit ad hujusmodi mandatum Jonathas , dignus sane qui alio patre natus esset. Erat quippe natu- ra veræ virtutis admirator , tantumque aberat ab alienæ laudis obtrectatione , ut omnium , quorum posset , honori & dignitati faveret. Itaque cum Da- vid primum fortitudinis specimen dedisset prostrato Philisthæo , fuit statim quasi conglutinata anima Jonathæ animæ ejus , dilexeratque eum sicut ani- mām suam , & ut victorem aliquo munere donaret , suis vestimentis suisque armis , tunica , gladio , ar- cu , balteo cum se exuisset , eum induerat. Neque tunc & deinde timuerat ne adolescentis claritudo suo nomini officeret. Noluit igitur iniquo parentis im- perio obsequi. Imo eum cum lachrymis obtestans , ut tam crudele consilium deponeret ; *Absit , inquit , Rex , ut gravius consulas in Davidem , cuius fortis*

*fidelique opera semper es usus; & qui nihil peccavit adversum te. Scis quomodo unus inter omnes Israelitas certo, ut videbatur, periculo non dubitaverit animam ultro exponere: quomodo immanens Philistæum, gentis nostræ terrorem, dejecerit, quomodo per ejus manum Dominus universo Israeli salutem dederit. Vidisti, & laetus es. Quid est ergo nunc cur innoxium sanguinem fundas, interficiens Davidem qui omnis culpa insans es? Filii verbis placari visus est Saul, juravitque fore ut a Davidis nece abstineret. Itaque introductus ad eum à Jonatha, stetit in conspectu ejus, & in aula versatus est, ut prius.*

*David à Michole uxore servatus fugit, Jonatha frustra patrem deprecante pro eo.*

Altiores in corde Saulis radioes egerat malevolentia & livor, quam ut facile evelli possent; fuitque infelix Princeps documentum posteris, homines, si prima hujus vitii semina adolescere siverint, humanitatem omnem serius ocius exuere. Itaque paulo post quam Davidi in reconciliatæ gratiæ pignus aditum apud se dederat; & ille, moto rursum bello Philistæos fugatos cæsosque magna plaga percusserat, misit satellites qui eum domi in oculis uxoris trucidarent. At illa maritum furenti parenti ereptum, demissumque per fenestram, fuga saluti suæ consulere permisit.

Saul non modo nihil motus egregia fide filiæ suæ in conjugem, sed etiam increpata ea, quod inimicum, ut dicebat, suum dimisisset; ad illum, ubicumque esset, corripiendum, animum adjecit. Frustra ad preces obtestationesque iterum confugit Jonathas, quo regem ad mitiora consilia revocaret: tantumque abfuit ut apud obstinatam patris men-

tem natus aliquid orando proficeret, ut contra ipse in summum vitæ discrimen venerit, Saule, qui nullius jam salubris consilii patiens erat, in eum lanceam intendente. Ut igitur vidit certum constitutumque illi esse Davidem internecino bello persequi, pacto cum amico födere, cui implacabilem regis iram aperuerat, flens uberiori flenti valedixit.

*Davidem persequitur Saul.*

Nullus postea Davidi locus tutus esse potuit, non sylvæ inviæ, non prærupti montes, non antra obscura. Nulli quoque homini possse fidere, cuin aliorum incerta fides esset, aliorum aperta perfidia. Prædæ, quam è manibus suis elapsam dolebat, vestigia persequens Saul, rimabatur omnia, omnia perscrutabatur. Penetrabat in saltus densissimos, scandebat super abruptissimas rupes quæ solis erant ibicibus perviæ, dictitabatque: *Si etiam in terram se abstrusisset fugax inimicus, se eum ex latebris suis & terræ visceribus erupturum.* Comitabantur regem tria hominum millia, inter promptissimos bello electa; & seu vi debellandus, seu insidiis capiendus esset hostis, pariter parata: videbaturque Saul voti compos facile futurus, capto Davide. Sed non tradidit eum Deus in manus ejus: ipse vero bis traditus est in manus Davidis, & vitam ejus ipsius beneficio retinuit, quem tanto cum furore quærebat ad necein.

*David in spelunca Engaddi latitans oram clamydis  
Saulis abscondit.*

Latebat David cum suis in interiore parte speluncæ, quæ erat in deserto Engaddi, & oculos militum Saulis cuncta curiose vestigantium fefelerat,

Ingressus forte est in eamdem speluncam Saul, nullo comite, & verso deinde in ostium vultu, substitit, eos qui in cavernæ abdita sese recondiderat non videns, ipse conspectus ab illis. Tum vero Davidem orare omnes, ut pateretur se irruere in Saulem. Ostendere, deductum esse à Deo ipso in hæc loca inimicum suum, & ejus arbitrio permissum. Postulare, ut infensi hostis morte & se & socios ab iis, quibus premebantur ærumnis, inopia, exilio & cæde imminente liberaret quam primum, nullam profecto nunc oblata opportuniorem occasionem nacturus. Longe alia erat Davidi mens, quam suis; dixitque eis vir etiam in vitæ periculo officiis & pietatis retinens: *Propitius sit mihi Dominus, ne faciam hanc rem adversus Dominum Christum meum, ut mittam manum in eum, quia Christus Domini est.* Neque permisit quemquam ex illis consurgere in Saulem. Accessit tantum tacite ad eum pede suspenso, præciditque oram chlamydis ejus. Cujus tamen facti ipsum poenituit statim: adeo regiam majestatem reverebatur.

Cum è spelunca pedem extulisset Saul, & cœpto itinere pergeret, egressus post eum David, clamitavit à tergo euntis: *Domine mi Rex.* Quo statim respiciente, ille inclinato capite pronus in terram adoravit, dixitque: *Cur aures apertus habes mendacibus quorumdam hominum sermonibus, qui certo in periculo vitam versari tuam jactitant, quando vivit David? quantum à me tibi timendum sit, tandem intellige. Intuere, pater mi, & cognosce oram chlamydis tuæ, quam cum ahscinderem, vitæ tuæ peperci, dum tu insidiaris animæ meæ, ut auferas eam.* Tradiderat te Dominus hodie in manum meam, sed eam non extendi in te, quia Christus Dei es. Animadverte, & vide nullum iniquitatem, nullumque peccatum meum esse in te. Quem perse-

*queris, Israelitis Rex? quem persequeris? canem mortuum persequeris, & pulicem unum. Sit Dominus judex inter me & te, ipse tueatur causam meam, & eruat me è manu tua. Absit vero ut umquam ego violentas tibi manus inferam.*

His auditis flevit Saul, & sublata voce dixit: *Numquid vox hæc tua est, fili mi David? justior tu sane es, quam ego. Tu enim tribuisti mibi bona, cum ego te multis malis afficerim. Quis hostem suum, si in potestate habeat, incolumem abire sinat, sicut me tici a Domino ipso traditum tu hodie dimisisti? rependat tibi Deus debita præmia pro ista tua in me benignitate. Et quoniam scio certissime regnaturum esse te, & habitur imperium super Israelem, jurejurando per Dominum mibi confirmes velim, fore ut non auferas neque deleas progeniem meam post me. Postulato sacramento se libens obligavit David Sauli, abieruntque, hic in domum suam, ille in loca tutiora.*

*David Sauli dormienti scyphum & bastam aufert.*

Aliquot post menses dedit David alterum invictæ adversus regem fidei & reverentiæ argumentum. Castra metatus erat Saul in deserto Ziph cum selectis ex omni Israele tribus hominum milibus, accersitus à Ziphæis, qui latitantem inter densa sylvarum Davidem conclusuros & regi vivum tradituros esse se erant polliciti. Tam certa virum in saltibus deprehensum pernicies manere videbatur, ut & Saul, & duces exercitus, & militum vulgus alto somno indulgerent, nihil de eventu solliciti. Quæ ubi per exploratores rescivit David, Dei auxilio fretus, & uno Abissai comitatus, non dubitavit in castra hostilia inter stationes vigiliasque penetrare, & invenit Saulem jacentem dormientemque in ten-

torio, hasta fixa in terra ad caput ejus; Abnerem quoque militiæ principem, & populum dormientes circa regem. Institit Abisai, ut sibi liceret Saulis somno oppressi pectus lancea perfodere: uno tantum ictu futurum opus. Oblatum ministerium aversatus est David, dicens: *Non fore innocentem, quisquis manus extendisset in Christum Domini, reliquendum esse Deo mortis Saulis arbitrium, nec eam vi ulla naturandam.* Itaque ne gladiis quidem eductis innoxii recessere. Abstulit tantum David hastam & scyphum regis, futura cum audacis facti, tum miræ moderationis, argumenta. Nec quisquam fuit, qui castra ingredientes & egredientes videret, audiretque, aut etiam evigilaret: adeo gravis in eos sopor à Domino irruerat.

Cum egressus è castris hostium David stetisset in montis vertice, & longum interjaceret intervallum, elata, quantum potuit, voce compellatum, & è somno tandem excitatum Abnerem increpuit, *quod regem custodiret ita negligenter & incuriosè, ut ipso dormiente, hasta regis ablata esset & scyphus, & vita ei erienda fuisset, si ut sibi eum occidendi facultas fuerat, fuisset quoque voluntas.* Audita agnitaque voce Davidis Saul multa à se stultè acta, multa ignorata, non dubitavit confiteri: meliora in posterum est pollicitus: meritis laudibus extulit pietatem Davidis, *in cujus oculis anima sua pretiosa fuisset:* eum dulcissimo filii nomine iterum atque iterum appellavit: ut crederes sacerum paternos in genero animos repente iuduisse, nihilque adversus eum moliturum deinceps. Sed in pectori, quod invidiæ venenum infecit exulceravitque, quæ vera inesse benignitas potest?

*Davidem apta oratione placat Abigail.*

Cum David Saulem nullis precibus exorari, nullis benefactis immutari posse animadverteret, sed vitæ sue semper imminere, modo in locis deviis, modo apud exterios Reges latebras quærebat, hac quidem religione, ut nec popularium suorum agros aut urbes violaret, nec adversus Saulem pugnandi captaret occasiones. Opperiebatur æquo & quieto animo tempora ea, quibus promissum sibi puer nec petenti nec optanti regnum, idem qui pollicitus erat, concederet Deus.

Fugæ & errorum omites viros habebat ut plurimum sexcentos, non improbos quidem illos & turpi fama laborantes, nam tale hominum genus repudiasset; sed tamen alios aere alieno oppressos, alios alia calamitate afflictos, & multarum rerum egenos. Cum huc atque illuc vagarentur incerti, nullus ut in regione plerumque infesta, aut deserta, certus commeatus suppeditabat, & identidem frumenti cibariorumve aliorum inopia tentabantur. Cavebat tamen David ne in his rerum angustiis sui ex rapto viverent, & magnopere interminatus erat ne quis vel cupiditate vel egestate impulsus in aliena involaret. Itaque cum aliquandiu in solitudine Maon versatus esset, omnes facultates viri ejusdam in illis locis ditissimi illæsæ intactæque permanserant. Ei viro Nabal nomen fuit. Et cum multas alias opes, tum tria ovium millia, & mille capras in Carmelo monte pascentes, possidebat. Dorus homo, & pessimus; sed qui (quod ei saluti fuit) uxorem haberet moribus longe disparem, Abigailem nomine, mitis ingenii mulierem prudentissimam eamdem & speciosam.

Forte autem ita contigit, ut cum Davidem om-

nia ad victum necessaria repente defecissent, audiret tonderi in Carmelo gregem Nabalis. Missit ergo è suis juvenes decem, qui eum suo nomine salutarent, dicerentque: *Sit fratribus meis & tibi pax, & domui tuæ pax, & omnibus, quæcumque habes, sit pax.* Audivi pastores tuos, qui erant nobiscum in deserto, tondendo gregi vacare nunc. Numquam eis molesti fuimus, nec aliquando defuit eis quicquam è grege omni tempore quo una commorati sumus. Interroga eos, & indicabunt tibi. Nunc ergo inveniant pueri tui gratiam in oculis tuis, die enim bona venimus. Quodcumque invenerit manus tua da servis tuis, & filio tuo David. Ad has preces contempnit & ferociter pro ingenio respondit Nabal: *Quis est David, & quis est filius Isai? bodie increverunt servi qui fugiunt dominos suos. Tollam ego panes meos & aquas meas, & carnes pecorum que occidi tonsoribus meis & dabo viris quos nescio unde sint?* His renunciatis, sic ira exarsit David, ut quadringentos è suis gladio quemque accincto secum ad ulciscendam ferro injuriam accelerare, ducentis ad sarcinas relictis, jussert, juraveritque: *Se eo ipso die nihil relicturum integrum ex omnibus facultatibus ejus hominis, qui adeo meritam gratiam non rependebat, ut etiam malum pro bono redderet, probra jaciens.*

Interea Abigaili nunciavit unus è servis Nabal, qua hic ferocia missos à Davide juvenes exceperisset, qua verborum contumelia affecisset immerentes. Nihil certe damni aut molestiae à Davidis sociis accidisse pastoribus Nabal, quandiu in deserto inter se commeabant; imo diu noctuque quandom muri vicem iis præstitisse adversus latronum impetum & incursum ferarum. Pro quibus beneficiis, paucis, quibus inopiam sublevarent, modeste & reverenter pertentes, turpem repulsam tulisse. Timendum profec-

*to esse ne viri fortes acceptam injuriam acerbe ultum properarent, & debitas de vecorde homine, quem nemo alloqui posset, pœnas sumentes, totam ejus domum ac familiam igne ferroque vastarent.*

Quantum periculum instaret, intellexit mulier prudens. Nulla mora interposita imposuit asinis ducentos panes, utres duos vini, quinque arietes coccitos, polentæ nonnihil, centum fasciculos uvæ passæ, ducentas fiscinas caricarum. Tum servos jussos præcedere subsecuta est asino insidens, marito omnium, quæ agerentur, ignaro.

Ubi Abigail conspexit Davidem & socios ejus ad vindictam & cædem festinantes, illico descendit ab asino, & procidens ad pedes David, oculis in terram demissis adoravit, dixitque: *Liceat, obsebro, domine mi, ancillæ tuæ paucis te verbis ailoqui; neque precibus meis oures obstrue immisericors. Quidquid adversum te à Nabale peccatum est, hujus me ream habe, quamvis ne admitteretur præstare non potuerim, quippe quæ missos à te juvenes non vidi. Nam Nabal, ut nomine (Vox Heb. Nabal, tum significat.) sic natura stultus & stolidus ferox verbis & factis totus desipit. Me igitur ipsum omnemque familiam, si ultionem expetis, prouius dominis insaniam plecte. Quamquam, si quid apud iratum animum valere mulier monendo potest, vide ne sera te deinde pœnitentia subeat, cum sanguinem innoxium fuderis. Quas enim te conscientiae labes in animo habiturum esse censes, quæ vulnera, si ira tua ita hodie accensa fuerit, ut non aliter extingui quam cruenta multorum cæde potuerit? tibi in regio solio sedenti, ad quod te Dei voluntas & tua virtus vocant, recursabit usque tristis tot mulierum virorumque immitti ferro mactatorum species, quæ letitiam tuam corrumpat, & acerba illa recordatio occurret, quod, sumpta de imbelli hominum*

genere vindicta , nonnihil è fortitudinis & clementiae tuæ laude abstuleris. Præliare potius , domine mi , ut soles , prælia Domini & celebratam illam tuam etiam in infensissimos hostes tuos animi moderatio- nem in solium illibatam præfer . Sic enim fiet , ut , si quis postea vitæ tue insidiabitur , eam quasi in fasciculo viventium colligatam custodiat Dominus ; inimicorum vero tuorum animam funda velut rota- tam & excussam longe projiciat. Benedic itaque Domino , qui pro sua in te misericordia , ipse me tibi obviam ire jussit , ne te , tuosque sanguine re- sperges . Et hoc tibi , domine mi , ab ancilla obla- tum munusculum suscias velim , plura latura , si pluribus indigebis.

Tunc , si umquam alias intelligi potuit , ut ser- mo durus suscitat furorem , sic responsione molli iram frangi. Apt a Abigailis oratione delinitus Da- vid : Benedictus , inquit , Dominus Deus Israelis , qui misit te hodie cito in occursum meum , & be- nectum eloquium tuum. Benedicta quoque tu , quæ ne sanguinem profunderem & meas ipse injurias ul- ciscerer , deterruisti. Alioqui , vivit Dominus Deus Israelis , qui me ab inferendo tibi malo prohibuit , Na- bali ne canis quidem ullus usque ad crastinam diem reliquis factus fuisset. Benigne deinde & comiter quidquid muneris mulier attulerat accepit , eique bene precatus , incolumen gaudentemque dimisit.

Abigail domum reversa , conjugem reperit sine ullo periculi , quod inscio impenderat , metu ; ex- tructis regio fere apparatu epulis accubantem , & inter compotores cibo potuque ingurgitatum. Ho- mini ebrio nihil tum à sapiente mulieri indicatum est eorum quæ gesta erant At cum crapulam edor- misset exhalassetque , & postero die uxorem audi- visset narrantem : Quam celeres gravesque ferociæ suæ pœnas daturus fuisset Davidi , nisi cum ver-

bis, tum munieribus justam fortissimi viri iram placasset: terrore perculsum obstupuit obrigitque cor ejus, & quasi emortuum est. Cumque transissent decem dies, morte percussit eum Dominus justus iudex, atque ultior illatae Davidi injuriæ.

Audita Nabalis morte, David ad Abigailē misit, qui eam sibi uxorem futuram accenserent. Illa se tali honore indignam prefata, sibique satis amplum futurum, si fungens ancilla munere lavaret pedes servorum domini sui Davidis, missos ad se nuncios secuta est, asino insidens, & quinque pueri ierunt cum ea pedissequæ ejus, factaque est Davidis uxor.

### Saulis Regis desperatio & mors.

Cum recte aut perperam factorum æquo æstimatori ac judici Deo placuisse, Davidis virtutem, continuis multorum annorum laboribus ac periculis probatam, sua mercede non amplius carere, & Saulis tum cætera delicta, tum pertinax adversus Davidem odium, debita poena tandem plecti, Philisthas toties victis nova bellandi cupido injecta est. Itaque congregatis viribus universis, animis ad fortiter dimicandum paratis, impetum in terram Israelitarum fecerunt, ibique castra possuerunt. Ex pavit ad conspectum hostium Saul; & quem adhuc prompta in bello audacia insignem fecerat, eum timor insolitus subito corripuit. Inops consilii Dominum, cuius mandata non semel contempserat, consuluit, quid optimum factu esset, & quis exspectandus belli eventus. At Deus eos, qui consilia sua & increpationes saepe despicerint, etiam quæsitus & invocatus aliquando non exaudit, cum irruit super illos repentina calamitas, & interitus, quasi tempestas ingruat. Nullum ergo Sauli responsum de-

eat , neque per somnia , neque per Sacerdotes , neque per Prophetas .

In his , rerum angustiis negatum à Deo responsum per magicam , si posset , artem elicere conatus Rex furens & impius ; depositis , quia agnosci nollebat , regiis insignibus ; venit nocte duobus tantum servis comitatus ad mulierem , quæ Pythonem , id est , divinandi spiritum , habere ferebatur , pettiitque , ut , quem virum ipse nominasset suscitaret è mortuis , & sisteret præsentem . Repugnavit primo mulier , Regis edicta opponens , quibus magos , & ariolos è regno suo abstulerat , eraseratque : ita ut certa sibi mortis pœna immineret , si interdictas ejusmodi artes tractari ab ipsa comperisset . Juravit Saul nihil inde mali ad eam perventurum , & Samuelem evocari postulavit . Tum ergo ejus precibus annuit mulier . Apparuit itaque augusta & veneranda specie senex , amictus pallio . Ad cuius aspectum attonita & exclamante muliercula , Saul Samuelem eum esse intelligens , inclinato in terram vultu venerabundus adoravit : quærerentique , cur se quietum sollicitasset , dixit : Se vehementer undique coartari : gravem instare Philistinorum exercitum : nihil humani superesse auxiliū , nihil etiam divini ; cum Deus à se recessisse videretur ; neque ullum enixe oranti responsum dedisset . Cogente ergo ultima necessitate excitum esse illum & evocatum è sedibus suis , ut omnis consilii inopi succurreret , & quam vivus opem tulerat , eamdem ferret & mortuus . Intempestivas & seras regis preces aversatus Samuel , quid , inquit , me interrogas , cum Dominus , ut ipse intelligis , recesserit a te , & transierit ad æmulum tuum ? quæ tibi , dum inter vivos numerarer , jubente Deo prædicti aliquando eventura , ea mox perficiet , ereptumque è manu tua & quasi abscessum regnum dabit illi , quem tam infesto animo persequeris , David ,

*quia non obedisti voci Domini, ut Amalecitas ad internectionem deleres, imperantis. Quin etiam illud scito & Israelem, & castra traditum iri in manus Philistinorum, teque & filios tuos cras mortem appetituros.* His vocibus quasi fulmine percussus Saul corruit in terram, & quantus erat porrectus jacuit diu, donec tandem allevari se passus est, & aliquid cibi, à quo tota die abstinuerat, mulier & servi flagitando effecerunt ut caperet.

Reliquum noctis quod erat cum iter faciendo absumpsisset Saul, venit mane ad populum Israeliticum, quem acie ad pugnandum instructa duxit adversus Philisthaeos. Congressis exercitibus, initium fugiendi ab Israelitis factum est; quorum plurimos, & in his tres regis filios, cum cecidissent Philisthaei, totum pondus prælia versum est in Saulem, quem consecuti sagittarii graviter vulnerarunt. Timuit Rex moriturus, ne sibi adhuc spiranti hostes crudelius illuderent, & armigerum, qui à pugnantis latere non discedebat, oravit, *ut evaginato gladio percussum dominum incircumcisorum ludibrio eriperet.* Horruit ille, & tam triste ministerium abominatus, non paruit. Arripuit itaque Saul gladium, & ipse sibi carnifex factus, incubuit in eum ac mortuus est. Puduit armigerum domino superstitem vivere, & pari exitu occubuit. Regis & filiorum ejus mortem omnium Israelitarum fuga aut cædes secuta est, & eo die ingenti victoria potiti sunt Philisthaei.

### *Luctus Davidis de morte Saulis.*

Audito Saulis exitu, haud secus quam si parentis sui, non autem infensi inimici mors nunciata esset, lachrymas profudit David. Montibus Gelboe, in quibus cædes illa facta fuerat, maledixit. Ama-

lecitam , qui à se Sauli ( incertum vere an falso ) necem illatam dicebat , & detracta jacenti regia insignia quasi egregium imunus attulerat , interfici jussit . Civibus urbis Jabes Galaad , quod Saulis & filiorum ejus corporibus juxta pie ac magnifice persolvisserent , verbis & factis gratiam retulit . Adeo verus & constans fuit ejus in mortuum pariter ac viventem inimicum amor .

*David adulterio cum Bethsabee adjungit cædem Uriæ mariti ejus.*

Cum sæpe alias , tum præsertim Davidis exemplo , intellectum est , eos homines , quos singularis morum innocentia commendaverat , in maxima flagitia ac facinora aliquando ruisse præcipites , si quando virtutem suam otio marcescere siverint , nec prius è gravi casu assurrexisse quam misericors Deus manum ipsis porrexit salutarem . Eo tempore quo solent reges ad bella procedere , David miserat Joabum cum numero ex exercitu ut vastaret agros Ammonitarum , & urbem Rabbath ob sideret . Ipse interim remansit Hierosolymæ . Dum hæc agerentur , accidit forte ut David videret è tecto domus regiae , in quo post meridiem deambulabat , mulierem nomine Bethsabee se lavantem ex adverso super solarium suum . Et ut forma erat super modum venusta , captus ejus pulchritudine , quam non satis caute inspicerat , missis nunciis venire ad se mulierem jussit , atque è religioso viro factus repente divinæ legis violator , turpi cum ea adulterio sese polluit . Quoniam vero sæpe fit , ut prima culpa , maxime si gravis est , alteram cito pariat , Uriæ marito illius mulieris , ex obsidione urbis Rabbath in urbem revocato persuadere primum tentavit Da-

Vid, ut domum iret per noctatum cum uxore. At ille, Arca Dei, inquit, & Israel, & Iuda habitant in tentoriis, & dominus meus Joabus, & servi domini mei super faciem terræ cubant; & ego ingrediār domum meam, ut comedam & bibam, & dormiam cum uxore mea? per salutem vitamque tuam non faciam. Virum ergo bellica laude clarissimum à Joabo exercitus duce mitti certam in perniciem, & hostium telis obrui curavit; ut quoniam nulla jam tegendi adulterii spes supererat, cum Bethsabee nuptiis jungi, conjugē interfecto, posset.

*Mittitur à Deo Nathan ad Davidem.*

Post adūnissum tam turpe flagitium, & tam sær-  
vum facimus, quod utrumque Deo plurimum dis-  
plicuerat, Davidem (oh humanæ mentis cæcitas!) nec  
pudere videbatur nec pœnitere. Natum è Bethsabee  
filium in regia domo crescere latus videbat, & vic-  
to nuper Ammonitarum rege, alta foris & intus  
pace fruebatur, si qua tamen ei esse pax potest,  
qui mentem gerit recentibus sceleribus inquinatam.  
Sed Deus pro immensa misericordia sua Davidis mi-  
sersus, eum primo, ut ex psalmo XXXI. licet con-  
jicere, gravi morbo percussum affixit lecto, & sæ-  
vissimis confossum doloribus admonuit infirmitatis  
humanæ. Deinde misit Nathanem Prophetam, qui  
in rectam viam evocaret errantem, & cœco, dis-  
cusa mentis caligine, visum restitueret.

*Parabola de ovicula pauperi erepta.*

Noverat vir sanctus & prudens quam difficile  
atque asperum factu sit reges ac principes viros  
utilibus monitis instruere, & nullum fere relictum

esse ad eos severæ veritati aditum inter blandas collaudantium undique aulicorum adulationes. Itaque Davidem non aperia vi, sed quasi per cuniculos aggrediendum atque expugnandum ratus, ut in conspectu ejus sterit, his verbis exorsus est. Erant in quidam civitate viri duo fortuna longe dispares: alter quippe omni opum genere abundabat, alter in summa rerum omnium in pia versabatur. Ibi magna servorum turba, multa boum armenta, plurimi caprarum atque ovium greges: hic nihil habebat omnino praeter ovem unam parvulam, quam, parta labore manuum pecunia, emptam, omni cura emutrievat. Creverat illa apud eum, adoleverutque; cunctis liberis ejus simul, eundem quem ille panem comedens, & in ejus calice bibens, & in sinu illius dormiens, eratque pauperi domino eo amore dilecta, quo patri filia solet. Cum autem peregrinus quidam venisset ad divitem illum tot armentorum & gregum possessorem, & convivium esset hospiti parandum, ille bobus suis atque ovibus parcens, unicam illam veri pauperis ovidulam, omnes ejus divitias atque delicias, vi ereptam mactavit, & peregrino hospiti epulandam apposuit.

Hærebant adhuc in animo regis aliquæ prioris justitiae atque æquitatis reliquiæ, & ubi non officiebat victrix libido, recti pravique discriminem incorrupto judicio faciebat. Itaque medium Prophetæ sermonem abrumpens, quem, quo pertineret, non videbat, & juxta adversus iniquum divitem ira commotus exclamavit: *Morte dignum esse qui talia ausus esset, & pro oblatu per vim ovicula quadruplum redditurum.*

*Objurgationes & minæ Prophetæ Nathanis , &  
Davidis pœnitentia.*

Tum Nathan nulla jam circuitione utens , & ea, quæ nuncium Dei mandata afferentem decet , fiducia subnixus : *Tu es , inquit , ille vir . Commemoravit deinde , à quibus eum malis Deus liberasset , & quot ac quantis beneficiis cumulasset : inter octo fratres minimum , vix dum puberem , & pascentem oves , unctum fuisse Regem Israelitarum : è manus Saulis acerbo odio furentis divina ope ereptum , in mortui solium & potentiam successisse : regiam domum : regiam supellectilem , regias etiam uxores illi traditas fuisse ; quibus beneficiis , etsi magna erant , longe majora adjecturum fuisse Dominum : ipsum vero Davidem , conculeata lege divina , ex Huriæ Hethæi sinu uxorem rapsisse , & scelus scelerum cumulantem , gladio hostium interfecisse maritum innocuum , virumque fortissimum , pessimo consilio & exemplo . Admonuit , ne hæc flagitiose , & crudeliter admissa speraret se impune lateturum : instare merenti longam seriem malorum quæ ut acerbiora acciderent , originem & quasi fontem habitura essent ipsius domum : non recessurum ab ea gladium , & uxores illius viri , qui cum aliena adulterium commiserit , impudicæ alterius litidini in ipsius solis oculis obnoxias fore .*

Prophetæ objurgationes & minas adeo non impatienter tulit David , ut regiæ superbiæ oblitus , palam dixerit : *Cognoscere se tandem quam graviter adversus Dominum peccasset , nec multiplices , quæ luendæ erant , pœnas deprecatus sit . Tantus porro fuit , tam verus pœnitentis dolor , ut scrutator cordium Deus ei statim per Prophetam declarari voluerit , translatum esse , hoc est , dimis-*

sum, peccatum ejus, & remissam, quæ adultero &  
homicidæ debebatur, mortis pœnam.

*Absalon adversus Davidem patrem conjurat.*

Quæ à Deo justo scelerum vindice missum iri  
in Davidem mala prædixerat Nathan, ea ille om-  
nia expertus est: & iis æquo animo ferendis fe-  
cit, ut, quæ peccatorum pœna erant, essent & re-  
medium. Primum omnium, filium ex furtivo cum  
Bethsabee concubitu editum amisit, ut minatus erat  
Nathan, & amissio, vitæ necisque arbitrum Domini-  
num adoravit. Deinde incesto Ammonis filii sui in  
Thamarem sororem amore, & ejusdem Ammonis cæ-  
de ab altero filio Absalone in sororis vindictam  
facta, fœdatam regiam domum cum vidisset, ad  
extremum armatas adversus patrem impias filii ma-  
nus vix effugit.

Invaserat scilicet Absalonis animum insana reg-  
nandi cupido; nec, modo quod concupierat asse-  
queretur, quidquam pensi habebat. Nefariæ spei adi-  
tum sibi struere salutando, prehensando, osculando  
etiam ignotos: venditare suam operam omnibus: ob-  
viam ire accédentibus ad regem; magnifice de se,  
de illo criminose loqui; dolorem simulare quod ne-  
mo esset à patre constitutus, qui singulorum quere-  
las audiret: dictitare: *Si quando ipse judex sede-  
ret, tunc lites omnes juste & cito dijudicaturum.*  
Accedebat ad hæc, quæ & ipsa quandoque concilia-  
trix animorum est, singularis totius corporis dig-  
nitas, & ea formæ elegantia, cui nulla par erat  
in omni Israele. Ubi his atque aliis actibus illec-  
tam hominum manum comparavit, patre, quod  
mirum videri possit, inscio, secessit in urbem He-  
bronem, voti specie, ut cogitatum consilium perfic-  
ceret.

Missis per universas tribus ad sollicitandam hominum fidem nunciis, jusserset, statim atque auditus esset clangor buccinæ, se Regem appellari. Facta ergo conjuratione valida, Israel fere universus Absalonis partes secutus est.

*David egreditur cum suis ex urbe.*

Tunc David de se actum ratus, si intra urbis Hierosolymæ mœnia clausus maneret, suam & suorum salutem fugæ commisit. Egressus est ergo Rex, & universa domus ejus pedibus suis. Extulerat quidem sacerdos Sadocus arcam fœderis Domini, ut fugienti pio Regi ea comes esset & solatium. At ille sive timens, ne qua in re debita tam pretioso pignori reverentia inter fugæ trepidationem violaretur, sive se, denunciatas peccatorum poenas tunc maxime ferentem, tali honore indignum existimans, reporta, inquit, arcam Dei in urbem. Si invenero gratiam in oculis Domini, reducet me, & ostendet mihi eam; & tabernaculum suum; si autem dixerit mihi: non places, præsto sum, faciat quod bonum est coram se.

Transgressus torrentem Cedrum David, ascendit clivum olivarum flens, nudis pedibus incedens, & operto capite. Omnis quoque populus qui erat cum eo, operto capite ascendebat plorans.

*Semei maledicta patienter fert David.*

Pervenerunt deinde prope oppidum Bahurim, unde egressus vir quidam e cognatione Saulis, nomine Semei, nulla regiae dignitatis habita reverentia, & veluti translatum jam esset in parricidales Absalonis manus sceptrum, Davidem lapidibus pariter & maledictis cœpit incessere, nec injuriam

abstinuit ab iis qui à dextro & sinistro latere regi incedebant, fidi fugientis comites. *Egredere*, inquietabat, *egredere ex urbe regia & regno, vir sanguinarie, & omnium, quos terra sustinet, sceleratissime.* En tandem ingruit in te malorum procella, quam crudelitas tua excitavit. En ea te premunt omnia, quorum exemplum fecisti in alios. Dominum tuum & Regem Saulem regno & vita expulisti, extincti regnum prædam sceleris tui fecisti, universam ejus domum cædibus vastasti; & nunc tot facinorum ulti Deus, ereptam tibi viro sanguinum & tyranno regiam potestatem transmisit in manus posterioris filii tui Absalonis. Cum hæc & alia probra procaciter ingereret, ingens ira mota est cum cæteris Davidis comitibus, tum maxime Abisai, quem ad amputandum maledico conviciatori caput proferantem cohibens Rex patientissimus, expressa figura ejus, qui cum malediceretur ei, non maledicebat, eum pateretur, non comminabatur: Sinite, inquit, ut Semei Davidi maledicat: Dominus enim ita præcipit ei: & quis est qui audeat querere quare sic fererit? Ecce filius meus, quem genui, quærerit animam meam: quanto magis hic filius Iemini adversum me consterget? Permittite itaque ei, ut maledicat, secundum præceptum Domini: si forte respiciat Dominus ea quæ perpetior, & reddat mihi bonum pro maledictione hac hodierna. Incredibilem Regis patientiam mirati omnes dicto ægre paruerunt, & quod reliquum erat viæ ad oppidum Bahorim confererunt, prosequente eos eum maledictis & lapidibus, & terram spargente improbo atque impudente calumniatore, quem impunitas audaciorem fecerat.

*Absalon parentis uxoribus illudit.*

Interea relictam à Davide urbem Hierosolymam ingressus Absalon, convocatos amentiæ prodigionis que suæ socios consultare secum voluit quid agere è re sua esset. Aliis alia proponentibus, Achitophel, cui fidei plurimum habebatur, & cuius consilia ejusdem ferme auctoritatis adhuc fuerunt, quam missa è cœlo oracula, nefarie suasit Absaloni: *Ut cum tabernaculum in regiæ domus solario tetendisset, parentis uxoribus turpiter illuderet, inspectante universo Israele: futurum enim, ut eorum, qui filii partes sequebantur, animi confirmarentur magis, cum illata parenti ejusmodi injuria iis faceret fidem, quam vere ab eo defecisset, omnemque reconciliandæ in posterum cum eo gratiæ spem esse præcisam.* Placuit perduto adolescenti scélestum consilium; & quæ patri in adulterii poenam ante decem annos minatus erat Nathan, filius nesciens implevit.

*Domini nutu consilium Achitophelis dissipatum.*

Alterum Absaloni consilium dedit bellicarum rerum peritissimus Achitophel, quod ad bellum uno die patrandum pertinere videbatur. Censuit quippe Davidem & socios ejus, qui lassi, solutis manibus, & factis animis erant, quemprimum esse opprimendos, & eam in rem ultro operam suam obtulit. Sed Domini nutu dissipatum est consilium Achitophelis utile, ut induceret Dominus super Absalonem malum, brevemque parricidæ lætitiam cito exciperet acerba mors. Et hac vice consilio Achitophelis melius visum est consilium Chusai, qui, Davidi clam favens, dixerat Absaloni sententiam ejus exquirenti, non esse ei tentandum pugnæ dis-

erimen, antequam quidquid vivium habebat ex cunctis regni partibus in unum collegisset.

*Absalon prælio victus transfoditur.*

Chusai opera certior factus David quæ esset conjuratorum mens, & consilium, Jordanem amnem transmisit. Atque ubi commeatu, rerumque aliarum, quæ bello usui esse solent, copia nonnihil recreatus est, & aliquanto majore, quam cum ex urbe fugerat, numero militum instructus, stauit adversus crescentes magis ac magis conjuratorum vires ferro decernere, quoniam nulla eos placandi ratio esset. Recensitis ergo militibus Centuriones præfecit & Tribunos, &, diviso trifariam exercitu, partem unam Joabo, alteram Abisai, terram Ethai curandam tradidit. Ipse ante signa stare, licet jam duos & sexaginta annos natus, & communem belli aleam subire voluerat; sed tam charumi caput pugnæ periculis offerri populus non sicut. Cæterum, ut insitam à natura filiorum animis pietatem in parentes abjecerat Absalon, non ita paternam charitatem exuerat David, & cum prælio adesse non posset, ut impii filii vitæ ipse præsens caveret, stans juxta portam urbis Mahanaim, milites per turmas exeuntes & præpositos iis duces obtestatus est, ne særvinent in *Absalonem*, sed patrē *incolumen servarent*. Aliter visum erat violatæ paternæ majestatis ultiōri Deo. Concurrere acies numero militum & bellandi causa dispare: quippe altera, paucos numero milites complectens, jura patria & regia propugnabat; altera insanos preditoris & parricidæ conatus magnis opibus & copiis fovebat ac tuebatur. Acriter utrimque certatum est, & nihil omissum quod bellicæ virtutis esset aut artis. Sed tandem Deo in eam partem, unde

jus stabat, victoriam inclinante, terga dederunt Absalonis milites: & effusa fuga passim dispersos in sequente hoste, ad viginti hominum millia cecidere. Ipse, qui superbos altosque spili s gerebat, parrem animo suo exitum sortitus est. Nam dum celso mulo sublimis, subter condensam quercum præcipiti fuga rapitur, capilli, quos densos admodum & longos gestabat, ita ramis arboris una cum capite impliciti cohæsere, ut ille cœlum inter & terram alte suspensus permanserit, mulo, cui insedebat, post amissum sessorem, cursum prosequente.

Viderunt multi à Davidicis militibus veluti divina manu prohibitum à fuga, & patibulo affixum juvenem impium, & ejus perfidiam execrari satis habentes, manus ab illo continuere, ne patris doarem, filii, cui parcitum voluerat, cæde gravarent. At Joabus, cui dissoluta patris in filium benignitas videbatur, omnem Davidi locum præripere festinans mitius agendi cum immerente, tres lanceas in cor pendentis defixit. Et cum adhuc palpitaret hærens in quercu, concurrentes decem juvenes armigeri Joabi, repetitis ictibus confossum interemerunt. Tum detractus è quercu, in grandem foveam projectus & magno comportatorum lapidum acervo obrutus est, dignam factis suis mercedem consecutus.

*David Absalonem filium luget.*

Stabat interea Rex ad portam urbis, tum de pugnæ eventu, tum maxime de Absalone suo sollicitus. Cumque ingenti cæde prostratos hostes, filium quoque imperfectum audivisset; nihil ex insigni victoria, quæ de hostibus quidem, at civibus suis, relata erat, lætitia percepit: sed filium, in ipso parcidio mortuum, æternis plectendum esse pœnit animo reputans, tristem ejus exitum, quem sua ip-

sius morte redemptum op̄asset, piis lachrymis prosecutus est, & iterum atque iterum exclamavit: *Fili mi, Absalon, Absalon, fili mi, quis mibi tribuat, ut ego moriar pro te, Absalon fili mi, fili mi Absalon?* Et cum flendi, ac querendi nec modum nec finem fac ret; sed operto capite domi inclusus filium mortuum nomine inclamaret; ingressus ad regem Joabus, tum precibus, tum minis pervicit tandem, ut se conspiciendum præbere ac salutandum populo, qui ex hoste victor rediens, adeo non ausus erat in paterno mœrore urbem universus ingredi, latantis animo atque habitu, ut, versa in luctum Victoria, furtim quisque ingressus esse, eodem fere pudore, quo solent qui victi, & è prælio fuga elapsi sunt.

*David Semei veniam precanti ignoscit.*

Cum David revocatus à Tribu Juda in urbem Hierosolymam rediret, singulæ civitates quasi suis excitatæ sedibus in regis cœcursum properant. Tum manare aliis præ gaudio lachrymæ, quod tam benignus in pace Rex, tamque fortis in bello imperator sibi restitutus esset, suam alii stultitiam increpare & fluxam fidem, quod adolescentem impia invadendæ paternæ potentiae cupidine correptum justo, utpote divinitus electo, Regi prætulissent: omnes studio in reducem & obsequio certare.

Adest & maledicus ille convicator Semei, qui suæ adversus optimum regem petulantia sibi conscientius, fracto nunc & abjecto animo procidit ad pedes ejus, & humili prostratus rogat, ne meminaret insectationum & maledictorum suorum: se cognoscere quam graviter peccaverit; sed ut sua insignis in regem prosacitas fuit, sic jam reverentiam &

*dem eminere.* Fictam aut tardiorem perfidi hominis pœnitentiam , & solo mortis metu expressam peccati confessionem , non tulit Abisai , & qui convicia confidenter & proterve fundenti cervicem absindere antea voluerat , debitam pœnam etiam ad humiles preces descendantì tandem irrogari postulabat. Sed quam patiens injuriæ in rebus adversis fuerat David , tam fuit clemens in secundis. Nam eamdem , quam prius , in Semei benignitatem animi retinens , & increpito Abisai , quod eo ipso tempore quo sibi adultero olim & homicide , regnum & vitam servasset Deus , se ad plectendam capitalli supplicio verborum injuriam excitaret ; nolle se ait præsentem lœtitiam cuiusquam funere corrumpi ac fædari : & juruvit non esse moriturum Semei.

*Omnem populum Israeliticum recenserit jubet  
David.*

Exstinctis merita morte Absalone & Saba pessimis rerum novandarum auctoribus , redierant tote cōrde ad Davidem omnes Tribus Israelis : & Philistæos arma semper infeliciter adversus Davidem tentata retractare ausos magna clades affecerat. Compressis ergo tan exteris quam domesticis motibus , placida pace florebat regnum Israeliticum , & magnis tum virorum tum opum actibus crescebat. Tunc , ut adversus superbiæ venenum vix umquam satis cauta ulia pietas est , regem propter imperii incrementa sibi fortasse potius plaudentem , quam bonorum omnium auctori Deo gratias agentem , mala cupido incessit recensendæ gentis Israelitarum : & jussit exercitus sui principem Joabum , peragratis omnibus Tribubus à Dan usque Bersabee , numerare eos viros qui viginti annos & supra haberent.

Vidit vir aliunde non admodum religiosus censem illum , cujus nulla probabilis causa occurrerat , ingratum fore Deo , quem respondit orandum potius esse ut adaugeret populum ac centies majorem efficeret . Regi vero omnino deponendam intempestivam illam , & quæ fortasse funesta quoque futura esset , numerum suorum ineundi libidinem . Sed ut vehementes plerumque sunt & obstinatae regiae voluntates , & id consilii Davidi in mentem venire permiserat Deus , ut Israelitas , adversus quos ob peccata iratus erat , puniret , nec principi militiae nec aliis ducibus recta monentibus paruit . Per decem circiter menses lustrata est terra quæ sub Regis ditione erat : factaque à Joabo & oblata regi descriptione populi , inventa sunt in Israele undecies centena millia virorum fortium , qui educere gladium ad pugnandum possent , & in Juda circiter quingenta millia . Neque tamen Joabus numeravit Tribus Levi & Benjamini , eo quod invitus exqueretur regis imperium .

### Septuaginta hominum millia pestis absunt.

Vix id rescivit David , cuius cognoscendi cupidine tanta flagrabat , cum eum talia optasse ac mandasse puduit poenituitque : & percutiente eum corde suo , dixit Domino : Peccavi valde in hoc facto : sed precor , Domine , ut transferas iniquitatem servi tui , quia stulte egi nimis . Sequenti die accessit ad eum , ita juvente Deo , Gad Propheta & dixit : Trium tibi datur optio : quod ex his volueris , unum elige . Aut tribus annis veniet tibi fames in terra tua : aut tribus mensibus fugies adversarios tuos , & illi te persequentur : aut certe tribus diebus gladius Domini & pestilentia versabitur in ter-

ra tua. Nunc ergo delibera & vide quid me renunciare velis ei à quo missus sum. Ad tales angustias redactus David respondit: *Coarctor supra modum: sed melius est ut incidam in manus Domini (multæ enim misericordiæ ejus sunt) quam in manus bonum.* Et rejectis famis ac belli malis, à quibus Reges tutos præstare solent opes suæ; malum regnabitibus æque ac plebeculæ formidandum, pestilentiam elegit. Quæ cum in omnes sine discriminé passim sœviret, ita ut septuaginta hominum millia absumpsisset, & videret David Angelum stantem inter cœlum ac terram gladio evaginato & verso contra Hierosolymam, humi prostratus inter majores natu ciliciis vestitos, se unum pro omnibus pœnæ offerrebat, dicebatque: *Ego sum qui peccavi, ego iniuste egi. Iste grex quid commeruit? Domine Deus meus, vestatur, obsecro, manus tua in me & in domum patris mei: populus autem tuus non percussatur.* Tum, erecto altari in area cujusdam Areunæ sive Ornam Jebusæi, sicut Dei jussu eum monuerat Gad Propheta, Domino holocausta obtulit, quæ misso è cœlo igne accepta habere visus est; misertusque pereuntis hominum turbæ, & placatus Davidi, dixit Angelo percutienti: *Sufficit: nunc contine manum tuam.* Convertit ille gladium suum in vaginam, & statim desiit grassari pestilentia, cohitaque est plaga ab Israele.

Sita autem erat area illa Jebusæi in monte Moriæ, ubi Abrahamus filium Isaacum Domino in holocaustum offerre paraverat: & hunc ipsum locum ad ædificandum Deo templum deinde elegit David.

*Ezechias à rerum sacrarum cura regnandi exordium dicit.*

**E**x viginti Regibus Judæ, qui à Salomonis morte annos circiter quadringentos imperium obtinuerunt, insignis paucorum in Deum pietas fuit, multorum vero impietas. Quemadmodum autem inter impios præ ceteris numeratus est Achaz; sic inter pios excelluit filius ejus Ezechias: qui tali patre genitus exemplo suo comprobavit, pietatem bonorum omnium præstantissimum, non à parentibus ingenerari filiis, & tradi, sed desuper fluere ab eo, à quo uno est omnis sapientia, & omne domum optimum.

Regiam potestatem adeptus ea aetate, qua plerumque libidines sese profundunt universæ, non se inertiae neque luxuriæ corrumpendum dedit. Verum à rebus sacris regnandi initium ducentum ratus ipso primo regni mense clausas dum à patre valvas templi Domini aperuit instauravitque, & congregatos Sacerdotes ac Levitas blande compellans, admonuit: *Multos jam annos omnipotenter Dei cultum neglectum jacere, nullam Tabernaculi reverentiam esse, nullam sacrificiorum curam. Concitatum fuisse propterea furorem Domini adversum Judæ, traditosque multos & in sibilum, & in captivitatem, & in interitum. Precibus tandem & pio cultu placandam esse iram divini numinis, & novum cum eo fædus ineundum. Eos porro cetero joculo praire exemplo oportere, quos sibi ministros ipse elegisset Deus.*

Eo, quo par erat, gaudio Regis verba excepta sunt, & omnibus facta spes illum in Davidis mores atque instituta abiturum. Statim domus Domini, & cuncta ejus supellex, & vasa que Achaz

polluerat, ab omnibus sordibus p r dies multos ri-te purgata sunt, & expiata. Tum Ezechias medius inter omnes Principes civitatis, quos propterea con-vocaverat, ascendit in templum, & tam suo quam illorum nomine obtulit tauros, & arietes & agnos & hircos, quos mactaverunt Sacerdotes pro piaculo universi populi Israelis. Cumque finita esset *oblatio*, Rex & omnes qui aderant incurvati adoraverunt. Obtulit quoque universa multitudo & laudes & hos-tias & holocausta mente devota; atque, ut victi-marum sanguine imbui altare non desineret, pro-videns, boves sexcentos & tria ovium millia Do-mino consecravit. Cum autem sacris operarentur Sacerdotes, stabant Levitæ ex mandato Ezechiae cum cymbalis & psalteriis, & citharis, & aliis organis, quibus clangebant & concrepabant, canentes laudes Domini, & cantantes psalmos Davidis & Asaph, om-ni turba interea prona adorante. Magna porro lætitia perfusus est Ezechias & omnis populus, quod tam fausta repente rerum mutatio facta esset, & hanc sibi mentem immisisset Dominus.

*Celebrandi Paschatis consuetudo renovatur.*

Haud multo post, inito cum principibus & ci-yibus Hierosolymæ consilio, Ezechias diu intermis-sam celebrandi Paschatis consuetudinem revocare statuit. Et pro eo, quo ardebat, studio vera pietate imbuendi non eos solum qui suo subjecti essent imperio, sed etiam dispersos per quaslibet Tribus Is-raelitas; nuncios alio dimisit, cum epistolis, qui-bus hortabatur omnes, ut reverterentur quamprimum ad Dominum Deum patrum suorum. Sic enim futu-rum affirmabat, ut Deus, qui clemens esset & mi-sericors non averteret faciem suam ab ipsis, sed & pressos duro servitii jugo reduceret in patrium, &

*reliquias, quæ effugerant manum Theglathphalasari Regis Assyriorum, præsenti auxilio adjuvaret. Orabat ergo ne indurarent cervices suas, sed traderent potius manus Domino, ac servirent, & alacres propperarent ad sacrarium ejus.*

Singulas civitates velociter peragravere cursores regii, multis illos irridentibus & impie cavillantibus, dum alii Ezechiae consilio obtemperantes ibant in urbem Hierosolymam. At vero qui hominum corda pro arbitrio flectit Deus, hanc cuncto populo Judæ mentem dedit, ut regi salutaria suadenti ultro obsequeretur. Itaque ea hominum lætitia & frequentia, ea etiam victimarum copia, quanta numquam antea, Azymorum & Paschæ solemnitas celebrata est. Quippe duo milia taurorum & ovium septendecim millia multitudini præbita sunt à Rege & principibus. Benedixerunt populo Sacerdotes atque Levitæ & exaudita est vox eorum, perveneruntque preces ad domum sanctam Dei in cœlo.

### *Deorum simulacra & serpens æneus confringuntur.*

Cum rite & sancte peractæ fuissent Paschales cærenoniæ, quibus præter morem additi fuerant dies septem in gratiam populi ita postulantis, censes, conversis jam ad unam veram religionem animis, & falsorum Deorum cultum detestati, per singulas urbes non Judæ solum & Benjamini, sed etiam quarundam aliarum tribuum, diversi abidere; neque pia ira accensos prohibuit simulacrorum elegantia aut materia, ararum opulentia, amoenitas locorum, quominus cuncta frangerentur, demolientur, succiderentur.

Quod ut libentius & majore animo ficerent, Ezechias, qui suos factis multo magis quam verbis admonebat officii, ipse confregerat serpentem æneum,

quem à Moyse , jubente Deo , erectum in deserto per ætates multas omni cura & reverentia servaverat Israël : pretiosum quidem depulsæ quondam ad ejus aspectum lethalis plague monumentum , & clarum exaltandi aliquando in cruce Christi signum , sed cui declinantibus , ut fere sit , à prisca veneratione in pravam religionem animis , jam dudum thus adoleri mos erat.

*Sacrificiis & sacrorum ministris providet Ezechias , vincitque Philistæos.*

Sua divino cultui restituta integritate , definitis etiam , quæ aut Sacerdotum aut Levitarum Ordini implenda erant secundum Moysis legem , officiis , regiarum divitiarum usum nullum potiorem existimavit Ezequias , quam si earum pars aliqua in divinæ majestatis honorem cederet . Voluit ut certus quotannis sumptus è re sua impenderetur in holocaustum Domino per singulos dies mane & vespere offerendum , Sabbatis quoque , & calendis , & solemnitatibus cæteris .

Providit etiam ut Sacerdotibus & Levitis , qui Templi ministerio erant addicti , suppeterent quæ ad victimum essent necessaria , quo omnis propter illa curæ expertes , suo quisque officio , sicut olim à Moyse constitutum fuerat , toti vacarent . Præcepit ergo ut primitiæ iis darentur & decimæ . Quod mandatum Regis cum percrebusset , pervenissetque ad aures multitudinis , illico tantum frumenti , & vini , & olei , & mellis , & omnium quæ è terra gignuntur , obtulerunt , ut , saturatis Sacerdotibus ac Levitis , & acervos eorum quæ remanserant exhibentibus , horrea in domo Domini aut vetera refici , aut nova ædificari Rex jusserit , ad condendas , quarum magna copia erat , reliquias .

In his , & aliis quæ ad revocandam aūgendamque rerum divinarum curam ac reverentiam præstítit Ezechias , requirens Deum toto corde suo , operatus est quod erat bonum & rectum & verum coram eo . Et ut adhæsit Domino , fecitque mandata ejus , fuit quoque Dominus cum illo , ita ut cunctis quæ aggredieretur , sapienter ac fortiter se gereret .

Speraverant Philisthæ Regem , qui totus in Dei sui cultum versus videretur , nihil animi ad bellum aut inferendum aut propulsandum habiturum . At magna clade ab Ezechia affecti intellexerunt , illam animi fortitudinem , quæ in subeundis armorum periculis posita est , pietate in Deum , si cui ea contingit , mirum in modum augeri , non vero frangi aut debilitari . Noluit quoque Ezechias servire Assyriis , & impositum sibi jugum tributi excussit .

*Sennacheribus multas Judæ urbes capit:*

Ubi potentissimus Assyriorum Rex Sennacheribus audivit Ezechiam à pendendo tributo immunem regnare veille , eum armorum vi cogere , ejusque regnum omni clade vastare statuit . Itaque coacta innumerabili peditum , equitum , & quadrigarum multitudine , in Judæ fines irrupit , privatam tantum injuriam , ut putabat , ulturus . At virga erat & baculus furoris Domini . Ipse sibilo immensa illa agmina , quasi apum examina evocaverat . Ipse exundantes illas rapidi fluminis aquas in terram Judæ adduxerat . Ad famam adventantis hostilis exercitus , fuga passim ex agris in loca munita fieri ; concurrere ad arma qui militaris ætatis essent : urbium munimenta collapsa refici , nova estrui ; frumenta , missilia , & alia quæ ferendæ obsidioni usui esse poterant , undique comportari . Sed irrita omnis illa trepidatio , arritus labor fuit . Ubi longe ac late vacuos campos

obtinuit Sennacheribus , huc & illuc arma circumfere-  
rens , civitates natura aut opere munitas , alias in-  
tra paucos dies expugnabit , alias solo nominis sui  
terrore reseratis portis victorem exercitum accipere  
coegit : ita ut una fere superesset urbs Hierosolyma,  
quæ incendii cuncta corripiens vim potius nondum  
experta , quam latura , videretur.

*Ezechias populum bortatur ad spem reponendam  
in Domino.*

In regiam urbem omnem belli impetum ac mol-  
lem verti intelligebat Ezechias , simulque quam pa-  
rum præsidii aut in murorum munitionibus , aut in  
civium fortitudine reponendum esset. Nihil exspec-  
tabat auxilii ab Æthiopibus & Ægyptiis , ad quos  
ut legati & munera mitterentur , nonnulli Princi-  
pum , ipso frustra adversante , pervicerant. Totam  
in Domino exercituum spem ponebat ; ab eo uno  
salutem exspectandam putabat ac prædicabat. Habi-  
to tamen cum Principibus & viris rerum bellicarum  
peritis consilio , ex communi omnium sententia , in-  
dustriae agens , ea fecit quæ hostibus incommodo,  
civibus vero saluti esse possent. Fontium , qui extra  
urbem fluerent , capita obturari , & rivos omnes ,  
qui campos interfluebant , averti , quo infinita illa  
hominum ac jumentorum multitudo siti conficeretur ,  
curavit. Eversum murum restituit , alterum forinse-  
cus addidit , & turres superexstruxit. Tum gladios  
& hastas & clypeos & alia omnis generis arma tela-  
que excudi jussit , & in exercitu suo multos duces  
ac præfectos constituit.

Postquam nihil non parasse ac molitus esse vi-  
sus est quod ad hostem humanis viribus propulsan-  
dum à muris valere posse populus judicaret ; eam ,  
quam pectore fovebat , divini auxilii spem non du-

biam in suorum quoque animos tentans transfundere, iis in platea congregatis dixit: *Viriliter agite, & confortamini. Ne pavetis, & nolite timere Regem Assyriorum, atque universam multitudinem quæ cum eo est. Multo enim plures nobiscum sunt, quam cum illo. Est quippe cum illo brachium carneum: nobiscum vero Dominus Deus qui auxiliator est noster, pugnatque pro nobis.* Non nihil ad cœlestis opis spei erectus est animus multitudinis cum his Ezechiae verbis, tum Isaiae Prophetæ monitis ac vaticiniis, qui jam antea venturum Assyrium prædixerat, ejusque itinera, castrorum metationes singulas, victorias, sacrilegas minas & cogitationes quasi vi-dens audiensque prænunciarat: & tum, ferocissimum hostem quasi lagunculam confringendum esse & conterendum & conculcandum, salva urbe Hierosolyma, affirmare non desistebat.

### *Ezequias à morte imminentे liberatus.*

Dum in urbe omnia belli aparatu strepunt, & alii, pro cujusque ingenio; mœrore confecti jacent, alii varia obsidionis mala fortiter laturi videntur; Ezechias subito morbo correptus est. Qui cum quotidie magis ingravesceret, accessit ad ægrum Isaias Prophetæ, & nihil regiam majestatem reveritus ubi imperanti Deo parendum esset, dixit ei: *Hæc dicit Dominus: rebus tuis provide, quia morieris tu, & non vives.* Regis dolorem vehementer augébat pius timor, ne & morbus quo conilictabatur & denunciata proxima mors gravioris delicti, in quod fortasse incidisset imprudens, pœna essent, maxime cum necdum ei ulla stirps virilis esset, quam tamen in Davidis posteris usque ad Messiae tempora non defuturam, pollicitus fuerat Deus. Itaque averso à luce vultu, conversusque ad parietem, magno fletu

oravit Dominum , ut misereretur sui. Precibus ejus ac lachrymis motus Deus , mutata statim sententia, eum intra dies tres depulso morbo valentem ascensurum esse in Templum , quindecim annos ejus vitæ additum iri : & urbem Hierosolymam à Regis Assyriorum assultibus liberam fore pollicitus est. Quæ Dei promissa ut præsenti signo confirmaret idem, qui ea ferebat , Propheta Isaias , Solis umbram ipsumque Solem per decem retro lineas in horologio reverti , Rege ita postulante , jussit.

*Ezechias thesauros suos Babylonii ostentat.*

Ubi primum ex morbo convaluit Ezechias , gratias egit ei qui pro sua potentia & sapientia mortales deducit ad inferos , & reducit ; edditque canticum quod in libris Isaiæ Prophetæ extat. Neque tamen (quæ est humanæ mentis infirmitas semper in præceps tuenti , nisi præsens adsit auxilium Dei ) retribuit ille Domino , secundum beneficia quæ accepérat , sed elevatum est atque exaltatum cor ejus. Venerant cum muneribus & litteris missi à Rege Babyloniorum Legati , qui Ezechiae restitutam valetudinem gratularentur ; & ut syderum motus sedulo contemplari solebat Babyloniorum gens , interrogarent de portento quod nuper acciderat. Tunc Deus , cuius judicia abyssus multa , & viæ investigabiles , dereliquit eum , ut tentaretur , & nota fierent omnia quæ erant in corde ejus. Thesauros ille sibi plurimos congregaverat argenti , & auri , & lapidum pretiosorum , & aromatum , & unguentorum , pigmentorumque , & vasorum & armorum. Apothecas quoque habebat frumenti , vini , & olei , & præsepio jumentorum , & caulas pecorum , & greges ovium atque armentorum innumerabiles. Hæc ille universa & singula , quibus ab ipso Domino inclytus fuerat

factus , Legatis Babylonicis ostendit plus æquo lætus , & quod unus cordium scrutator Deus cernebat , sibi ipse plaudens , ac tacite superbiens . Hanc in pio Rege mentis elationem non impunitam voluit , qui quos amat arguit & castigat : & ad eum missit Isaiam , qui denuntiaret : *Omnes illos , quos Babylonis ostentasset , thesauros , esse aliquando in eorum manus transferendos ; & filios ejus in aula Regum Babyloniorum servilibus ministeriis functuros . Agnoscit ille & culpæ gravitatem & æquitatem poenæ : & quia humiliatus est tam ipse quam habitatores Hierosolymæ , idcirco non venit super eos ira Domini tempore regis Ezechiae .*

*Ezechiam adversus Rabsacis impia ac superba dicta consolatur Isaias .*

Interea urbem Lachis cum universo exercitu obsidebat Sennacheribus . Ad quem cum Ezechias trecenta talenta argenti & triginta talenta auri misisset , ut pacem redimeret , & ab urbe regia tempestatem magis in dies imminentem averteret ; ille accepta pecunia , quam Regi à se peccatum fuisse dicenti , & pacem oranti , imperaverat , promissis non stetit : & non modo belli consilium non abjecit , sed etiam tres exercitus sui duces cum parte copiarum ire Hierosolymam ad Ezechiam jussit . Qui cum Regem ad colloquium frustra evocare tentassent , unus inter eos , nomine Rabsaces , dixit iis quos ad cognoscenda Legatorum postulata miserat Ezechias , stante supra murum atque audiente populo : *Ezechiam inani fiducia nitentem defecisse à magno Rege Sennacheribio . Nullam ei spem reponendam esse neque in Rege Ægypti , neque in Deo suo : quorum alter , baculus esset arundineus , cui si quis innixus fuerit , comminutus ingrediatur & perforet manum*

ejus; alter non magis populum Iudeæ ab Assyriorum armis tutum præstitus esset, quam gentes plurimas sui Dii præstitissent. Plebem monuit ut caveret, ne in aperto perniciem præceps rueret, & se vana persuasione deludi pateretur à Rege suo, qui certum auxilium policebatur ejus Dei, cuius voluntate ipse egressus esset ex Asia Rex Sennacheribus, ad disperdendam gentem quæ rebelli Regi pareret. De ique nihil a civibus Hierosolyma fieri melius posse contendit, quam si eum Regem, quem nulla locorum asperitas, nulla militum copia, nulla humana divinaque vis retardarat, intra portas ultro reciperent, sub illius deinde auxiliis umbra comesturæ unusquisque in patrio solo de vinea sua & de ficu sua, & bivituri aquas de cisternis suis: aut transferendi in terram, quæ similis esse terræ eorum, terram fructiferam, & fertilem, terram & panis, & vini, & olei, & mellis feracem.

Cum hæc aliaque multa & adversum se & contra Dominum Deum superbe atque impie dicta ad sollicitandam populi fidem accepisset Ezechias, scidit vestimenta sua, operuit se sacco, & ingressus templum ut divinam opem imploraret, primos regiæ domus ministros, & seniores Sacerdotum, sacris pariter operatos ad Isaiam misit, qui referrent, quam sacrilegas in Deum voces effudisset nomine Regis sui Rabsaces. Facere in domo Domini humi prostratum Ezechiam iisdem excruciotum doloribus quibus soleret mulier portuens: & queniam timeret ne preces suas iratus Dominus aversaretur, postulare à Propheta, ut ipse oraret pro misericordia populi reliquias. Respondit Isaias, Assyriorum minis terroris Ezechiam non oportere: omnes superbi & impii Regis conatus inanes futuros: reversurum enim illum in eas, unde profectus esset terras, & ibi cruentia morte interitum.

*Ezechiae divinum auxilium iterum pollicetur Isaias.*

Quæ habenda esset Isaiæ verbis fides , statim compertum est. Nam cum Sennacheribo urbem Lobnam obsidenti nunciatum esset Tharacam Æthiopiam atque Ægypti Regem è finibus suis egressum esse, ut urbi Hierosolymæ veniret subsidio ; reicta obsidione properavit in occursum ejus , missis prius ad Ezechiam alteris Legatis cum litteris , quarum summa hæc erat : *Non debere eum decipi inani spe ac fiducia in Deum suum , cuius potentia , quantacumque illa prædicaretur , neque ipse , neque urbs Hierosolyma eripi possent è manibus Assyriorum , sicut Deorum suorum ope erepti non fuissent cæteri Reges ac populi , quos bello vicerat.* Ezequias acceptis lectisque litteris , ascendit in templum , & expandit illas coram Domino , ejus oculis quasi legendas subjiciens , dixitque : *Domine exercituum , Deus Israël , qui sedes super Cherubim , tu es Deus solus omnium regnum terræ , tu fecisti cælum & terram. Aperi , Domine , oculos tuos & vide : inclina aurem tuam , & audi omnia verba , quibus Sennacheribus exprobravit tibi Deo viventi. Vere , Domine , desertas fecerunt gentium terras Reges Assyriorum , & dederunt igni ac comminuerunt Deos earum. Non enim erant Dii , sed opera manuum hominum , lignum & lapis. Et nunc , Domine Deus noster , salva nos è manu ejus : & cognoscant omnia regna terræ te esse Dominum Deum solum.*

Dum has ad Deum preces fundit Ezechias , quibus justam ejus adversus Sennacheribum iram , quæ quasi sopita videbatur , excitet , adsunt missi à Prophetæ qui Regem , bonæ quidem spei plenum , sed ut in tali tempore gravibus anxium curis , consolentur , doceantque : *Exauditum fuisse à Domino. Su-*

perbum Sennacheribum, qui & vocem & oculos exaltaverit contra Dominatorem universæ terræ, Sanctum Israelis, qui se & succidisse sublimes cedros, & agros vastasse, & annes exsiccasse gloriatur; qui templo Excelſi & urbi Hierosolymæ ferrum & ignem minetur, ulticem Dei manum tandem experturum. Equum illum impatientem freni & ferociter exultantem, jam jam potenti virga domitum, preforatis circulo naribus & constrictis cano labiis, reducendum esse in viam per quam venerit. Victorem tot gentium, qui curru sublimis incedere solitus sit, per ea loca quæ vincendo peragrasset, & infinitis prope agminibus complesset, vix paucis suorum comitatum turpiter fugiturum. Urbem Hierosolymam, quæ ex infensi hostis fauibus eripi non posse videatur, adeo non expugnandam esse ac diripiendam, ut ne illo quidem aggere ab eo circumdanda sit, & oppugnanda; sed protecturus sit eam ac servaturus Dominus propter se, & propter servum suum Davidem. Inani superbia tumentem Regem Assyriorum, quæ prospere gessisset, suo ipsius consilio, sue fortitudini, tribuere: sed Dei, cui tam proterve illudat, æterno decreto ac nutu cuncta patrata, qui ipse eum adduxerit ad punienda peccata populi.

*Ob advocata externa auxilia sibi plaudunt Principes Judæ.*

Cum primum in regnum Judæ irruperat Sennacheribus, futuri præscius Isaias monuerat, ut jam dictum est, populum Hierosolymæ, ut quiesceret, nihil ab irato Principe metuendum esse: omnem spem collocandam in Domino, cuius potentiae ac voluntati nulla humana vis valeret resistere; neque externa accersenda auxilia, quæ nihil profutura essent, imo plurimum nocitura: Ægyptum, ad cuius opes con-

*fugere oportere dicebant nonnulli, hominem esse, non Deum, & equos ejus carnem, non spiritum: Domino manum suam inclinante, corruiturum auxiliatorem, & magnam ex Ægypto & Æthiopia juvenum ac senum turbam discalceatam & corpore turpiter discooperto, captivam abductum iri a Rege Assyriorum. Quod vaticinium ut non mentem solum sed etiam oculos multitudinis afficeret, ipse discalceatus, & seminudus, Deo sic jubente, urbem perambulaverat. Sed Prophetæ recte monenti & vera prædicenti nullam fidem habuerat Principum Judæ major pars: & magnum se operæ pretium existimaverant facturos, si & legationibus & muneribus Ægypti atque Æthiopiæ Regem perpellere possent ad arma adversus Assyrios movenda. Quod cum, Ezechia prohibere non valente, præstisset, & res ex animi sententia cessisse videretur, quia Tharacam universas regni vires, secum trahentem accelerare ad decertandum cum Sennacheribo nunciabatur: sibi plurimum placebant, quod Prophetæ & Regis pias potius quam tutam suadentium posthabitum consiliis, ad humanum auxilium respexissent; & cum certam Ægyptiorum atque Æthiopum de Sennacheribo victoriam prædicarent, proximam omnis molestiæ liberationem suæ in tractandis quæ bellum & pacem spectarent solertiæ tribuendam esse jactitabant.*

*Victis Æthiopiæ & Ægypti exercitibus accedit ad urbem Hierosolymam Sennacheribus.*

Sed quod Dominus decrevit, quis poterit infirmare? & ubi manus ejus extenta est, quis avertet eam? quæ Propheta à Deo monitus ventura præixerat, ea eventus comprobavit, idemque arguit quam inania sœpe sint hominum consilia, quam fallaces spes, Coniunctos Æthiopiæ & Ægypti exer-

citus fudit cæciditque Sennacheribus: & cum castris omni opulentia refertis potitus esset, eos qui cædi superfuerant, effusa fuga recedentes, in Ægyptum usque persecutus, multam inde prædam, multos captivos abduxit.

Tam insignis victorïæ gloriam suæ ipsius fortitudini tribuebat dementer superbus Rex, securim aut serram imitatus, quæ quidquid laudis debetur robori aut peritiæ artificis, à quo movetur, sibi vindicaret. Factus itaque multo quam ante ferocior, & novis viribus instructus, magnis itineribus contendit Hierosolymam, ad obterendum hostem, quem omni jam spe atque ope destitutum putabat; & ipsi omnipotenti Deo minitans, unicam ejus in terris sedem, unicum sacrarium, tam facile se funditus eversum prædicabat, quam multiplices aliorum Deorum aras, statuas, templa sustulerat. Hos animos gerens, propius muros accessit, & castris positis, quæ ad obsidendas expugnandasque urbes opus sunt, erat jam jam apparaturus.

Vocabat tum Dominus universum populum Juðæ ad fletum & ad planetum, ad calvitium, & cingulum sacci: at pro his apud nonnullos (quæ est humanæ mentis perversitas, gaudium & lætitia!) occidere vitulos & jugulare arietes, comedere carnes & bibere vinum, una cura erat. *Comedamus, inquietabant, & bibamus: cras enim moriemur.* Alii contra inter miserabiles conjugum & liberorum ejulationes dolore pene enecti, & domi inclusi, mortem sævissimam, aut duram servitutem exspectabant. Omnes si quos forte excipias, spes tota deseruerat: & eorum iudicio temeraria atque insana Regem suum habebat fiducia, qui in tam afflictis ac perditis rebus Prophetæ adhuc fausta vaticinanti crederet, & de promissa ope divina adeo non desperaret, ut etiam certam de fortissimo hoste mœnia

circumsidente victoriam cum civium fere omnium  
irrisione polliceretur.

*Deletus exercitus Sennacheribi, ipse à filiis deinde  
occisus.*

Verum qui habitat in cœlo irridet impios, &  
tamquam vas figuli confringit eos: scutum autem est  
omnium sperantium in se. Illa ipsa nocte, quæ re-  
gis Sennacheribi redditum ex Ægypto, & ejusdem  
de oppugnanda urbe Hierosolyma consilium secuta  
est, micuere repente è cœlo fulgura super castra  
Assyriorum, auditus horrendus tonitruum fragor, &  
visa passim cadere fulmina, inter grandinem vento-  
rum turbine incussam, & imbre torrentis modo  
effusum: percussitque Angelus Domini centum &  
octoginta quinque hominum millia, intacto, ut aper-  
tius & crudelius periret, ipsorum Rege: qui cum  
diluculo surrexisset, & cadavera suorum passim ja-  
cere sparsa conspexisset; intellexit tandem quanto  
intervallo distat terra à cœlo, tanto humanas vires  
à veri Dei potentia distare. Fracti sunt spiritus illi  
feroces: & quasi victricem formidandamque Omni-  
potentis manum tergo suo inhærentem sentiret, tre-  
pida & turpi fuga cum paucis suorum reversus est  
in Assyriam, suæ cladis ipse nuncius futurus, &  
nefariis filiorum gladiis confodiendus. Nam cum in  
regia urbe Ninive staret ante aras Dei sui Nesroch,  
eum filii duo Aramelech, & Sarasar infando qui-  
dem parricidio, sed morte merita, contrucidarunt,  
ita regente omnia divina sapientia & justitia, ut qui  
adversus vitæ & omnis regiæ potestatis auctorem im-  
pie insurrexisset, & vitam & regnum sibi per vim  
eripi à filiis, sanctas naturæ leges impio facinore  
concultantibus, videret.

*Ezechiae pietas & mors.*

E tam præsenti periculo præter omnium circa populorum opinionem divinitus liberatus Ezechias, eos in tantum Dei Israelitarum timorem, & tantam pietatis suæ reverentiam adduxit; ut alii eum deinde bello lacessere nefas esse & periculosum ducerent; alii magna quoque munera ei, tamquam communi ab impotenti Assyriorum dominatu liberatori, & hostias Domino in urbe Hierosolyma immolandas, mitterent. Itaque per reliquam vitam placida pace frui ei licuit: deditque illi Dominus filium regni successorem futurum, & amplas omnis generis divitias. Ipse autem fecit quod erat bonum coram Domino, sicut David pater ejus. In Domino Deo Israelis tum maxime speravit, cum nullus superesse videretur spei locus. Neque ante, neque post eum fuit similis ei in cunctis Regibus Judæ. Adhæsit Domino; nec deflexit ab eo, fecitque quæ ab illo fuerant præcepta Moysi. Unde & erat Dominus cum illo, & quoniam in omnibus quæ aggrediebatur, sapienter agebat, ea illi feliciter cedebant. Porro viginti & novem annos regnavit. Mortui exequias celebravit universus Juda, & inter sepulcra avorum Regum loco insigniore conditus.

Quoniam *omnia in figura contingebant* populo Israelitico, satis constat ex multis sacrorum librorum locis, urbem Hierosolymam, quæ ab omnibus superbi Sennacheribi conatibus illæsa permansit, expressam esse imaginem Ecclesiæ Christianæ, quam nec Diabolus, nec conjurata *hæreticorum* & improborum hominum vis valeant convellere.

## SYNOPSIS VITÆ

Domini nostri Jesu-Christi, Beatæ Mariæ Virginis,  
ac Sanctorum Apostolorum.

*De Christi Genealogia, Nativitate, & Baptismo.*

**C**hristi genus ac stirpem Sancti Matthæus & Lucas Evangelistæ varie descripserunt. Eos inter se dissentire objecerunt jam olim adversarii Religionis Christianæ, verum eos conciliant antiqui Patres.

Christus Jesus, æternus Deus, æternique Patris Filius, in Bethlehem Judæ natus est in diebus Herodis Regis, cum descriptio Imperii fieret ex Edicto Augusti, & Cyrius in Syria & Judæa provinciam illam census universalis obiret. Natus est Consulibus Augusto Cæsare 11. seu 12. & L. Cornelio Sulla II. Partum sacratissimum enixa est Deipara in spelunca Bethlehemo vicina.

Octavo die circumcisus est Christus, & Jesu nomen suscepit. Deinde adoratus fuit à Magis, qui stella duce ab Oriente venerunt, & munera ei obtulerunt aurum, thus, & myrrham. Post Magorum discessum, Angelo monente, Joseph cum Maria & Pueru Jesu in Ægyptum fugit, ut Herodis persecutioni illum eriperent.

Interea cædem infantium imperavit Herodes in Betblehem & in omnibus finibus ejus, à bimatu & infra, secundum tempus quod exquisierat à Magis. Celebre est Augusti dictum de Herodis sævitia in Judæorum infantes ipsumque ejus filium, quod refertur à Macrobio. Cum audisset, inquit inter pueros, quos in Syria Herodes Rex Judæorum intra bimatum jussit interfici, filium quoque ejus occisum,

*ait : Melius esse Herodis porcum esse , quam filium.*  
 Baptizatus est Christus anno Imperii Tiberii 16.  
 ætatis suæ 30. ineunte ; anno uno postquam S. Jo.  
 Baptista ministerium suum inchoasset. Hæc miracu-  
 la subsecuta sunt Christi Baptismum ; videlicet Cœ-  
 li aperti sunt , Spiritus Sanctus in columbæ specie  
 descendit , vox æterni Patris de Cœlo audita est,  
 dicentis , *Jesum esse dilectum filium suum , in quo*  
*sibi valde placeret.* Miracula autem hæc idcirco edi-  
 ta sunt , teste Chrysostomo , ne apud plurimos opinio  
 firmaretur illorum , qui arbitrabantur Christum esse  
 unum è vulgo.

Christus post susceptum à Joanne Baptismum  
 Sancto afflatus Spiritu secessit in desertum , atque  
 ibi dies quadraginta ab omni prorsus cibo abstinenſ  
 jejunavit , iisque transactis esuriit. Quam occasionem  
 arripiens diabolus , obtulit ei lapides in panem ver-  
 tendos. Triplex fuit Christi tentatio : prima ad gu-  
 lam pertinens , secunda ad superbiam , tertia ad  
 avaritiam.

### *De Miraculis Christi , ac de ejus Prædicatione.*

Primum Christi miraculum fuit conversio aquæ  
 in vinum ab eo facta , dum interesset nuptiis in  
 Cana Galilææ oppido celebratis. *Hoc fecit initium*  
*signorum Jesus.* Maximum miraculorum Christi ,  
 juxta S. Hieronymum , fuit ejectio vendentium , &  
 ementium , itemque nummulariorum è templo. Om-  
 nia Christi miracula , quæ recensent quatuor Evan-  
 gelistæ , collegit S. Gregorius Nazianzenus versibus  
 elegiacis , nec non heroicis.

Christus Dominus prædicare cœpit publice doc-  
 trinam suam anno ætatis 31. postquam Joannes Bap-  
 tista jussu Herodis Antipæ conjectus est in carcerem;  
 siquidem paulo ante docuerat Discipulos , qui ipsum

secuti fuerant, & eos quos per Discipulos baptizaverat in Iudea. Prædicavit per universam Iudeam, incipiens à Galilæa ubi educatus fuerat in urbe Nazareth: sed cum Nazareni doctrinam ejus aspernarentur, ac respuerent, descendit in Capernaum Civitatem Galilææ, ibique docebat illos Sabbatis. Exinde, ut inquit D. Matth. circumibat totam Galilæam. Porro ex Iudea non excessit Christus docendo, nec prædicavit Gentibus Evangelium, ut significant ejus verba apud Matthæum: *Non sum missus nisi ad oves, quæ perierunt domus Israel.* Concessit quidem Christus in partes Tyri & Sidonis, non tamen ut ibi prædicaret: nihilominus venientes ad se Gentiles in Galilæa & Iudea docens admisit.

Sabbatis sæpissime prædicavit in Templo, quo omnes Iudei conveniebant; & in Synagogis quæ erant in urbibus & viciis frequentioribus. Anno prædicationis secundo, ætatis suæ 32. post fusas per noctem totam ad Deum preces, mane ex multis Discipulis sibi adjutores elegit duodecim Apostolos, qui duodecim fundamenta Ecclesie in Sacris Litteris appellantur; & anno insequente duos & septuaginta Discipulos, quos binos ad prædicandum misit; Apostolos vero retinuit apud se, tum ut testes essent vitæ suæ, & sibi præsto essent, tum ut ab sese discerent rationem Evangelii prædicandi, & orbem totum tali modo subigendi.

Rogatus ab uno ex Discipulis, *Domine doce nos orare, sicut docuit & Joannes discipulos suos*, præscripsit illis Divinam illam orandi formulam, quæ *Oratio Dominica* vulgo dicitur, quæ à Tertulliano *Breviarium totius Evangelii*, & à S. Cypriano cœlestis doctrinæ compendium nuncupatur. Nec solum orandi formulam Discipulis tradidit, sed ipse ad precandum documento fuit & exemplo; quandoqui-

dem in Oratione ita frequenter versabatur, ut in ea etiam pernoctaret.

Præter Discipulos, etiam feminæ secutæ sunt Christum prædicantem, quæ ministrabant ei de facultatibus suis. In earum numero fuerunt Maria Magdalene, ex qua Christus septem dæmonia ejerat; Maria mater Jacobi & Joseph, mater filiorum Zebedæi, & aliæ.

Anno prædicationis primo, quem acceptabilem prædixerat Isaías prædicavit Christus Jesus approbantibus universis, nemine Judæorum aut Gentilium repugnante, imo omnibus prædicantem audientibus perlibenter. At secundo prædicationis annos quamplurimos habuit obtrectatores: & anno tertio quos, & quam graves adversarios passus sit nemo ignorat; nam Judæi Pontium Pilatum ad mortem illi inferendam calumniis, minis, & clamoribus vel invitum adegerunt.

### *De triumphali Christi ingressu in urbem Hierosolymam.*

Anno vitæ ejus postremo, die ante mortem ejus quinto, primo hebdomadæ, qui nobis nunc Dominicus est, Christus Hierosolymam ingressus est. Nam summo mane Bethania decedens cum ad Bethphage venisset, eo misit duos Discipulos, qui inde asinam & pullum ad se adducerent, jussos dicere eorum Dominis, si prohiberent, Domino his opus esse Asino palliis Discipulorum exornato Christus insedit, vectusque per vias vestibus ac ramis palmarum & olivarum stratis, à populo gratulante & clamante *Hosanna filio David*, tamquam Messias in urbem deductus est.

*De Paschate à Christo celebrato, & Eucaristia  
ab ipso instituta.*

Christus Dominus, quemadmodum narrat Joannes prima ac legitima cœna jam peracta, inter cœnam secundam ac communem, solus aliis recumbentibus surrexit, vestimenta sua depositus, & ministerium admodum servile fungens aquam in pelvam fudit, ac pedes Discipulorum, initio facto à Petro, qui id prius vehementer abnuerat, lavit, lotosque abstersit linteo, ac demum mensæ, à qua surrexerat iterum accubuit, & humanae humilitatis utilitatem, ut loquitur S. Augustinus suo exemplo commendavit.

Postquam legitimam cœnam fecit, & pedes Discipulorum lavit, cum recubuissest iterum, pane & calice accepto ac benedicto, corpus suum & sanguinem Discipulis distribuit, ac jussit ut ipsi quoque id facerent in sui commemorationem. Quo Sacrificio & Sacramento instituto, divitias divini sui erga homines amoris velut effudit, atque reipsa eos in finem dilexit.

*De Passione Christi.*

A Judæ proditione cœpit Christi passio. Judas enim unus ex Discipulis, quos assumpserat ad Apostolatum, biduo ante Pascha, adiit Sacerdotum Principes in aula Caiphæ Pontificis consultantes quomodo Jesum dolo comprehensum interficerent, pacatusque est cum ipsis mercede triginta argenteorum se magistrum suum proditurum.

Christus cœna tum legitima tum Eucharistica cum duodecim Discipulis suis, atque ideo etiam cum Juda proditore, vespere celebrata, egressus ex ur-

be, ac transiens torrentem Cedron, in mortem Olivarum se contulit, & in hortum Gethsemani Patrem oratus secessit. Tunc Judas eo, ubi erat Christus, venit cum militibus Præsidis & ministris Pontificum, eumque osculatus, prout inter ipsos convenerat, signum dedit injiciendi manus in illum; Christus inimicis suis obviam procedens non modo non restitit, sed prostratos erexit, turbatos confirmavit, trepidos provocavit, se ultero satellitibus vinciendum obtulit, & Petrum ad sui defensionem districto gladio decertantem cohibuit.

In horto ter eundem sermonem repetiit, dicens: *Pater, si possibile est, transeat a me calix iste; verumtamen non sicut ego volo, sed si ut tu.* In ea oratione passus est tristitiam illam ingentem, quæ eum ita affecit, ut etiam post adhibitam ab Angelo consolationem, fieret sudor ejus sicut guttae sanguinis decurrentis in terram. Causa vero tristitiae fuit non solum objecta animo species suppliciorum; sed præsertim Judæ proditio, Petri negatio, Discipulorum fuga, obstinata Judæorum improbitas, excidium Jerusalém, omnium hominum & maxime Christianorum errata; uno verbo, peccati gravitas & turpitudo.

Comprehensum Jesum & vincum adduxerunt satellites primum ad Annam sacerum Caiphæ, deinde ad Caipham ipsum ejus anni Pontificem. Caiphas Jesum tamquam nefarium & impium hominem interrogavit, subornatis testibus eum accusantibus, & aliis omni contumeliarum genere tota nocte reliqua affidentibus. Mane diei insequentis, cum Sacerdotes, Seniores populi, & Scribæ eum ad mortem dare habito concilio decrevissent, vinculis constrictum in Prætorium ad Pilatum, postea jussu Pilati ad Herodem, & rursus ab Herode ad Pilatum perduxerunt.

Apud Pilatum triplicis criminis reus factus est; scilicet quod perversa doctrina populum in errorem induceret; quod Romanis tributa solvere prohiberet; demum quod Regnum affectaret. Post hæc Pilatus, cum cognovisset Jesum esse Galileum, ut à negotio tam molesto se expediret, eum ad Herodem misit. Sed cum Herodes illum de multis interrogasset, nec ullum ab eo responsum tulisset, veluti fatuum ac stolidum hominem, illusum & indutum veste alba ad Pilatum remisit.

Tunc Pilatus id maxime curavit, ut Judæis persuaderet, satis esse si Jesus flagellis castigaretur. *Traditus est itaque Jesus militibus verberandus*, ut scribit S. Hieronymus & illud *Sacratissimum Corpus pectusque Dei capax flagella secuerunt*.

Flagellatus est omnino nudus ad columnam ligatus; & non virgis, instar hominis liberi, sed flagellis tamquam servus cæsus est.

Post verbera milites nudatum Christum pristinis vestibus induunt clamydem coccineam, & pro diademate ponunt ei coronam spineam; pro sceptro regali dant calatum, & adorant quasi Regem, ludibrii & crudelitatis spectaculum exhibentes. Christum tam fœde laceratum conspiciens Judæi, non desierunt eum ad mortem postulare; hinc clamare coeperunt, non Jesum sibi à Pilato dimitti velle per Pascha, sed Barabbam latronem, non Salvatorem, sed imperfectorem, non datorem vitæ, sed ademptorem, atque illud etiam furore abrepti optarunt, ut poena mortis ejus in se & filios suos recideret. Tum Pilatus nomine Cæsaris territus & illorum clamoribus furentibus concessit, & Jesum crucifigendum tradidit.

Traditus Dominus Jesus Christus sævientium voluntati, Crucem in humeros suos efferre cogitor (qui mos erat Romanorum) à Prætorio Pilati ad

montem Calvariae deportandam. Sed cum ille jejunis, vigiliis, verberationibus confectus ac pene exanimis oneri succumberet, obvium quemdam hominem Cyrenaeum nomine Simonem arripuerunt, qui tolleret Crucem ejus, eamque solus deferret.

### *De Morte Christi.*

Ubi ventum ad Calvarium, dederunt ei vinum bibere cum felle mixtum; & sub meridiem in Crucem sublatus est, & septies è Cruce pendens locutus est. Prima vox illa fuit, qua petiit à Patre, ut iis ignosceret, qui poenarum omnium, quas pertulit, auctores & ministri fuerant: *Pater dimitte illis, non enim sciunt quid faciunt.* Secunda illa, quam dixit Latroni homini poenaliter pendenti, & salubriter confidenti: *Hodie tecum eris in Paradiſo.* Tertia illa, qua Matrem suam, & Joannem Apostolum affatus jussit, ut altera alteri Mater, & alter alteri filius esset: *Mulier ecce filius tuus;* & ad discipulum conversus: *Ecce Mater tua.* Quarta est ingens illa vox, *Deus meus, Deus meus,* ut quid dereliquisti me? Quæ vox ostendit Christum inter summos dolores nullum animi solatium divinitus datum, & humanam ejus naturam sensisse tormenta omnia, perinde ac si Personæ Divinæ conjuncta non fuisset. Quinta, *Sitio.* Sexta, *Consummatum est.* Septima & postrema, divinæ ejus naturæ index, est vox illa quam emitens expiravit: *Pater in manus tuas commendabo spiritum meum.* Qua precatione monuit suos, ut constituti in extremo vitæ momento, quanta maxima possent animi contentionе se Deo commendarent.

Mortem Christi hæc consecuta sunt prodigia, videlicet veluti templi scissum est in duas partes, terra mota, petræ disruptæ, reserata sepulcra, erecta plurima jacentia corpora Sanctorum, qui deinde

post resurrectionem ejus exeentes è sepulcris, profectique Hierosolymam, se in conspectum multis dederunt.

*De Christi Sepultura.*

Postquam Christus Dominus feria sexta, hora diei nona in Cruce spiritum emisit, eodem die vespere Josephus ab Arimathea, & Nicodemus, viri illustres ac nobiles, corpus ejus de Cruce acceptum diligenter atque honorifice tegendum ac sepeliendum curarunt. Corpus permissu Pilati Praesidis Cruce depositum laverunt primum, lotum unixerunt, cum unxissent, nova mundaque sindone cum aromatibus involutum à pedibus ad collum usque colligarunt, & sudario capiti superposito intulerunt in propinquī horti monumentum novum, quod deinde saxo ingenti ad ostium apposito occluserunt. Postero die magno Sabbati saxum à Principibus Sacerdotum concessu Pilati obsignatum est, & milites sepulchri custodes positi; ita volente Deo, ut quo magis cavit perfida gens, ne Apostoli corpore Christi per fraudem sublato, resurrectionem ejus spargerent in vulgus, eo minus id causari posset, ex quo Christus ad vitam rediisset.

*De Christi Resurrectione, & Ascensu ejus in Cælum.*

Tertio à mortis, die qui fuit dominicus, summo mane Christus, qui triduum mortuus fuerat, egressus è sepulcro clauso & obsignato, custodibus quos attonitos obstupefecerat pavor nihil videntibus, ad vitam virtute sua primus omnium rediit & surrexit.

Feminæ omnium primæ resurrexisse Dominum

ab Angelis audiverunt; & resurrectionem nuntiarunt Christi Discipulis, & nominatum Petro, prout ab Angelo jussæ fuerant.

Christus Dominus ipso Resurrectionis suæ die quinques apparuit. Primum dedit se in conspectum Mariae Magdalenæ ad sepulchrum ejus ploranti, sub olitoris specie; ideoque ab ea habitus est cultor horti, sed postmodum agnitus est tamquam magister. Postea occurrit eidem Magdalenæ, aliisque mulieribus revertentibus à sepulchro Hierosolymam; quæ cum singula Apostolis narrassent, vana narrare visæ sunt. Tertio apparuit Petro. Eodem die *in effigie viatoris* se itineris socium adjunxit duobus Discipulis proficiscentibus Hierosolyma Emmauntem; estque ab iis cognitus in fractione panis. Tandem eodem die in noctis exordio januis clausis ingressus est ad Discipulos, absente Thoma, in unum locum congregatos, eisque data prius pace, concessit potestatem remittendi peccata, & pœnitentiæ Sacramentum instituit.

Octavo à Resurrectione die eosdem Discipulos foribus pariter occlusis Christus adivit, ac Thomæ, qui tunc præsens aderat, vulnera tractanda obtulit. Rursus ostendit se ad mare Tiberiadis quatuor Apostolis Petro, Thomæ, Jacobo, & Joanni; item Nathanaeli; itemque duobus Discipulis à Joanne non memoratis. Postea eundem in monte Galilææ, qui *Thabor* dicitur, Discipuli undecim viderunt. *No-vissime* idest ipso quadragesimo die, *recumbentibus illis undecim apparuit: & convescens præcepit eis ab Hierosolymis ne discederent, sed exspectarent promissionem Patris;* videlicet Spiritum Sanctum. Peracto convivio deduxit eos in Bethaniam ad montem Olivarum, unde cum prius eis *elevatis manibus benedixisset*, eisdem videntibus in cœlum sublatus est.

In prædictis apparitionibus Christus cum Disci-

pulis suis egit potissimum de *Regno Dei* non de cœlesti solum ac æterna gloria , qua post exantlatos in evulganda ejus doctrina labores donandi erant; sed etiam de Ecclesia , quam fundare jam cœperat, rebusque ad ipsam pertinentibus.

## DE BEATA MARIA VIRGINE.

### *De genere & Parentibus Beatæ Mariæ Virginis.*

Matthæus & Lucas genus Mariæ Virginis repeatunt ab Rege Davide. Idem Lucas eam fui se tradit Sacerdotali Aaronis Familiæ affinitate conjunctam. Mariæ Parentes fuerunt Joachim & Anna. Joachim *præparationem Domini*; Anna *gratiam significat*. Anna sterilitate divinitus depulsa Mariam concepit modo prorsus naturali atque communi; quæ tamen in utero matris sanctificata fuit.

### *De Mariæ Virginis Præsentatione in Templo, ejusque Desponsatione cum S. Joseph.*

Maria Virgo adhuc tenella ad Templum deducta fuit , Deo consecrata , & à Sacerdotibus ad Samuelis similitudinem in sanctis ædibus educata ; ibique perpetuam virginitatem Deo vovit.

Mariam , etiamsi virginitatis voto teneretur , Josepho viro justo nubere non recusasse , docent Saceræ Litteræ , sed hujus rei mysterium non docent , nec ullo modo indicant , utrum Maria suum cum Josepho consilium prius communicaverit , atque effecerit ut Josephus in id consentiret ; an vero ipsa ulti tro se offerens Deo , seque ejus providentiæ commit tens matrimonium deinde contraxerit ; quod aliter facere Israelitarum mores adhuc non permetterent.

Vitam & mores Beatæ Mariæ Virginis describit

S. Ambrosius hisce verbis. „Sit vobis tamquam in  
 „imagine descripta virginitas , vitaque Beatæ Ma-  
 „riæ , de qua velut in speculo refulgeat species cas-  
 „titatis , & forma virtutis. . . . Virgo erat non so-  
 „lum corpore , sed etiam mente , quæ nullo dolí  
 „ambitu sincerum adulteraret affectum : corde hu-  
 „milis , verbis gravis , animo prudens , loquendi  
 „parcior , legendi studiosior , non in incerto divi-  
 „tiarum , sed in prece pauperum spem reponens.  
 „Intenta operi , verecunda sermone , arbitrum  
 „mentis solita non hominem , sed Deum quærere,  
 „nullum lædere , bene velle omnibus , assurgere ma-  
 „joribus natu , æqualibus non invidere , fugere jac-  
 „tantiam , rationem sequi , amare virtutem. Quan-  
 „do ista vel vultu læsit parentes? quando dissensit  
 „à propinquis? quando fastidivit humilem? quando  
 „derisit debilem? quando vitavit inopem? eos so-  
 „los solita cœtus virorum invisere , quos miseri-  
 „cordia non erubesceret , neque præteriret vere-  
 „cundia. Nihil torvum in oculis , nihil in verbis  
 „procax , nihil in actu inverecundum : non gestus  
 „fractior , non incessus solutior , non vox petulan-  
 „tior , ut ipsa corporis species simulacrum fuerit  
 „mentis , figura probitatis. Quid exequar ciborum  
 „parsimoniam , officiorum redundantiam; alterum  
 „ultra naturam superfuisse , alterum pene ipsi na-  
 „turæ defaisse? Illic nulla intermissa tempora , hic  
 „congeminatos jejuno dies? Et si quando refien-  
 „di successisset voluntas , cibus plerumque obvius  
 „qui mortem arceret , non delicias ministraret.  
 „Dormire non prius cupiditas , quam necessitas fuit:  
 „& tamen , cum quiesceret corpus , vigilaret ani-  
 „mus , qui frequenter in somniis aut lecta repetit,  
 „aut somno interrupta continuat , aut disposita ge-  
 „rit , aut gerenda prænuntiat. Prodire domo nescia,  
 „nisi cum ad Ecclesiam conveniret ; & hoc ipsum

„ eum parentibus , aut propinquis . Sic Maria inten-  
 „ debat omnibus , quasi à pluribus moneretur , sic  
 „ implebat omnia virtutis officia , ut non tam disce-  
 „ ret , quam doceret . Talem hanc Evangelista mons-  
 „ travit , talem Angelus reperit , talem Spiritus  
 „ Sanctus elegit . “

*De Annuntiatione , & Visitatione B. Mariæ  
Virginis.*

Gabriel Angelus ingressus ad Virginem , solam reperit , & orantem in suo cubiculo : salutavit appellans *gratia plenam* , quali salutatione nemo ante dignus habitus fuerat . Hanc ob rem , & quod existimabat se virum videre , quem postea Angelum esse intellexit , turbata est , & sacro quodam horrore perfusa . Ubi didicit ab Angelo futurum ut conciperet & pareret magnam sobolem , filium Altissimi , rogavit quanam id ratione fieri posset ; non quod de Angeli fide dubitaret , sed ut modum intelligeret , quo Deus id facere decrevisset , atque divine se voluntati submitteret . Tunc Angelus inquit : *Spiritus Sanctus superveniet in te , & virtus Altissimi obumbrabit tibi , & quod nascetur ex te Sanctum , vocabitur filius Dei.* Cùm Virgo Angeli dicitis credens se *ancillam Domini esse professa* fuisse , fide concepit .

Digresso Angelo Maria humilior facta , ubi se cognovit electam , statim ad cognatam suam Elisabetham in montana processit , ut cognatæ gaudium suum ob conceptum ab illa filium testaretur , suamque pregnanti ac seni navaret operam & studium . Tercentum circiter millia passuum confecit , ut Hebronem Urbem in montibus positam , in qua degebat Elisabeth , Nazaretho discedens , (& Hierosolymam pertransiens , Deum ibi in Templo adoratura)

perveniret. Quasi tribus mensibus Maria mansit apud Elisabetham, & probabile est mansisse usque ad ortum Joannis Baptistæ.

### *De Partu & Purificatione B. Mariæ Virginis.*

Quemadmodum Christum conceperat Virgo Maria, ita etiam peperit sine ulla prorsus virginitatis diminutione. Quem sine gravamine tulerat, eundem sine dolore, atque adeo magna cum voluptate in lucem emisit.

Etsi Beatae Virginis partus (concepto sine viri opera Christo Domino, & in lucem edito sine maternæ virginitatis detrimendo) non purissimus esse non potuit; illa tamen, tamquam una e multis, voluit per dies quadraginta legis præcepto obtemperare, tum ut humilitati filii conformaretur, tum ut calumnia occasionem Iudeis tolleret. Post illos dies, cum venisset in Templum, filium suum obtulit, & sacrificium more pauperum, par turturum, aut duos pullos columbarum, non propter necessitatem, sed magis propter consuetudinem legis. Magna cum admiratione audiit quæ de filio suo ab Simeone & Anna prædicta sunt; ac didicit, futurum, ut tantum animo dolorem caperet, quantus esse solet dolor ejus, qui gladio transverberetur. Quod ei contigit, quando filium suum despectum ab omnibus, flagellis cæsuni, spinis perfossum, crucifixumque conspexit.

### *De Maria Virgine à Purificatione usque ad mortem.*

Maria Virgo ut ab imminentि puerorum cœde, quam Herodes indixerat, filium suum Jesum subtraheret, cum ipso & Josepho Sponso secessit in Aegyptum: dejnde reversa in terram Israel habitavit in urbe Nazareth; inde Hierosolymam cum Jo-

sepho quotannis conferre se consuevit ad Pascha celebrandum ; puerūt̄ Jesum annos jam duodecim natum secum duxit ; amissum ac triduo post inventum in Templo cum Doctoribus disputationem alleguta est verbis istis : *Fili, quid fecisti nobis sic? Ecce pater tuus, & ego dolentes quærebamus te.*

Josephum fabrum fuisse dicit S. Matthæus ; at cui operi Maria vacaret , nullus significavit Evangelistarum : dicendum tamen , quod & ipsa honesto aliquo artificio , quemadmodum & Joseph , & sibi & filio necessaria ad victimum comparare studuit.

Maria una cum Christo interfuit nuptiis in Cana Galilæe celebratis ; cumque vino deficiente ei dixisset , *vinum non habent hoc ab eo tulit responsum: Quid mibi, & tibi, mulier? nondum venit hora mea.* Postea cum eodem filio suo , fratribus & discipulis ejus profecta est Capharnaum , ibique mansit paucos dies. Instiper cum iisdem fratribus venit ad Christum in domo nescio qua concionantem , & cum illi non possent ipsum adire præ turba , misit qui nuntiarent , se foris esse cupientes loqui cum eo.

A Christo moriente Joanni Apostolo commendata fuit , & ipsa non secus ac Maria Cleophæ , & Maria Magdalena stetit juxta Crucem Jesu.

Post Ascensionem Christi fuit cum Apostolis aliisque tum viris tum mulieribus , qui fundendis ad Deum precibus concorditer intenti , Spiritum Sanctum à Christo promissum exspectabant.

### *De Morte & Assumptione B. Mariæ Virginis.*

Deipara Virgo mortem obiit simillimam sopori illi placidissimo ac suavissimo , quo Deus Adamum sopivit , ut ex latere ejus sine ullo dolore ac sensu costam educeret , ex qua Eam forinaret. Post mortem vero una cum corpore assumpta est in cœlum.

*De Apostolis.*

*Apostoli* sunt duodecim illi viri, quos Servator ac Dominus noster Jesus-Christus haud multo post Evangelicæ prædicationis initium sibi adjunxit, & præ reliquis Discipulis suis solos Apostolorum nomine, quasi præcipuo quodam honoris titulo, insignivit, mandans ut pro se legatione fungentes, in universum orbem irent, & omni creaturæ Evangelium prædicarent, & credentibus æternum in cœlis Rènum pollicerentur: facta insuper eisdem potestate ægros sanandi, mortuos ad vitam revocandi, & dæmones ejiciendi, ut magnitudo signorum probaret magnitudinem promissorum.

Duodecim Apostolorum nomina ita recenset S. Matthæus. *Primus Simon qui dicitur Petrus, & Andreas frater ejus, Jacobus Zebedæi, & Joannes frater ejus, Philippus, & Bartholomæus, Thomas, & Matthæus publicanus, Jacobus Alphæi, & Thadæus, Simon Cananæus, & Judas Iscariotes.* Omnes Evangelistæ Petrum primo loco ponunt, Judam postremo.

Apostoli è cæterorum Discipulorum numero non fuerunt electi ob aliquam ingenii dotem; quia Christus *idiotas elegit, ut confunderet mundum.* Præter duodecim Apostolos à Christo electos, alii tres sunt, scilicet S. Matthias in locum Judæ proditoris ab Apostolis suffectus, Paulus ac Barnabas instinctu Spiritus Sancti Apostolatu deinde initiati.

Sacerdotes creati ab ipsomet Christo fuerunt, & quidem eo tempore, quo celebrata cum ipsis Agnî Paschalis cœna, & Sanctissimo Eucharistiae Sacramento instituto, eisdem precepit, ut tali modo sui memoriam cœlebrarent, & confecta sub utraque specie Eucharistia, Sacrificium offerrent.

Die Pentecostes , seu quinquagesimo post Christi Resurrectionem , Apostoli Spiritu Sancto afflati fuerunt ; & quidem Hierosolymis ; nam mandaverat illis Christus , ab Hierosolymis ne discederent , sed exspectarent promissionem Patris . Suscepserunt postmodum imbuendum Evangelio mundum distributis sibi terrarum partibus . Antequam tamen dividerentur , eodem Divino Spiritu afflati convenientes Hierosolymam Christianæ Fidei formulam componendam censuerunt , ut eadem per omnes gentes aequaliter prædicarent ; eamque *Symbolum* appellarunt , ut ea veluti nota & tessera quadam Christianos internoscerent .

### *De S. Petro Apostolorum Principe.*

Petrus , antea Simon , Jonæ seu Joannis filius , Bethsaida ad lacum Genesareth natus est . Fratrem habuit Andream . Piscatu vixit , & domum habuit Capharnaum . Ejus uxor martyrii gloria nobilis traditur apud Clementem Alexandrinum & apud Eusebium , Filiosque ex ea à Petro susceptos scribunt Patres aliqui . Ad Christum ab Andrea , qui primus illum viderat , deductus *Cephas* , hoc est *Petrus* appellari jussus est . Ambulans Christus prope mare Galilææ , cum piscantes vidisset atque vocasset , relictis continuo rebus omnibus , se ejus sectatores esse professi sunt .

Petrus Apostolorum omnium primus , & rebus omnibus nuntium remisit , & in Christo Divinitatem agnovit . Quid egerit ille singulare ad Christi defensionem , notum est ex Evangelio . Cum enim vidissent Apostoli accedere milites ut Christo manus injicerent ; eum rogarunt , liceretne vim vi repellere ? At Petrus , non exspectato Christi responso ense educto , Malcho in Jesum audacissime irruenti dex-

teram auriculam abscidit; quam illico Jesus-Christus, qui Petrum cohibuit, Malcho restituit.

Cum ab ancilla & Iudaïs Petrus interrogatus fuisset, num Christi esset discipulus, non semel aut iterum, sed tertio negavit, jurejurando etiam affirmans, *se non novisse hominem*, quem antea Christum Filium Dei vivi confessus fuerat. Agnovit Petrus, postquam Christus eum aspexit, peccatum suum; & quantum mali Christum negando commiserit, plorando monstravit.

Post resurrectionem suam Christus Petrum ter interrogavit, *Simon Joannis diligis me plus bis?* cui interrogationi cum ipse dedisset triplex hoc responsum, *Domine tu scis, quia amo te;* ac trina voce amoris solvisset trinam vocem negationis; totidem vicibus Christus subjunxit: *Pasce agnos meas:* *Pasce oves meas;* & tunc illum sui Vicarium, Pontificem Sumnum, totiusque Ecclesie & ipsorum Apostolorum Caput constituit.

Petrus Apostolorum Princeps constitutus, datam sibi à Christo provinciam administrare aggressus, dum adventum Spiritus Sancti una cum Apostolis & aliis fratribus exspectaret, de dnodenario Apostolorum numero explendo cum ipsis egit, & D. Matthiam, in quem sors ceciderat, in Collegium Apostolorum cooptavit. Deinde Divini Spiritus lumine illustratus, tanta vi primus inter Apostolos Christum prædicavit, ut una & altera concone octo hominum millia ad Christianæ Fidei veritatem traduxerit. Eum postea sanavit, qui in *speciosa* porta ex matris utero ab annis quadraginta claudus erat. *Ananiam*, & uxorem ejus *Saphiram* mentientes, increpando morti tradidit. *Aegrotantium* ingentem numerum pristinæ sanitati sola corporis umbra restituit. *Simonem Magum*, qui existimabat potestatem dandi Spiritum Sanctum émi posse pecunia, objurgatum

gravissimis verbis repulit. *Aeneam* paralysi annos jam octo laborantem, sanum fecit; ac *Tabitbam*, bonorum operum effectricem, à mortuis excitavit, Tandem à *Cornelio Centurione* jussu Angeli arcessitus, ad eum se contulit ipsumque & alios complures Spiritu Sancto visibilem in modum repletos baptizari jussit.

Jussu Herodis Agrippæ Regis Judæorum conjectus fuit in carcerem; cumque noctu suavissime dormiret inter duos milites, vincus catenis duabus, ab Angelo excitatus fuit, & simul ex vinculis ac carcere liberatus.

Duas in primis Ecclesias fundavit, Antiochenam, & Romanam. Antiochenæ Ecclesiæ fere septem annis præfuit. Romæ cum advenisset, Evangelium prædicavit, & omnia egit, ut urbs vanas aspernata superstitutiones, ad solidam cœlestis doctrinæ cognitionem perveniret. Ob Edictum Claudi Imperatoris inde emigravit, & Hierosolymam veniens, primum tenuit locum in Concilio, quod ea in urbe celebratum est. Post annos fere quinque, Claudio vita jam defuncto, Romam reversus, ibi ad obitum usque mansit.

Sæviente prima Ecclesiæ persecutione à Nerone excitata, capite in terram converso, pedibusque sursum elevatis crucifixus est. Ejus corpus in Catacumbras primum, secundo ab urbe lapide illatum est, atque inde postea translatum in Vaticanum, ubi etianum quiescit.

Duas scripsit Epistolas; quarum secundam scripsit sub vitæ finem; & in hac hortatur Fideles, ut, etiam se mortuo, firmiter teneant doctrinam ab Apostolis acceptam, caveantque sibi ub errorum Magistris, quorū mores & studia describit.

*De S. Paulo.*

Paulus duobus ab ortu Christi annis, Tarsi in Cilicia natus est, patre secta Pharisæo, ex Tribu Beniamin. Hierosolymis apud Gamalielem educatus est, atque omni cura *juxta veritatem paternæ legis eruditus*. Secutus est sectam Pharisæorum, ut omnium severissimam, ita maxime omnium Christo contrariaim.

Anno Christi 35. sive 36. cum ætatis suæ annum 33. ageret, amplexus est Christi fidem hoc modo. Dum Christianorum cædens anhelans Damascum pergeret, luce ingenti sub meridiem cœlo demissa repente circumfusus, & Christi voce percusus, prostratus est, & erectus, & instructus, ac demutatus de persecutore in prædicatorem. Cum Damascum enim Christi jussu postea venisset, ab Anania baptizatus, statim cœpit, omnibus admirantibus, ejusdem Divinitatem magno animi ardore, in Synagogis prædicare, & acerrime tueri.

Damasco digressus, Hierosolymam profectus est, ut Petrum videret, ut ejus conspectu frueretur, & fraternalm charitatem etiam corporali præsentia cumularet; & dies quindecim apud Petrum mansit.

Anno Christi 44. aut 45. Apostolus creatus est, ajente Spiritu Sancto: *Segregate mibi Paulum, & Barnabam in opus, ad quod assumpsi eos.* Eodem anno raptus est usque ad tertium cœlum, ubi arcana vidit, quæ non licet homini loqui. Jerusalem per circuitum usque ad Illyricum fidem prædicavit. Hinc christianæ doctrinæ luce illustravit Phœniciam, & Syriam, & Ciliciam, & Cappadociam, & Sarracenos, & Persas, & Armenios, reliquosque barbaros: insuper Parthicas Regiones, atque Asiam, præterea & Thraciam. Antiochiæ in Pisidia, Iconii, Lystris,

Thessalonicæ, Corinthi, Athenis, Ephesi eodem munere functus est; sicut etiam Cypriis, Galatis, Macedonibus, Philippensibus, Cretensibus, ac demum Romanis acceptam à Christo doctrinam tradidit; ita ut dici possit, *ante eum terram defecisse, quam studium prædicandi.*

Anno Christi 47. cum in Lycaonia Evangelium prædicaret, ad fidem convertit, ut fertur, Theclam Iconiensem virginem nobilissimam; & cum prædicaret Philippis, ad Christum adduxit baptis- moque initiauit *Lydiam purpurariam*; & spiritum *pitonem*, seu demonem auctorem divinationis ex quadam puella quam obsidebat, ejecit. Hanc ob causam, quia videlicet domini illius pueræ sibi ademptam viderunt omnem spem quæstus, quem ex ejus divinationibus faciebant, seditionem in Paulum concitarunt, quasi citem turbas, & Majestatis læsæ reum. Hinc virgis ad sanguinem cæsus est una cum Sila comite, & in carcerem interiorem conjectus pedibus ligno insertis. Media nocte illis orantibus terræ motus factus est, fundamenta carceris concussa sunt, ostia aperta, vincula di- vinitus soluta, & custos carceris ad eorum pedes provolutus Deo credidit. Die insequenti à Magistratis dimissi fuerunt, & eorum innocentiam Magistratus ipsi rite promulgarunt.

Cum esset Athenis, raptus est in Areopagum, ut de nova, quam tradebat doctrina, coram Judicibus diceret, & eorum aliquibus suasit ut verum Deum colerent; inter quos fuerunt Dionysius Areopagites, & mulier quædam nobilis nomine *Damaris*, & alii. Ephesi tumultum contra eum excitavit Demetrius quidam argentarius; quo sedato, Paulus in Macedonia profectus est.

Ad Melitam maris Adriatici insulam vi tempes- tatis appulsus, cum sarmentis in ignem conjectis,

vipera inter ea latentis morsu appetitus esset, excussam projecit, nihilque mali passus est, mirantibus qui aderant, quia mox putaverant moriturum.

Paulo pedestri itinere Romam venienti Christiani occurrerunt. Per biennium, quo in vinculis Romæ fuit, non solum verbis, sed etiam scriptis Ecclesiam instituit atque erudivit. Cum enim Romam venisset, non cum cæteris in carcerem conjicitur, verum ei conducta in domo habitare permittitur, simul cum milite qui ipsum custodiret. Ibi christianam fidem libere tradidit ingredientibus ad se tam Judæis, quam Ethnicis, ita ut ipsam Cæsaris aulam ejus doctrina pervaderet. Biennio expleto, vinculis solutus Roma emigravit, & utrum in Asiam an potius in Hispaniam Roma decedens profectus fuerit, certo non liquet.

Quanta passus sit tempore Apostolatus ipse narrat inquiens: *Usque in hanc horam & esurimus, & sitimus, & nudi sumus, & colaphis cædimur, & instabiles sumus, & laboramus operantes manibus nostris: maledicimur, & benedicimus; persecutivem patimur, & sustinemus; blasphemamur, & obsecramus; tamquam purgamenta hujus mundi facti sumus omnium peripsema usque adhuc. Omni hora periclitamur: quotidie morior. Secundum hominem, ad bestias pugnavi Ephesi. In laboribus plurimis, in carceribus abundantius, in plagis supra modum, in mortibus frequenter. A Judæis quinques quadragenas (plagas) una minus accepi: ter virgis (ab Ethnicis) cæsus sum: semel (Lystris) lapidatus sum: ter naufragium feci: nocte & die in profundo maris fui. Addit se ubique pericula subiisse à latronibus, à Judæis, à Gentilibus, à falsis fratribus; ac demum profitetur se vitam egiisse in labore & æratura, in vigiliis multis, in fame & siti; in jejuniis multis, in frigore & nuditate; præter illa quæ ex-*

*trinsecus sunt, instantia mea quotidiana, sollicitudo omnium Ecclesiarum. In hac narratione non modo nihil per exaggerationem speciosam dictum est; sed etiam plura fuerunt prætermissa, quam enumerata.*

Orientis regionibus per biennium & amplius per agratis, in urbem anno Christi 65 revertitur; & in carcerem detrusus arctissima custodia detinetur. Tunc scripsit secundam epistolam ad Thimotheum, in qua eum admonet, finem vitæ suæ appropinquare, & cito se mortem pro Christo subitum. Revera, id quod vehementi studio optarat, ut corporis quasi carcere liberatus esset cum Christo, Romæ obtinuit, capite, jussu Neronis, absciso, eodem die quo S. Petrus in crucem actus est, etsi non eodem anno, quia Petrus eum præcessit.

Quatuordecim Epistolas in Sacro Scripturarum Canone recensitas scripsit: ex his decem ad octo Ecclesias; quatuor ad Discipulos suos. Sermone omnes græco exaratae fuerunt, præter epistolam ad Hebreos, quam hebraice scripsit.

### *De S. Andrea.*

Andreas Simonis Petri frater fuit: is cælibem vitam dicens, Præcursoris Domini factus est Discipulus. Audita Christi voce, relictis retibus una cum fratre totum se ad ejus voluntatem nutumque convertit.

Evangelium prædicavit Scythis, Sogdianis, Saccis & Sebastuli, quæ erat Colchidis urbs. Imo Græciam etiam, Epirum, & Achajam prædicando peragravit.

Cruci affixus fuit; & acta martyrii ejus conscripta fuerunt à Presbyteris & Diaconis Ecclesiarum Achajæ.

*De S. Jacobo Majori.*

Jacobus, qui cognomine *Major* dicitur, ut distinguitur à Jacobo *minore*, Bethsaïdæ in Galilæa, Patre Zebedeo, matre Salome natus est: fratrem habuit S. Joannem Evangelistam. Uterque cœlebs, uterque piscator. Hi cum intenti componendis in cymba retibus à Christo Domino vocarentur, statim relicto patre, rete, navicula, eum secuti sunt, affectum sanguinis, & vineula sæculi, & curam dominus pariter relinquentes. Apostoli constituti *Boanerges*, hoc est tonitus filii ex firmitate & magnitudine fidei nominati sunt. Una cum Petro in monte transfiguratum Dominum conspexerunt, & ad Archisynagogi filiam à mortuis excitandam ire cum Domino, ac tristitiae ejus in horto testes esse meruerunt.

Cum Samaritani Christum hospitio recipere noluissent, Jacobus & Joannes maxima fiducia petierunt, velletne cœlo deducerent ignem, qui illos inhumanos absumeret? sed nimium eorum zelum Christus repressit. Per matrem Salomem, quæ Dominum una cum aliis fœminis sequebatur, petierunt ut alter ad dexteram, & alter ad sinistram in Regno ejus collocarentur: quorum preces Christus rejecit ea voce: *Nescitis quid petatis.*

Duodecim Tribus in dispersionem prædicavit Jacobus Evangelium Jesu-Christi. Eundem Apostolum in Hispanias esse profectum, & ibi Evangelium prædicasse ferunt.

Jusu Herodis Agrippæ Regis Iudaeorum Hierosolymis gladio cæsus est. Primus Apostolorum martyrum subiit, ac proinde quem inter Martyres Stephanus, eundem inter Apostolos locum martyrii gloria obtinet. Ferunt, ejus corpus in Hispaniam

eodem anno translatum fuisse , quo idem Apostolus obtruncatus fuit.

*De S. Joanne Apostolo & Evangelista.*

Joannes Zebedæi & Salome filius , adolescens desertis parentibus , abjecto omni instrumento artis , qua usque ad eum diem victitarat , Christum vocantem nulla interposita mora secutus totum se ei addixit. Itaque tanta illum sibi charitate devinxit , ut ab eo eximie & singulariter præ cæteris omnibus sectatoribus ac Discipulis amaretur. Inenarrabilis hujus benevolentiae testimonia duo habemus : nam in cœna illa mysteriorum plenissima , qua cum suis celebrata , & Sacratissimo Eucharistiæ Sacramento instituto , omnem in omnes amorem suum effudit , unus ex omnibus Joannes dignus habitus est , qui in sinu ejus recumberet , & cui soli Judam proditionem nraemonstraret. Majorem in Joannem amorem Christus postea ostendit , cum id , quod carissimum habebat in terris , Matrem scilicet suam ei commendavit , & illam huic matrem , hunc illi filium esse jussit. Ipse pariter Joannes magnopere Christum amavit ; nam Christum à militibus captum comitatus est , & ab eo confitendo numquam deteritus est , & stetit solus Apostolorum ante Crucem Matremque Salvatoris in sua recepit.

Ad Christi sepulchrum tanta celeritate properavit , ut Petri adventum præcurreret. Christum redivivum , dum una cum aliis Discipulis in mare Tiberiadis piscaretur , stantem in litore omnium primus agnovit , & ostendit Petro. Post ejus Ascensionem in cœlum , Concilio Hierosolymitano de cæteroniis Legis veteris celebrato interfuit. Ad Parthos deinde se contulit. Complures in minore Asia

Ecclesias instituit, & præceptis ac doctrinis constabiliuit. Ephesi præsertim commoratus est.

Sæviente altera à Domitiano excitata persecutio-ne, Epheso Romam vinctus mittitur, ubi in ferven-tis olei dolium injectus, non solum illæso corpore exivit, sed etiam tamquam Christi athleta vegetio-re. In Patmos Egæi maris insulam postea relegatus, ibi diviāum Apocalypseos libellum conscripsit. Do-mitiano imperfecto restitutisque ab ejus successore Nerva exilibus, rogatu Discipulorum ac omnium pe-ne Episcoporum Asiæ, Ephesi degens, Evangelium litteris consignavit, ad retundendam Cerinthi & Ebionis insaniam; qui Christum ante Mariam non fuisse, & hominem tantum esse effutiebant; atque ideo ea præsertim persecutus est, quæ Christum etiam Deum esse comprobarent, expromens altissi-mi mysterii cognitionem, quam ex pectore Christi Salvatoris hauserat. Præter Evangelium & Apoca-lypsim, tres Epistolas ab Ecclesia receptas scripsit. Cum præ senectute ad plura verba non sufficeret, præclaram illam vocem: *Filioli, diligite alterutrum,* sœpe in Ecclesia iterare consuevit: ajebat enim hoc præcepto omnia contineri.

Denique cum Ephesi in summa tranquillitate us-que ad amplius nonaginta ætatis annos vixisset, ex-cessu placidi soporis simillimo, omnium Apostolo-rum postremus ad Dominum evolavit, virgineo ni-tore, apostolica dignitate, Evangelistæ gloria. Mart-yrii citra violentam mortem laurea, & Prophe-tiæ spiritu insignis.

### *De S. Philippo.*

Philippus ex urbe Bethsaida fuit. Vix dum à Christo in Galilæam proficidente vocatus, ut sibi

comes esset, statim mandato obtemperavit. Viso  
mox Nathanæle, testatus se reperiisse quem Moy-  
ses & Prophetæ venturum prædixerant, Jesum fi-  
lium Joseph à Nazareth, facile enim ad Christum  
perduxit. Exinde apostolica dignitate auctus est. Cum  
petiisset à Christo, ut sibi & reliquis Discipulis Pa-  
trem ostenderet, id tulit responsum: *Philippe, qui  
videt me, videt & Patrem meum.* Dum Evangelium  
apud Hierapolim Asiae Civitatem populo nuntiaret,  
cruci affixus lapidibus opprimitur.

*De S. Bartholomæo.*

Bartholomæus, perinde ac cæteri Apostoli, Ga-  
llæus fuit. Ad Indos usque penetravit, & Evange-  
lium S. Matthæi hebraice scriptum secum tulit. Ex  
Martyrologio Romano habemus, Bartholomæo tor-  
mentis lacerato, & pelle vivo detracta, caput fuisse  
abscissum. Ejus corpus Liparam primum transla-  
tum dicitur, inde Beneventum, ac tandem Romam  
in insulam Tiberinam, ob id S. Bartholomæi ho-  
die cognominatam.

*De S. Thoma.*

Thomas, qui etiam dicitur Didymus, in Galilæa ortum habuit. Cum Jesus paulo ante mortem  
suam in Bethaniam ad excitandum à mortuis Lazaru-  
rum ire decrevisset, Thomas condiscipulis, ut se-  
querentur, animos addidit imperterrita illa voce:  
*Eamus & nos, ut moriamur cum eo.* Demum Tho-  
mæ querenti à Christo in ultima cœna, quo per-  
geret, respondit Christus: *Ego sum via, veritas,  
& vita.*

Christus redivivus Apostolis, absente Thoma,  
se in conspectum dedit: iis postea rem totam nar-

rantibus Thomas credere recusavit, donec vulnera ejus videret, atque contrectaret. Post dies octo Jesus se Apostolis iterum obtulit; & manus suas clavis terebratas, ac latus lancea transfixum Thomæ videndum ac tangendum præbuit. Tunc Thomas minime dubitanter exclamavit: *Dominus meus, & Deus meus*: Jesus vero respondit: *Quia vidisti me, Thomas, credidisti. Beati qui non viderunt, & crediderunt.*

Tomas potestatem accepit remittendi peccata quamvis abesset, cum Dominus illam cæteris Apostolis impertivit. Parthia ipsi ad prædicandum obtigit. Aliqui tradunt, Æthiopas, Medos, Persas, Brachmanas, Indos, aliasque nationes finitimas Parthorum imperio, Evangelica luce ab eodem fuisse illustratas. Ex Martyrologio Romano, Calaminæ, quæ urbs Indiæ est, martyrii palmam adeptus est.

### *De S. Matthæo Apostolo & Evangelista.*

Matthæus *Levi* itidem dictus est. Galilæus fuit, & professione Publicanus. Morabatur Capharnaum, & Mensam ad mare Tiberiadis urbi proximum habebat. Judæus erat, non Ethnicus. Vocatus à Christo, statim secutus est eum. Confestim ita obtemperavit, ut nec domum quidem ad communicandam rem cum suis profectus sit; verum sicut piscaiores prius retibus una cum navigio atque patre relictis, sic iste publico officio & quæstu relicto, Christum sequutus est.

Eodem anno, quo Christo nomen dedit, primo videlicet prædicationis Christi, Apostolatu initiatus est. Omnim primus Evangelium scribere aggressus est. Nam cum Hebræis primum fidem prædicasset, inde ad alias quoque gentes profecturus, Evangelium suum patrio sermone conscribens, id

quod præsentia suæ adhuc superesse videbatur, scripto illis, quos relinquebat, supplevit.

Matthæus non aliam ob causam Evangelium scripsit, quam ut nos compotes faceret originis carnalis Jesu-Christi. Cum enim propter eos, qui ex circumcisione crediderant, Christum expectantes scribebat, necesse fuit, ut humanam ejus generationem enarraret, & ex stirpe Abraham Davidisque semine natum ostenderet.

Matthæo ad prædicandum obtigit Æthiopia. Antequam tamen in Provinciam discederet, Hebræis primum fidem prædicavit. Ex Martyrologio Romano extremum vite diem violenta morte confecit.

### *De S. Jacobo Minore.*

Jacobus, qui *minor* appellatur, ad distinctionem *majoris*, qui erat filius Zebedæi, tres habuit fratres, Josephum, Judam, & Simonem; & consobrini, vel patruelles fuerunt Christi, cum aliqui Alphæum, alii Cleopham patrem eos habuisse velint. Hinc Jacobus aliique fratres Domini appellantur pro more & usu Divinarum Scripturarum, ubi fratres aut sorores dicuntur qui proxima cognatione aut etiam affinitate inter se conjuncti sunt.

Fuit Jacobus Episcopus Hierosolymorum. Paulus scribens ad Corinthios significat, Jacobo, etiam separatim à reliquis Apostolis, Christum post resurrectionem apparuisse; & alibi Jacobum numerat inter Apostolos, qui videbantur columnæ esse Ecclesiæ; & erant tres, videlicet Jacobus, Petrus, & Joannes. In Concilio Hierosolymitano post Petrum verba fecit, ejusque sententiam probavit, scilicet veteris Legis cæremonias imponendas non esse Ethnicis ad Christi fidem conversis. Triginta annos

Hierosolymitanam rexit Ecclesiam; & morti datus est anno Neronis septimo.

Unam tantum scripsit Epistolam, quæ de septem catholicis est. Scripta est duodecim Tribubus, quæ erant in dispersione, hoc est Judæis omnibus, qui in diversis orbis regionibus habitarent. In id præsentini incumbit, ut doceat, tentationem utilem esse ac fructuosam, ostendatque contra Simonianos, Christi fidem sine operibus nihil ad æternam beatitudinem prodesse. Pronulgat etiam institutionem Sacramenti Extremæ Unctionis à Christo Domino profectam.

*De S. Thaddæo, seu Judæo.*

Thaddæus, qui & Judas appellatus est, frater fuit Jacobi minoris, ut initio epistole sue Catholice se ipsum appellat. Causam à Christo rogavit Thaddæus, cur Apostolis tantum, non orbi universo se manifestatus esset. Edessam, omnemque Mesopotamiam ab eo divinis præceptis imbuitam volunt nonnulli; Judæam, Galilæam, Samariam, Idumæam, Syriamque universam eum perlustrasse predicando tradunt alii. Apostolum Armeniis esse dicunt suum, & in Armenia majore obiisse credunt. De tempore & genere mortis ejus nihil certi affirmare licet. Post annum Christi 66. alii post 71. ex hac vita decessisse existimant.

Extat una ejus Epistola, quæ de septem Catholicis est, atque postremum inter eas locum obtinet. *Catholicae* ideo dicuntur, quia generatim omnibus Christi fidelibus non peculiari alicui Ecclesiæ inscriptæ sint, etsi hæc scripta videatur Judæis ad Christi fidem conversis. Non sententiis tantum, sed etiam verbis similis est Epistole secundæ Divi Petri. Nicolaitas fortasse, Gnosticos, Simonianos, &

alios ejusdem generis insectatur, *Dei nostri gratiam transferentes in luxuriam*, sola in Christum fide operibus vacua contentos. Scriptam plerique volunt post obitum omnium Apostolorum, uno Joanne excepto: versus enim decimusseptimus inuere videtur, plerosque Apostolos è vivis jam excessisse.

### *De S. Simone Cananæo.*

Simon *Cananæus* appellatus, quia de vico *Canæ Galilææ*, ubi aquam Dominus vertit in vinum, ex Tribu Zabulon aut Nephthali fuit. Quibus prædicaverit, & ubi extrellum vitæ diem confecerit, non liquet. Ægyptum, Cyrenem, & Africam, deinde Mauritaniam & Lybiam omnem, insulasque Britannicas Christi præceptis à Simone imbutas, scribit Nicephorus. Eadem ferme narrant Græci (in Mænæis) addentes eum in Britannia sepultum.

### *De Iuda Iscariotbe.*

Judas Simonis filius, ut proditor mágis, quam ut Apostolus Christi notus, *Iscariotbes* dictus est vel ab *Iscarioth* vico Tribus Ephraim, ubi natus creditur, vel à Tribu *Issachar*, voce *Issachariotos* in *Iscariotbes* contracta. Accepit & ipse Eucharistiam in ultima cœna, quando Christus instituto Augustissimo Sacramento, singulis ministravit: verum non eredit in accepta Eucharistia contineri corpus Christi: siquidem fuit unus ex illis Discipulis, qui hære eos omnium primæ auctores, Christo tantum mysterium apud Joannem explicanti non crediderunt, sed abierunt retro cum Capharnaitis.

Implus Discipulus vendidit Christum triginta argenteis, qui nunc libellas venetas circiter centum quinquaginta pretio æquant. Electus fuerat à Chris-

to ad accipiendas stipes & pecunias, quæ ipsi & Apostolis dabantur, ut iis compararet quæ ad corpus, & ad hanc vitam tuendam pertinerent; quidquid vero superesset, in pauperes erogaret. Verum Apostolicæ vitæ ratione non admodum contentus, Apostolicis institutis diligentissime parere desiit. Emere cœpit, quibus ipse unus ad privata commoda victus atque vestitus uteretur. Appetitio opinati boni sensim augeri cœpta ita crevit, ut aliquid collectitiæ stipis & pecuniæ pauperibus debitæ seponeret. Eam ob rem cum Lazari soror Maria pedes Christi unguento magni pretii unxisset, id non solum ægre tulit, sed etiam improbavit, curam & defensionem egenorum simulans verbis istis: *Quare hoc unguentum non veniit tercentis denariis, & datum est pauperibus?*

A Christo admonitus de malitia, nihil remisit. Satanæ potius aures præbuit suadenti, ut Magistro divendito, pecuniam sibi pararet. Exinde semel atque iterum Satanæ in eum intrasse dicitur: primum quidem postquam memoratæ Diaboli suasioni consensit, ut, quam animo conceperat Christi venditionem, pacto firmaret: deinde vero postquam *bucellam* suscepit; ut quod pacto firmaverat, reipsa impleret. Atque ex his satis intelligitur, Judam tanta demum avaritia arsisse, ut à tota mente & recta ratione deficiens, Christum magistrum suum vendere, atque adeo ad mortem tradere non dubitaverit.

Ubi Christum, se prodente, morte damnatum vidi, tum conscientia ictus crimen horruit. Triginta argenteos *Principibus Sacerdotum & senioribus* restituit, fassus, se ad supplicium insontem tradidisse. *Sed Dei misericordiam desperando, exitialiter pœnitens, sceleratæ illius traditionis auxit potius quam expiavit commissum.* Gravius enim in eo peccavit, quod veniam à Christo se impetraturum dif-

fudit, quam in eo quod Christum Judeis prodidit: siquidem proditione in Christum hominem, desperatione in Christus Deum injurious & contumeliosus fuit.

Laqueo vitam finivit Judas, eo nempe mortis genere, quo solent homines desperationi remedium quærere; & quidem die veneris Majoris Hebdomadæ se suspendit, antequam Christus moreretur.

### *De S. Matthia.*

Matthias, post Christi in cœlum Ascensionem, in locum Judæ ordinatus, numero Apostolorum duodecimus adjunctus est tali modo. Cum Apostoli una cum Maria matre Jesu, & fratribus ejus, hoc est cognatis tam Mariæ quam Jesu, & cum mulieribus quæ Apostolos sequi consueverant, aliisque numero fere 120. (quibus annumerandi videntur etiam 72, Discipuli) in Cœnaculum convenissent, & precibus ad Deum fundendis unanimiter intenti, promissum Spiritum Sanctum præstolarentur, Petrus Apostolorum Princeps, ut Ecclesiæ Judæ scelere afflictæ consuleret, de alio in locum ejus subrogando sermonem habuit. Subrogandum universi censuerunt; & omnibus prius in Deum functi officiis, duos esse dignos existimarunt, qui locum proditoris tenerent, Joseph Barsabam, cui *Justo* cognomen, & Matthias. Cum autem non appareret, uter ad id munieris magis idoneus esset, sortiri placuit; & sors Matthei Apostolatum dedit.

Euni à suscepto Joannis Baptismate semper cum Jesu & Apostolis usque ad Ascensionem ejusdem in cœlum fuisse, certum omnino est. Tradunt nonnulli, eum post Pentecosten cum provincia illi evenisset Palæstina, multa patrasse miracula, & quamplurimos ad christianam veritatem traduxisse, ac

tribus circiter & triginta annis post Christi mortem, jussu Anani junioris, qui S. Jacobum Hierosolymis morti dederat, lapidibus percussum, & deinde obtruncatum fuisse.

### *De S. Barnaba.*


Barnabas agro suo divendito, pretium ante pedes Apostolorum posuit. Divum Paulum, cum quo à condiscipulatu vivebat conjunctissime, adduxit ad Apostolos, Petrum videlicet & Jacobum minorem, ut non in Christianos solum, sed etiam in eorum Collegium referretur. Profectus jussu Ecclesiæ Hierosolymitanæ Antiochiam, hortatus est novos fidèles, ut in proposito permanerent, & quia erat vir bonus, plenus Spiritu Sancto, & fide, idcirco ejus adhortationibus incitati Christianam Religionem plures suscepérunt. Inde Tarsum se contulit, ut quereret Saulum; & inventum Antiochiam secum deduxit. Illic per annum integrum commorati sunt; & per eos quamplurimi divinam Legem & christianæ vitæ præcepta edocti fuerunt, ita ut cognominarentur primum Antiochiæ Discipuli Christiani. Antiochia venerunt in Judæam cum eleemosynis, quas Ecclesiæ Antiochenæ fideles Hierosolymorum pauperibus mittebant. Quo munere funeti Antiochiam rediere, socio sibi adjuncto Joanne, cui, *Marcus* cognomen. Antiochiæ degentes Spiritus Sancti instinctu per impositionem manuum consecrati sunt. Inde ad propagandam Christi Doctrinam abierunt, comitante Joanne *Marcus* administro. Profecti sunt Salaminam, Paphum, Pergam Pamphyliæ, unde Joannes *Marcus* iis relictis Hierosolymam repetiit. Illi vero iter prosecuti initiandis Christo, & in ejus disciplina instituendis hominibus operam navarunt Antiochiæ in Pisidia, & Iconii: atque illinc lapi-

dationis metu Lystram & Derben Lycaonice urbes confugerunt, ubi cum à Lycaonibus Jupiter & Mercurius putarentur, & eis vellent hostias immolare, sciderunt vestimenta sua, & se homines esse dixerunt. Derbe regressi sunt Lystram, Iconium, Antiochiam Pisidiæ, & Pergen. Inde processere Attaliam, unde Antiochiam Syriæ remigrarunt, ibique per haud modicum tempus manserunt.

Antiochia missi Hierosolymam solvendæ causa controversiæ, Moysis ne Lege tenerentur Ethnici ad veri Dei cultum à vitæ pravitate conversi, interfuerunt Concilio Apostolorum, in quo eadem quæstio dirempta est, & ipsi Gentium Apostoli sunt renuntiati; habitique pro hominibus, qui tradiderunt animas suas, ut honori Christi inservirent. Postea reversi sunt Antiochiam: qua in urbe cum paucis post diebus Paulo studium incessisset revisendi Civitates, quas ad christianæ pietatis rationem institerat; velletque Barnabas Joannem Marcum itineris socium habere, id non consensit Paulus, quod ille antea ab se ipsis in Pamphylia degentibus abiisset. Ob id erta inter Paulum & Barnabam dissensione, non tamen inimicitiae alter ab altero discessit, ut uterque datum sibi munus expleret. Paulus Asiam iterum petiit, & Barnabas una cum Marco in Cyprum navigavit.

In Cypro suum pro Christo sanguinem fudisse narrant aliqui; alii vero à Judæis Salaminæ lapidibus obrutum referunt. Corpus ejus certe in Cypro repertum est imperante Zenone anno 488. gerens in pectore sacrum & divinum Evangelium Matthæi Evangelistæ ipsius Barnabæ manibus scriptum.





Soy de Aguascalientes  
dina Romanillo

E

J


Soy de Manuela

Medina?

Romanillos

Henry  
F. S. C. O. S.  
Henry  
Charles  
Eugene  
W.  
G. F. G.  
G. F. G.

1780



3449

3883